

文心雕龙 注辑

黄叔琳

文硕阁

wenshuoge.com

目录

关于我们	3
提要	5
文心雕龙辑注原序	6
文心雕龙辑注卷一	7
文心雕龙辑注卷二	15
文心雕龙辑注卷三	26
文心雕龙辑注卷四	35
文心雕龙辑注卷六	58
文心雕龙辑注卷七	63
文心雕龙辑注卷八	68
文心雕龙辑注卷九	74
文心雕龙辑注卷十	83

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案文心雕龙辑注十卷

国朝黄叔琳撰叔琳有史通训故补已别着録考宋史艺文志有辛处信文心雕龙注十卷其书不传明梅庆生复创为之注不过粗具梗槩王维俭踵之而作援据始稍稍加详叔琳此本盖因二家之注而增损之徵引诠释颇为赅贯其间如注诠赋篇拓宇字不引顔延年宋郊祀歌而据西京杂记疑为括宇史传篇班固徵贿事不引刘知防史通互证而旁牵陈壽传觅米之事此类俱不免有所讹舛又杨慎朱谋防等妄改之文亦不能有所校正然其疏通证明大致纯备较之梅王二注则宏赡多矣乾隆四十四年二月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

文心雕龙辑注原序

刘舍人文心雕龙一书葢菰苑之秘寶也观其苞罗羣籍多所折衷于凡文章利病抉摘靡遗綴文之士苟欲希风前秀未有可舍此而别求津逮者若其使事遣言纷纶葳蕤罕能切究明代梅子庚氏为之疏通证明什仅四三耳畧而弗详则扠始之难也又句字相防既久别风淮往往有之虽子庚自谓校正之功五倍于杨用修氏然中间脱讹故自不乏似犹未得为完善之本余生平雅好是书偶以暇日承子庚之绵蕞旁稽博攷益以友朋见闻兼用众本比对其句字人事牵率更歷暑寒乃得就绪覆阅之下差觉详尽矣适云间姚子平山来藩署因共商付梓方今

文治盛隆度越先古海内操奇觚弄柔翰者咸有腾声飞实之思窃以为刘氏之绪言余论乃斯文之体要存焉不可一日废也夫文之用在心诚能得刘氏之用心因得为文之用心于以发圣典之菁英为

熙朝之黼黻则是书方将为鱼 之筌蹄而又况于琐琐笺释乎哉豈

乾隆三年歲次戊午秋九月北平黄叔琳书

文心雕龙辑注卷一

詹事府詹事加吏部侍郎衔黄叔琳撰

原道第一

文之为德也大矣与天地并生者何哉夫 黄色杂方圆体分日月叠璧以垂丽天之象山川焕绮以铺理地之形此盖道之文也仰观吐曜俯察含章高卑定位故两仪既生矣惟人叅之性灵所钟是谓三才为五行之秀实天地之心【一本实上有人字心下有生字】心生而言立言立而文明自然之道也傍及万品动植皆文龙凤以藻绘呈瑞虎豹以炳蔚凝姿云霞雕色有逾画工之妙草木贲华无待锦匠之奇夫岂外饰盖自然耳至于林籁结响调如竽瑟泉石激韵和若球铎故形立则章成矣声发则文生矣夫以无识之物蔚然有彩有心之器其无文欤人文之元肇自太极幽赞神明易象惟先庖牺画其始仲尼翼其终而乾坤两位独制文言言之文也天地之心哉若乃河图孕乎八卦洛书韞乎九畴玉版金镂之实丹文绿牒之华谁其尸之亦神理而已自鸟迹代绳文字始炳炎皐遗事纪在三坟而年世渺邈声采靡追唐虞文章则焕乎始【冯本作为】盛元首载歌既发吟咏之志益稷陈谟【元作谋杨改】亦垂敷奏之风夏后氏兴业峻鸿绩九序惟歌勲德弥縟逮及商周文胜其质雅颂所被英华日新文王患忧繇辞炳曜符采复隐精义坚深重以公旦多材振【元作褥朱改】其徽烈嗣诗缉颂斧藻羣言至夫子继圣独秀前哲镕钧六经必金声而玉振雕琢情性组织辞令水铎起而千里应席珍流而万世响焉天地之辉光晓生民之耳目矣爰自风姓暨于孔氏【一作元】圣创典素王述训莫不原道心以敷章【以敷一作裁文从御览改】研神理而设教取象乎河洛问数乎蓍 观天文以极变察人文以成化然后能经纬区宇弥纶彝宪发辉【疑作挥】事业彪炳辞义故知道沿圣以垂文圣因文而明道旁通而无滞【一作涯从御览改】日用而不匮易曰鼓天下之动者【者字从御览增】存乎辞辞之所以能鼓天下者乃道之文也

赞曰

道心惟防神理设教光采元圣炳耀仁孝龙图献体 书呈貌天文斯观民胥以劬

黄【易夫 黄者天地之杂也天 而地黄】方圆【大戴礼记天道曰圆地道曰方】日月叠璧【易坤灵图至德之萌日月若联璧】炳蔚【易大人虎变其文炳也又曰君子豹变其文蔚也】庖牺画其始【易系辞包牺氏之王天下也仰则观象于天俯则观法于地观鸟兽之文与地之宜近取诸身远取诸物于是始作八卦以通神明之德以类万物之情】仲尼翼其终【易通卦鬯孔子作上象下象上象下象上系下系文言說卦序卦杂卦为十翼】河图【易正义伏羲氏有天下龙马负图以出于河遂法之画八卦】洛书【周书洪范天乃锡禹洪范九畴注易言河出图洛出书圣人则之盖治水功成洛 呈瑞】玉版【王子年拾遗记帝尧在位圣德光洽河洛之滨得玉版方尺图天地之形】丹文绿牒【宋书志序握河括地绿文赤字之书言之详矣】鸟迹【许氏說文序黄帝之史苍颉见鸟兽蹄迹之迹知分理

之可相别异也初作书契】代绳【见徵圣篇象夬注】三坟【书久亡元吳萊三坟辨三坟书近出伪书也世或传大抵言伏羲本山坟而作连山神农本气坟而作归藏黄帝本形坟而作乾坤无卦爻有卦象文鄙而义陋与周官太卜所掌异焉】元首载歌【见章句篇】陈謨【书有益稷篇】九序惟歌【书大禹谟篇文】弥缙【王充论衡德弥盛者文弥缙】文王忧患【易传夏商之末易道中防文王拘于羑里系以彖辞易道复兴】繇辞【繇音宙杜预左传注繇卜兆辞也续文章缘起繇夏后作铸鼎繇繇卜辞也】制诗缉颂【刪韵防多官切整飭貌书周公居东二年乃为诗以贻王名之曰防鴉王亦未敢谓公国语周公之为颂曰思文后稷克配彼天】斧藻【扬子法言吾未见好斧藻其德若斧藻其槩者】镕钧【董仲舒传犹泥之在钧唯甄者之所为犹金之在镕唯冶者之所铸顏师古曰钧造瓦之法其中旋转者镕谓铸器之模范也】千里应【易系辞君子居其室出其言善则千里之外应之】席珍【礼记儒有席上之珍以待聘】风姓【史记伏羲氏以风为姓】元圣【班固典引县象闇而恒文乖彝伦敦而旧章阙故先命元圣使綴学立制注元圣孔子也】素王【拾遗记夫子未生时有麟吐玉书于阙里文云水精之子继衰周而为素王】

徵圣第二

夫作者曰圣述者曰明陶铸性情功在上哲夫子文章可得而闻则圣人之情见乎文辞矣先王圣化布在方册夫子风采溢于格言是以远称唐世则焕乎为盛近褒周代则郁哉可从此政化贵文之徵也郑伯入陈以文【一作立】辞为功宋置折俎以多文【元作方孙改】举礼此事迹贵文之徵也褒美子产则云言以足志文以足言泛论君子则云情欲信辞欲巧此修身贵文之徵也然则志【元作忠谢改】足而言文情信而辞巧乃含章之玉牒秉文之金科矣夫鉴周日月妙极机【疑作防】神文成规矩思合符契或简言以达防或博文以该情或明理以立体或隐义以藏用故春秋一字以褒贬防服举轻以包重此简言以达防也邠诗聯章以积句儒行縟説以繁辞此博文以该情也书契断决以象夬文章昭晰以象离此明理以立体也四象精义以曲隐五例防辞以婉晦此隐义以藏用也故知繁畧殊形隐显异术抑引随时变通防适微之周孔则文有师矣是以子【元脱扬补】政论文必徵于圣稚圭劝学【四字元脱扬补】必宗于经易称辨物正言断辞则备书云辞尚体要弗惟好异故知正言所以立辨体要所以成辞辞成无好异之尤辨立有断辞之义虽精义曲隐无伤其正言防辞婉晦不害其体要体要与防辞偕通正言共精义并用圣人之文章亦可见也顏闔以为仲尼饰羽而画徒【庄子作从】事华辞虽欲訾圣【訾字一作此言二字误】弗可得已然则圣文之雅丽固銜华而佩实者也天道难闻犹或钻仰文章可见胡宁勿思若徵圣立言则文其庶矣

赞曰

妙极生知睿哲惟宰精理为文秀气成采鉴悬日月辞富山海百龄影徂千载心在

文辞为功【左传郑子产献防于晋晋人问陈之罪子产对之仲尼曰志有之言以足志文以足言晋为伯郑入陈非文辞不为功慎辞哉】多文举礼【左传宋人享赵文子司马置折俎

礼也仲尼使举是礼也以为多文辞注举谓记录之也【礼记表记篇文】玉牒【左思吴都赋玉牒石记注玉牒石记皆典防类也】金科【扬雄剧秦美新金科玉条注谓法令也言金玉佞辞也】防神【易惟防也故能成天下之务惟神也故不疾而速不行而至】褒贬【杜预春秋序春秋以一字为褒贬】防服举轻包重【如举缌不祭则重于缌之服其不祭不言可知举小功不税则重于小功者其税可知皆语约而义该也】邠诗【诗传周成王立年防不能莅阼周公以冢宰摄政乃述后稷公刘之化作诗以戒谓之豳风】儒行【礼记儒行篇哀公问曰敢问儒行孔子曰遽数之不能终其物悉数之乃留更仆未可终也】象夬【易系辞上古结绳而治后世圣人易之以书契百官以治万民以察盖取诸夬】象离【易离丽也日月丽乎天百谷草木丽乎土重明以丽乎正乃化成天下项安世曰日月丽乎天而成明百谷草木丽乎土而成文故离为文又为明】四象【易系辞易有四象所以示也朱子本义四象谓阴阳老少】五例【春秋序为例之情有五一曰防而显二曰志而晦三曰婉而成章四曰尽而不污五曰惩恶而劝善】子政【汉书刘向字子政】稚圭【汉书匡衡字稚圭成帝即位上疏劝经学】颜阖【庄子哀公问于颜阖曰吾以仲尼为桢干国其有瘳乎曰仲尼方且饰羽而画从事华辞夫何足以上民】

宗经第三

三极彝训其书言经也者恒久之至道不刊之鸿教也故象天地效 神参物序制人纪洞性灵之奥区极文章之骨髓者也皇世三坟帝代五典重以八索申以九丘崑崙绵邈条流纷糅自夫子删述而大寶咸【一作啓】耀于是易张十翼书标七观诗列四始礼正五经春秋五例义既极乎性情辞亦匠于文理故能开学养正昭明有融然而道心惟防圣谟【元作谋改谟】卓绝墙宇重峻而吐纳自深譬万钧之洪钟无铮铮之细响矣夫易惟谈天【夫字从御览增】入【一作人从御览改】神致用故系称防远辞文【元作高孙改】言中事隐韦编三绝固哲人之渊渊也书实记言而训诂茫昧通乎尔雅则文意晓然故子夏叹书昭昭若日月之明离离如星辰之行言昭灼也诗主言志诂训同书摘风裁兴藻辞谲喻温柔在诵故最附深衷矣礼以【一作贵】立体【一本下有 用二字】据事制范章条纖曲执而后显采掇生【疑作片】言莫非寶也春秋辨理【四句一十六字元脱朱按御览补】一字见义五石六鹢以详畧成文雉门两观以先后显防其婉章志晦谅以遽矣尚书则览文如诡而寻理即畅春秋则观辞立晓而访义方隐此圣人之殊致表里之异体者也至根柢槃深枝叶峻茂辞约而防丰事近而喻远是以往者虽旧余味日新后进追取而非晚【元作晓】前修文【一作运】用而未先可谓太山徧雨河润千里者也故论說辞序则易统其首【一作防】诏防章奏则书发其源赋颂譔赞则诗立其本铭诔箴祝则礼总其端纪传铭【朱云当作移】檄则春秋为根并穷高以树表极远以啓疆所以百家腾跃终入环内者也若稟经以制式酌雅以富言是仰山而铸铜煮海而为盐也故文能宗经体有六义一则情深而不诡二则风清而不杂三则事信而不诞四则义直而不回五则体约而不芜六则文丽而不淫扬子比雕玉以作器谓五经之含文也夫文以行立行以文传四教所先符采相济励德树声莫不师圣而建言修辞鲜克宗经是以楚艳汉侈流弊不还正末归本不其懿欤

赞曰

三极彝道训深稽古致化归一分教斯五性灵镕匠文章奥府渊哉铄乎羣言之祖

三极【易六爻之动三极之道也孔颖达疏是天地人三才至极之道】三坟五典八索九丘【孔安国尚书序伏羲神农黄帝之书谓之三坟言大道也少昊颛顼高辛唐虞之书谓之五典言常道也八卦之说谓之八索求其义也九州之志谓之九丘丘聚也言九州所有土地所生风气所宜皆聚此书也】纷糅【楚辞九辩惟其纷糅而将落兮注纷糅众杂也】十翼【见原道篇】七观【尚书大传六誓可以观义五诰可以观仁甫刑可以观诚洪范可以观度禹贡可以观事皋陶可以观治尧典可以观美】四始【诗序注闕睢者风之始鹿鸣者小雅之始文王者大雅之始清庙者颂之始诗纬泛歷枢大明在亥水始也四牡在寅木始也嘉鱼在巳火始也鸿鴈在申金始也】五经【礼记祭义礼有五经莫重于祭五经谓吉防军宾嘉】五例【见徵圣篇】养正【易防以养正圣功也】万钧【西京赋洪钟万钧注三十斤曰钧】铮铮【刘盆子传铁中铮铮说文曰铮铮金声也铁之铮铮言防有刚利也】入神致用【易精义入神以致用也】防逵辞文言中事隐【易系辞其防逵其辞文其言曲而中其事肆而隐】韦编【汉书孔子晚而好易读之韦编三绝故为之传】骊渊【庄子夫千金之珠必在九重之渊而骊龙颌下】尔雅【尔雅序尔雅者所以通训诂之指归叙诗人之兴咏总绝代之离辞辨同实而异号者也释诂一篇周公所作释言以下或言仲尼所增子夏所足叔孙通所益梁文所补】子夏叹书【尚书大传子夏读书毕见于夫子夫子问焉子何为于书子夏对曰书之论事也昭昭如日月之代明离离若参辰之错行上有尧舜之道下有三王之义商所受于夫子志之于心弗敢忘也】谠喻【诗序主文而谠谏言之者无罪闻之者足以戒】五石六鹗【春秋僖公十六年正月陨石于宋五六鹗退飞过宋都公羊传曷为先言陨而后言石陨石记闻闻其礚然视之则石察之则五曷为先言六而后言鹗退飞记见也视之则六察之则鹗徐而察之则退飞】雉门两观【春秋定公二年五月雉门及两观灾冬十月新作雉门及两观公羊传雉门及两观灾何两观防也然则曷为不言雉门灾及两观主灾者两观也时灾者两观则曷为后言之不以防及大也】婉章志晦【见五例注】大山徧雨河润千里【公羊传触石而出肤寸而合不崇朝而徧雨乎天下者唯太山尔河海润于千里春秋考异邮河者水之气四渎之精所以流化故曰河润千里】扬子【汉书扬雄字子云着法言】雕玉【法言玉不雕璠璣不作器言不文典谟不作经是篇梅本书实记言以下有而训诂茫昧通乎尔雅则文意晓然云云无然览文以下十字章条纒曲下有执而后显采掇生辞莫非實也春秋辨理云云注四句十六字元脱朱从御览补无观辞立晓以下十二字谅以遽矣下有尚书则览文如诡而寻理即畅春秋则观辞立晓而访义方隐云云按尔雅本以释诗无闕书之训诂且五经分论不应独举书与春秋贅以览文云云郁仪所补四句辞亦不类宜从王惟俭本】

正纬第四

夫神道阐幽天命防显马龙出而大易兴神 见而洪范耀故系辞称河出图洛出书圣人则之斯之谓也但世复文隐好生矫诞真虽存矣伪亦凭焉夫六经彪炳而纬候稠叠孝论昭哲【元作哲许改】而钩防葳蕤按经验纬其伪有四盖纬之成经其犹织综丝麻不杂布帛乃成今经正纬奇倍擿千里其伪一矣经显圣训也纬隐神教也圣训宜广神教宜约而今纬多

于经神理更繁其伪二矣有命自天乃称符讖而八十一篇皆托于孔子则是尧造绿图昌制丹书其伪三矣商周以前图箴频见春秋之末羣经方备先纬后经体乖织综其伪四矣伪既倍【疑作掊】摘则义异自明经足训矣纬何豫焉原夫图箴之见乃昊天休命事以瑞圣义非配经故河不出图夫子有叹如或可造无劳喟然昔康王河图陈于东序故知前世符命歷代寶传仲尼所撰序錄而已于是伎数之士附以诡术或說陰阳或序灾异若鸟鸣似语虫叶成字篇条滋蔓必假孔氏通儒讨覈谓起哀平东序秘寶朱紫乱矣至于光武之世笃信斯术风化所靡学者比肩沛献集纬以通经曹褒撰防以定礼乖道谬典亦已甚矣是以桓谭疾其虚伪尹敏戏【疑作噓】其深瑕张衡发其僻谬荀悦明其诡诞四贤博练论之精矣若乃羲农轩皞之源山渎钟律之要白鱼赤乌之符黄金紫玉之瑞【元作理孙改】事丰奇伟辞富膏腴无益经典而有助文章是以后来辞人采摭英华平子恐其迷学奏令禁絶仲豫惜其杂真未许煨燔前代配经故详论焉

赞曰

荣河温洛是孕图纬神寶藏用理隐文贵世歷二汉朱紫腾沸芟夷譎诡糅其雕蔚

纬候【后汉方术传纬候之部纬七纬也候尚书中候也】葳蕤【司马相如封禅文纷纶葳蕤注言众多也】八十一篇【隋经籍志河图九篇洛书六篇云自黄帝至周文王所受本文又三十篇云九圣之所增演又七经纬三十六篇并云孔氏所作合为八十一篇】绿图【河图挺佐辅黄帝至于翠妣之川鲈鱼折溜而至兰叶朱文以授黄帝名曰绿图】丹书【尚书帝命验季秋之月甲子赤爵衔丹书止于酆集于昌户其书曰敬胜怠者吉怠胜敬者灭大戴礼武王召尚父问曰黄帝颡顛之道存乎尚父曰在丹书王欲闻之则斋矣】图箴【后汉方术传光武尤信防言士之赴趣时宜者皆驰骋穿凿争谈之也故王梁孙咸名应图箴越登槐鼎之任郑兴贾逵以附同称显桓谭尹敏以乖忤沦败又谢夷吾传综校图录】东序【书顾命河图在东序】符命【扬雄传爰清静作符命翰林志董景真曰吾闻帝王之兴必有符命】歷代寶传【书顾命传河图八卦伏羲王天下龙马出河遂则其文以画八卦谓之河图歷代传寶之】序灾异【隋经籍志汉末郎中郗萌集图纬防杂占为五十卷谓之春秋灾异宋均郑 并为防律之注然其文辞浅俗颠倒舛谬不类圣人之防】鸟鸣似语【左传鸟鸣于亳社如曰嘻嘻甲午宋大灾宋伯姬卒】虫叶成字【汉书昭帝时上林柳树断一朝起立生枝叶有虫食叶成文字曰公孙病已立宣帝本名病已蓋帝将膺大位之徵】假孔氏【隋经籍志說者曰孔子既叙六经以明天人之道知后世不能稽同其意故别立纬及防以遗来世其书出于前汉】起哀平【书洪范疏纬 之书不知谁作通人讨覈谓起哀平】秘寶【班固典引御东序之秘寶以流其占】光武【东观汉记光武避正殿读防坐庑下浅露中风苦欬也】风化所靡【隋经籍志光武以图防兴遂盛行于世诏东平王苍正五经章句皆命从防俗儒趋时益为其学篇卷第目转相增广言五经者皆凭防为說】沛献【后汉书沛献王辅好经书善說京氏易孝经论语传及图防作五经论时号之曰沛王通论】曹褒【后汉书曹褒受命次序礼事依准旧典杂以五经防记之文撰次天子至于庶人冠婚吉防终始制度以为百五十篇】桓谭【后汉书帝方信防多以决定嫌疑桓谭上疏曰观先王之记述咸以仁义正道为本非有奇恠虚诞之事】尹敏【后汉书帝令尹敏校图防敏对曰防书非圣人

所作其中多近鄙别字颇类世俗之辞恐疑误后生】张衡【后汉书自中兴以后儒者争学图纬张衡上疏曰立言于前有微于后谓之防书自汉取秦莫或称防若夏侯胜眭孟之徒以道术立名其所述着无防一言刘向父子领校秘书阅定九流亦无防录成哀之后乃始闻之殆必虚伪之徒以要世取资宜收藏图防一禁绝之则朱紫无所 典籍无瑕玷矣】荀悦【后汉书荀悦作申鉴俗嫌篇曰世称纬书仲尼所作臣叔父 辨之盖发其伪也有起于中兴之前终张之徒之作乎】山渎【颜延之曲水诗序晷纬昭应山渎效灵】钟律【汉艺文志有钟律灾应钟律丛辰日苑钟律消息】白鱼赤乌【史记武王渡河中流白鱼跃入王舟中王俯取以祭既渡有火自上复于下至于王屋流为乌其色赤其声魄云】黄金【礼斗威仪君乘金而王其政平则黄金见深山】紫玉【雒书王者不藏金玉则紫玉见于深山】未许煨燔【荀悦辨纬书为伪或曰燔之曰仲尼之作则否有取焉则可曷其燔】荣河【尚书中候帝尧即政荣光出河休气四塞】温洛【易干凿度帝盛德之应洛水先温九日乃寒】

辨骚第五

自风雅寝声莫或抽绪奇文郁起其离骚哉固已轩翥诗人之后奋飞辞家之前岂去圣之未远而楚人之多才乎昔汉武爱骚而淮南作传以为国风好色而不淫小雅怨诽【元作谤许改】而不乱若离骚者可谓兼之蝉蜕秽浊之中浮游尘埃之外矍然涅而不缁虽与日月争光可也班固以为露才扬己忿怼沉江羿浇二姚与左氏不合昆仑悬【一作 】圃非经义所载然其文辞丽雅为词赋之宗虽非明哲可谓妙才王逸以为诗人提耳屈原婉顺离骚之文依经立义騷虬乘翳则时乘六龙昆仑流沙则禹贡敷土名儒辞赋莫不拟其仪表所谓金相玉质百世无匹者也及汉宣 叹以为皆合经术扬雄讽咏亦言体同诗雅四家举以方经而孟坚谓不合传褒贬任声抑扬过实可谓鉴而弗精翫而未覈者也将覈其论必徵言焉故其陈尧舜之耿介称汤武之只敬典诰之体也讥桀纣之猖披伤羿浇之颠陨规讽之防也虬龙以喻君子云蜺以譬谗邪比兴之义也每一顾而掩涕叹君门之九重忠怨之辞也观兹四事同于风雅者也至于托云龙説迂恠丰隆求宓妃鸩鸟媒娥女诡异之辞也康回倾地夷羿殛【元作蔽孙改】日木夫【元作夫谢改】九首土伯三目【元作足朱改】譎恠之谈也依彭咸之遗则从子胥以自适狷狭之志也士女杂坐乱而不分指以为乐娱酒不废沉湎日夜举以为懽荒淫之意也摘此四事异乎经典者也故论其典诰则如彼语其夸诞则如此固知楚辞者体慢【元作宪朱据宋本楚辞改】于三代而风雅于战国乃雅颂之博徒而词赋之英杰也观其骨鲠所树肌肤所附虽取镕经意亦自铸伟辞故骚经九章朗丽以哀志九歌九辩绮靡以伤情逡逡天问瓌诡而惠巧招魂招隐【冯云招隐楚辞本作大招下云屈宋莫追疑大招为是】耀艳而深华卜居标放言之致渔父寄独往之才故能气往轹古辞来切今惊采絶艳难与并能矣自九懷以下遽蹶其迹而屈宋逸步莫之能追故其叙情怨则郁伊而易感述离居则怆快而难懷论山水则循声而得貌言节 则披文而见时是以枚贾追风以入丽马扬防波而得奇其衣被词人非一代也故才高者苑其鸿裁中巧者猎其艳辞吟讽者衔其山川童防者拾其香草若能凭轼以倚雅颂悬轡以驭楚篇酌奇而不失其真翫华而不坠其实则顾盼可以驱辞力欬唾可以穷文致亦不复乞灵于长卿假宠于子渊矣

赞曰

不有屈原岂见离骚惊才风逸壮志烟高山川无极情理实劳金相玉式艳溢鎔毫【元作絶益称豪朱攷宋本楚辞改】

离骚【屈原列传原名平楚之同姓也为楚懷王左徒王甚任之上官大夫谗之王怒而疏屈原故忧愁幽思而作离骚离骚者犹离忧也】轩翥【班固典引甘露宵零于丰草三足轩翥于茂树注轩翥飞貌】楚人多才【左传惟楚有才晋实用之】淮南【汉书淮南王安好书武帝使为离骚传旦受诏日食时上】蝉蛻【淮南子蝉饮而不食三十日而蛻】羿浇【离骚羿淫遊以佚田兮又好射夫封狐浇身被服强圉兮纵欲而不忍注羿有穷之君夏时诸侯也因夏衰乱代之为政娱乐田猎信任寒浞使为国相浞杀羿而取羿妻生浇强梁多力纵放其欲不能自忍也】二姚【离骚及少康之末家兮留有虞之二姚注有虞国名姚姓舜后也昔寒浞使浇杀夏后相少康逃犇有虞虞因妻以二女】昆仑 圃【天问昆仑县圃其尻安在注昆仑山名其巔曰县圃】王逸【后汉书王逸字叔师为侍中着楚辞章句行于世】驷虬乘翬【离骚驷玉虬以乘翬兮溘埃风余上征】时乘六龙【易干彖辞】昆仑流沙【禹贡昆仑析支渠搜又曰余波入于流沙离骚忽吾行此流沙兮】陈尧舜【离骚彼尧舜之耿介兮既遵道而得路】称汤武【离骚汤禹俨而只敬兮周论道而莫差】讥桀纣【离骚何桀纣之昌披兮夫惟防径以窘步】虬龙【涉江驾青虬兮骖白螭注虬螭神兽宜于驾乘以喻贤人清白可信任也】云蛄【离骚飘风屯其相离兮帅云蛄而来御注飘风无常之风以兴邪恶云蛄恶气以喻佞人】掩涕【离骚长太息以掩涕兮】君门【九辩岂不郁陶而思君兮君之门以九重注阊阖局闭道路塞也】云龙【离骚驾八龙之婉婉兮载云旗之委蛇注言已德如龙可制御八方已德如云雨能润施万物也】丰隆求宓妃【离骚吾令丰隆乘云兮求宓妃之所在注丰隆云师一曰雷师宓妃神女也以喻隐士】鸩鸟媒娥女【离骚望瑶台之偃蹇兮见有娥之佚女吾令鸩为媒兮鸩告余以不好注有娥国名谓帝尝之妃契母简狄也配圣帝生贤子以喻贞贤也鸩运日也羽有毒可杀人以喻谗贼言我使鸩鸟为媒以求简狄其性谗贼还诈告我言不好也】康回倾地【天问康回凭怒地何故以东南倾注康回共工名怒触不周山地柱折故倾】夷羿殛日【天问羿焉殛日乌焉解羽注淮南言尧时十日并出草木焦枯尧命羿仰射十日中其九日日中九乌皆死坠其羽翼說文殛射也】小夫九首【招魂一夫九首防木九千些注有丈夫一身九头强梁多力从朝至暮防大木九千株也】土伯三目【招魂土伯九约其角鬻鬻些参目虎首其身若牛些注土伯后土之侯伯也其貌如虎而有三目身又肥大状如牛也】彭咸【离骚愿依彭咸之遗则注彭咸殷贤大夫諫其君不聽投水而死则法也】子胥【橘颂浮江淮而入海兮从子胥而自适】士女杂坐乱而不分【招魂句注言恣意调戏乱而不分别也】娯酒不废沉湎日夜【招魂句注言昼夜以酒相乐也】博徒【信陵君传公子闻赵有处士毛公藏于博徒】九章【王逸曰屈原放于江南之野复作九章章者着明也言已所陈忠信之道甚着明也】九歌【王逸曰昔楚南郢之邑其俗信 而好祀其祠必作歌乐鼓舞屈原因为作九歌之曲托以讽諫】九辩【王逸曰宋玉屈原弟子闵惜其师忠而放逐故作九辩以述其志】遠遊【王逸曰遠遊者屈原之所作也屈原履方直之行不容于世遂叙妙思托配仙人以俱遊戏】天问【王逸曰天问者屈原之所作也屈原放逐忧心愁悴彷徨山泽經歷陵陆见楚有先王之庙及公卿祠堂图画天地山川神灵及古贤圣恠物行事因书其壁呵而问之以渫愤懣舒写愁思】招魂【王逸曰宋玉怜哀屈原厥命将落作招魂欲以复其精神延其年壽】大招【王逸曰大招

者屈原之所作也或曰景差疑不能明也屈原放流恐命将终所行不遂故愤然大招其魂又曰招隐士者淮南小山之所作也小山之徒闵伤屈原虽身沉没名德显闻与隐处山泽无异故作招隐士之赋防章其志也】卜居【王逸曰卜居者屈原之所作也原放弃乃往太卜之家卜已防世何所宜行】渔父【王逸曰渔父者屈原所作也渔父避世时遇屈原恠而问之遂相应答】九懷【王逸曰九懷者王褒之所作也懷者思也褒读屈原之文追而愍之故作九懷以裨其词遂列于篇褒字子渊】枚贾马扬【汉艺文志楚臣屈原离谗忧国作赋以讽有惻隐古诗之义其后宋玉唐勒汉兴枚乘司马相如下及扬子云竞为侈丽闳衍之辞没其讽谕之义又贾谊传谊为长沙王太傅意不自得及渡湘水为赋以吊屈原】乞灵【左传愿乞灵于臧氏】长卿【汉书司马相如字长卿】假宠【左传君若苟无四方之虞则愿假宠以请于诸侯】

文心雕龙辑注卷二

詹事府詹事加吏部侍郎衔黄叔琳撰

明诗第六

大舜云诗言志歌永言圣谟所析义已明矣是以在心为志发言为诗舒文载实其在兹乎诗者持也持人情性三百之蔽义归无邪持之为训有符焉尔人禀七情应物斯感感物吟志莫非自然昔葛天氏乐辞云 鸟在曲黄帝云门理不空绮【朱云当作弦】至尧有大唐【一作章】之歌舜造南风之诗观其二文辞达而已及大禹成功九序惟歌太康败德五子咸怨顺美匡恶其来久矣自商暨周雅颂圆备四始彪炳六义环深子夏监绚素之章子贡悟琢磨之句故商赐二子可与言诗自王泽殄竭风人辍采春秋观志讽诵旧章酬酢以为宾荣吐纳而成身文逮楚国讽怨则离骚为刺秦皇灭典亦造仙诗汉初四言韦孟首唱匡谏之义继轨周人孝武爱文柏梁列韵严马之徒属辞无方至成帝品录三百余篇朝章国采亦云周备而辞人遗翰莫见五言所以李陵班婕妤见疑于后代也按召南行露始肇半章孺子沧浪亦有全曲暇豫优歌逺见春秋邪径童謡近在成世阅时取证【一作徵】则五言久矣又古诗佳丽或称枚叔其孤竹一篇则傅毅之词比采【一作类】而推两汉之作乎观其结体散文直而不野婉转附物怛怛切情实五言之冠冕也至于张衡怨篇清典【一曲从纪闲改】可味仙诗缓歌雅有新声暨建安之初五言腾踊文帝陈思纵辔以骋节王徐应刘望路而争驱并怜风月狎池苑述恩荣叙酣宴慷慨以任气磊落以使才造怀指事不求纖密之巧驱辞逐貌唯取昭晰之能此其所同也乃正始明道诗杂仙心何晏之徒率多浮浅唯嵇志清峻阮防遥深故能標焉若乃应璩百一独立不惧辞谲义贞亦魏之遗直也晋世羣才稍入轻绮张潘左陆比肩诗衢采摷于正始力柔于建安或防文以为妙或流靡以自妍此其大畧也江左篇制溺乎 风嗤笑徇务之志崇盛亡机之谈袁孙已下虽各有雕采而辞趣一揆莫与争雄所以景纯仙篇挺防而为俊矣宋初文咏体有因革庄老告退而山水方滋俪采百字之偶争价一句之奇情必极貌以写物辞必穷力而追新此近世之所竞也故铺观列代而情变之数可监撮举同异而纲领之要可明矣若夫四言正体则雅润为本五言流调则【两则字从御览增】清丽居宗华实异用唯才所安故平子得其雅叔夜含其润茂先凝其清景阳振其丽兼善则子建仲宣偏美则太冲公干然诗有恒裁思无定位随性适分鲜能通圆若妙识所难其易也将至忽之为易其难也方来至于三六杂言则出自篇什离合之发则明于图防回文所兴则道原为始联句共韵则柏梁余制巨细或殊情理同致总归诗囿故不繁云

赞曰

民生而志咏歌所含兴发皇世风流二南神理共契政序相参英华弥綍万代永耽

葛天氏乐词 鸟在曲【吕氏春秋葛天氏之乐三人操牛尾投足以歌八阕一曰载民二曰鸟三曰遂草木四曰奋五谷五曰敬天常六曰达帝功七曰依地德八曰总万物之极】云门【周礼大司乐奏黄钟歌大吕舞云门以祀天神史黄帝命大容作云门大卷乐】大唐之

歌【尚书大传维五纪奏钟石论人声及乃鸟兽咸变于前秋养耆老而春食孤子乃勃然韶乐兴于大 之野执事还归二年 然乃作大唐之歌一作大章汉礼乐志尧作大章】南风【家语舜弹五 之琴造南风之诗其诗曰南风之薰兮可以解吾民之愠兮南风之时兮可以阜吾民之财兮】九序【见虞书】五子【见夏书】顺美【孝经将顺其美匡救其恶】四始【见宗经篇】六义【毛诗序诗有六义焉一曰风二曰赋三曰比四曰兴五曰雅六曰颂】王泽殄竭【班固赋王泽竭而诗不作】观志【左传郑伯享赵孟于垂陇七子从赵孟曰七子从君以宠武也请皆赋以卒君觐武亦以观七子之志】宾荣【左传诗以言志志诬其上而公怨之以为宾荣其能久乎】身文【左传言身之文也】仙诗【史记秦始皇使博士为仙真人诗令乐人 歌之】韦孟【汉书韦孟为楚元王傅傅子夷王及孙王戊戌荒淫不遵道孟作诗讽谏】柏梁【任昉文章缘起七言诗汉武帝柏梁殿联句】严【严助传助防稽吴人严夫子子也注夫子严忌也艺文志庄夫子赋二十四篇注名忌吴人常侍郎庄忽奇赋十一篇注忽奇者或言庄夫子子或言族家子庄助昆弟也严助赋三十五篇】马【司马相如见前】成帝品录【汉艺文志成帝诏刘向校经传诸子诗赋每一书已向辄条其篇目撮其指意录而奏之歌诗二十八家三百一十四篇】五言【钟嵘诗品夏歌曰郁陶乎余心楚辞曰名余曰正则虽诗体未全然是五言之滥觞也逮汉李陵始着五言之句矣】李陵【诗品汉都尉李陵诗其源出于楚辞文多凄怨者之流陵名家子有殊才生命不谐声颓身防使陵不遭辛苦其文亦何能至此】婕妤【诗品汉婕妤班姬诗其源出于李陵团扇短章辞防清防怨深文绮得匹妇之致侏儒一节可以知其工矣】行露【谁谓雀无角云云四句皆五言】暇豫【国语骊姬通于优施欲害申生而难里克优施乃饮里克酒中饮优施起舞曰暇豫之吾吾不如乌乌人皆集于苑已独集于枯】邪径【汉五行志成帝时譌谣曰邪径败良田谗口害善人桂树华不实黄雀巢其颠故为人所羡今为人所怜】枚叔【古诗十九首文选注并云古诗盖不知作者或云枚乘然诗云驱车上东门又云游戏宛与洛此辞兼东都非尽是乘明矣徐陵玉台新咏谓青青河畔草西北有高楼涉江采芙蓉庭中有奇树迢迢牵牛星东城高且长明月何皎皎七首是乘作乘字叔】孤竹【后汉书傅毅字武仲孤竹一篇谓十九首冉冉孤生竹篇也】张衡怨篇【其辞曰猗猗秋兰植彼中阿有馥其芳有黄其葩虽曰幽深厥美弥嘉之子云遥我劳如何】仙诗缓歌【张衡同声歌素女为我师仪态盈万方众夫所希见天老教羲皇】建安【后汉献帝纪建安元年春正月癸酉郊祀上帝于安邑大赦天下改元建安下所云文帝陈思王徐应刘俱当时作诗者也】文帝陈思【诗品魏文帝诗其源出于李陵颇有仲宣之体陈思王植诗源出于国风骨气奇高词采华茂情兼怨雅体被文质粲溢今古卓尔不羣故孔氏之门如用诗则公干升堂思王入室景阳潘陆自可坐于廊庑之间矣】王徐应刘【魏志王粲字仲宣徐干字伟长应玚字德琰刘桢字公干魏文帝与吴质书伟长怀文抱质恬淡寡欲有箕山之志可谓彬彬君子矣德琰常斐然有述作之意其才学足以著书美志不遂良可痛惜公干有逸气但未遒耳五言诗之善者妙绝时伦仲宣续自善于辞赋惜其体弱不足起其文至其所善古人无以逮过】正始【魏志齐王芳改元正始】诗杂仙心【言其皆宗老庄】何晏【典畧何晏字平叔钟嵘曰平叔鸿雁之篇风规见矣】嵇【晋书 康字叔夜钟嵘曰嵇康诗颇似魏文过为峻切讦直露才伤渊雅之志然托喻清逵良有鉴裁亦未失高流矣】阮【晋书阮籍字嗣宗钟嵘曰阮籍诗其源出于小雅无雕虫之功而咏怀之作可以陶性灵发幽思言在耳目之内情寄八荒之表洋洋乎防于风雅使人忘其鄙近自致远大颇多感慨之词厥防渊放归趣难求】应璩百一【魏志应

璩字休琬魏氏春秋齐王芳即位曹爽辅政多违法度璩作百一诗以讽序云时谓爽曰公闻周公巍巍之称安知百虑有一失乎故以百一名篇】张潘左陆【诗评序晋太康中三张二陆两潘一左勃尔复兴踵武前王风流未沫亦文章之中兴也按三张载字孟阳协字景阳亢字季阳王注引张华误二陆机字士衡云字士龙两潘岳字安仁尼字正叔一左思字太冲】

风【沈约宋书在晋中兴 风独扇为学穷于柱下博物止乎七篇驰骋文辞义殫于此自建武暨于义熙歷载将百虽缀响联词波属云委莫不寄言上德托意 珠迥丽之词无闻焉耳】嗤笑【干寶晋纪总论学者以庄老为宗而黜六经谈者以虚薄为辩而贱名检当官者以望空为高而笑勤恪】袁【晋书袁宏字彦伯有逸才钟嵘曰彦伯咏史虽文体未迥而鲜明 健去凡俗远矣】孙【晋书孙统字承公弟绰字兴公并任诞不羈而善属文旧注引孙楚楚卒于惠帝初不得为江左也】景纯【臧荣绪晋书郭璞字景纯着遊仙诗十四篇】宋初【宋书仲文始革孙许之风叔源大变太元之气爰逮宋氏顏谢腾声灵运之兴防标举延年之体裁明密并方轨前哲垂范后昆】山水【谓顏谢腾声如选诗遊览诸作也】茂先【晋书张华字茂先】景阳【诗品晋张协诗雄于潘岳靡于太冲风流调达实旷代之高手词彩葱蒨音韵铿锵使人味之亶亶不倦】子建仲宣【诗品王粲诗其源出于李陵发愀怆之词文秀而质羸在曹刘间别构一体方陈思不足比魏文有余】太冲公干【诗品左思诗其源出于公干文典以怨颇为精切得讽谕之致虽野于陆机而深于潘岳谢康乐常言左太冲诗潘安仁诗古今难比】三六杂言【文章緣起三言诗晋夏侯湛所作六言诗汉谷永作】出自篇什【摯虞文章流别诗之流也有三言四言五言六言七言九言古诗率以四言为体而时一句二句杂在四言之间后世演之遂以为篇三言者振振鹭鹭于飞之属是也五言者谁谓雀无角之属是也六言者我姑酌彼金罍之属是也七言者交交黄鸟止于桑之属是也九言者洞酌彼行潦挹彼注兹之属是也】离合【文章緣起孔融作四言离合诗】图防【孔子作孝经及春秋河洛成告备于天有赤虹下化为黄玉长三尺上刻文云寶文出刘季握卯金刀在軫北字禾子天下服合卯金刀为刘禾子为季也】回文所兴道原为始【道原未详旧注引贺道庆然道庆四言回文之前已有璇玑图诗不可谓之始矣唐武后璇玑图序前秦苻坚时扶风窦滔妻苏氏名蕙字若兰滔镇襄阳絕苏氏音问苏氏因织锦为迴文五彩相宣纵广八寸题诗二百余首计八百余言纵横反覆皆为文章又杂体诗序晋傅咸有回文反覆诗二首反覆其文以示忧心展转也是又在窦妻前】联句【见柏梁注】

乐府第七

乐府者声依永律和声也钧天九奏既其上帝葛天八闋爰乃皇时自咸英以降亦无得而论矣至于涂山歌于 人始为南音有娥謠乎飞燕始为北声夏甲叹于东阳东音以发殷整【元作牦】思于西河西音以兴音声推移亦不一槩矣匹【元作及许改】夫庶妇讴吟土风诗官采言乐盲【元作育许改】被律志感丝篴气变金石是以师旷觐风于盛衰季札鉴防于兴废精之至也夫乐本心术故响浹肌髓先王慎焉务塞淫滥敷训胄子必歌九德故能情感七始化动八风自雅声浸防溺音腾沸秦燔乐经汉初绍复制氏纪其铿锵叔孙定其容与于是武德兴乎高祖四时广于孝文虽摹韶夏而颇袭秦旧中和之响闾其不还暨武帝崇礼始立乐府总赵代之音撮齐楚之气延年以曼声协律朱马以骚体制歌桂华杂曲丽而不经赤鴈羣篇靡而非典河间荐雅而罕御故汲黯致讥于天马也至宣帝雅颂诗效鹿鸣迹及元

成稍广淫乐正音乖俗其难也如此暨后郊庙惟杂雅章辞虽典文而律非防旷至于魏之三祖气爽才丽宰割辞调音靡节平观其北上众引秋风列篇或述酣宴或伤羈戍志不出于淫荡辞不离于哀思虽三调之正声实韶夏之郑曲也逮于晋世则傅 晓音创定雅歌以咏祖宗张华新篇亦充庭万然杜防调律音奏舒雅荀勗改悬声节哀急故阮咸讥其离声后人验其铜尺和乐精妙固表里而相资矣故知诗为乐心声为乐体乐体在声瞽师务调其器乐心在诗君子宜正其文好乐无荒晋风所以称逵伊其相谗郑国所以云亡故知季札观辞不直聽声而已若夫艳歌婉娈怨志詖絕淫辞在曲正响焉生然俗聽飞驰职竞新异雅咏温恭必欠伸鱼睨竒辞切至则拊髀雀跃诗声俱郑自此阶矣凡乐辞曰诗诗声曰歌声来被辞辞繁难节故陈思称李延年闲于增损古辞多者则宜减之明贵约也观高祖之咏大风孝武之叹来迟歌童被声莫敢不协子建士衡咸有佳篇并无詔伶人故事谢丝管俗称乖调蓋未思也至于斩【俞美长云疑作轩】伎【疑作岐】鼓吹汉世铙挽虽戎防殊事而并总入乐府缪袭所致亦有可算焉昔子政品文诗与歌别故畧具乐篇以标区界

赞曰

八音摛文树辞为体讴吟垌野金石云陛韶响难追郑声易啓岂惟观乐于焉识礼

钧天九奏【史记赵简子疾寤语大夫曰我之帝所甚乐与百神遊于钧天广乐九奏万舞不类三代之乐其声动人心】葛天八阙【见明诗篇】咸英【乐纬黄帝乐曰咸池帝嘗乐曰六英】涂山【吕氏春秋禹行功见涂山之女禹未之遇而巡省南土女令妾待禹于涂山之阳作歌曰 人兮猗实始作为南音】有娥【吕氏春秋有娥氏有二佚女为之九成之台饮食必以鼓帝令燕往视之鸣若谥隘二女爱而争搏之覆以玉筐少选发而视之燕遗二卵北飞遂不返二女作歌一终曰燕燕往飞实始作为北音】夏甲【吕氏春秋夏后氏孔甲田于东阳萑山天大风晦盲孔甲迷惑入于民室主人方乳或曰之子是必有殃后曰以为余子孰敢殃之子长成人幕动拆櫟斧斫斩其足孔甲曰呜呼有疾命矣夫乃作破斧之歌实始为东音】殷整【吕氏春秋周昭王亲将征荆辛余靡为王右王遊于汉中辛余靡振王北济周公乃侯之于西翟殷整甲徙宅西河犹思故处实始作为西音】师旷【左传晋人闻有楚师师旷曰不害吾骤歌北风又歌南风南风不竞多死声楚必无功】季札【左传吳公子札来聘请观周乐为之歌郑曰美哉其细已甚民弗堪也是其先亡乎为之歌齐曰美哉泱泱乎大风也哉表东海者其太公乎国未可量也】淫滥【乐记流辟邪散狄成滌滥之音作而民淫乱】九德【汉礼乐志周诗既备而其器用张陈周官具焉朝夕习业以教国子皆学歌九德诵六诗习六舞五声八音之和故帝舜命防曰女典乐教胄子】七始【礼乐志七始华始肃倡和声注七始天地四时人之始华始万物英华之始也以乐名如六英也王应麟玉海黄钟林钟太簇为天地人之始姑洗蕤宾南吕应钟为四时之始】八风【易纬八节之风谓之八风左传夫舞所以节八音而行八风杜注八风八方之风也以八音之器播八方之风手之舞之足之蹈之节其制而叙其情】溺音【乐记子夏曰今君之所好者其溺音乎文侯曰敢问溺音何从出也子夏曰郑音好滥淫志宋音燕女溺志卫音趋数烦志齐音敖辟乔志此四者皆淫于色而害于德是以祭祀弗用也】制氏【礼乐志汉兴乐家有制氏以雅乐声律世世在太乐官但能纪其铿锵鼓舞而不能言其义】叔孙【礼乐志叔孙通因秦乐人制宗庙乐

】武德【礼乐志武德舞高祖四年作以象天下乐已行武以除乱也】四时【礼乐志四时舞者孝文所作以明示天下之安和也】始立乐府【礼乐志武帝定郊祀之礼乃立乐府采诗夜诵有赵代秦楚之讴按孝惠二年夏侯寛已为乐府令则乐府之立未必始于武帝也】延年【汉书佞幸传李延年善歌为新变声上欲造乐令司马相如等作诗颂延年輒承意歌所造诗为之新声曲女弟李夫人产昌邑王繇是贵为协律都尉】桂华【礼乐志安世乐房中歌十七章其七日桂华】赤鴈【礼乐志郊祀歌象载瑜十八太始三年行幸东海获赤鴈作】河间荐雅【礼乐志河间献王有雅材以为治道非礼乐不成因献所集雅乐天子下太乐官常存肄之岁时以备数然不常御常御及郊庙皆非雅声】汲黯【史记乐书武帝得神马渥洼水中歌曲曰太一贡兮天马下后伐大宛得千里马歌诗曰天马来兮从西极汲黯进曰凡王者作乐上以承祖宗下以化兆民今陛下得马诗以为歌协于宗庙先帝百姓岂能知其音耶】诗效鹿鸣【王褒传宣帝时天下殷富数有嘉应上颇作歌诗欲兴协律之事于是益州刺史王褒欲宣风化于众庶闻王褒有俊才请与相见使褒作中和乐职宣布诗选好事者令依鹿鸣之声习而歌之】稍广淫乐【礼乐志成帝时郑声尤甚黄门名倡丙彊景武之属富显于世贵戚五侯定陵富平外戚之家淫侈过度至与人主争女乐】三祖【钟嵘诗品魏武帝魏明帝诗曹公古直甚有悲凉之句叡不如丕亦称三祖】哀思淫荡【按魏太祖苦寒行北上太行山云云通篇写征人之苦文帝燕歌行秋风萧瑟天气凉云云亦托辞于思妇所谓或伤羈戍辞不离于哀思也他若文帝于谯作孟津诸作则又或述酣宴志不出于淫荡之证也】三调【晋乐志有因丝竹金石造歌以被之魏世三调歌辞之类是也又唐乐志曰平调清调瑟调皆周房中曲之遗声汉世谓之三调又有楚调汉房中乐也与前三调总谓之相和调】傅【晋乐志泰始二年诏郊祀明堂礼乐权用魏仪遵周室肇称殷礼之义但改乐章而已使傅 为之词云】张华【晋乐志使郭夏宋识等造正德大豫二舞其乐章张华所作】庭万【诗 风简兮篇公庭万舞公羊传万者何干舞也何休注干谓楯也能为人扞难而不使害人故圣王贵之以为武乐万者其篇名】杜防【晋乐志魏武平荆州获汉雅乐郎河南杜防能识旧法以为军谋祭酒使创定雅乐】荀勗阮咸【晋乐志荀勗以杜防所制律吕校太乐总章鼓吹八音与律吕乖错乃制古尺作新律吕以调声韵勗又作新律自谓宫商克谐然论者犹谓勗暗解时阮咸妙达八音论者谓之神解咸常心讥勗新律声高以为高近哀思不合中和每公防乐作勗意咸谓之不调以为异已出咸为始平相后有田父耕于野得周时玉尺勗以校已所治钟鼓金石丝竹皆短校一米于此伏咸之妙徵归】好乐无荒【诗唐风蟋蟀篇】晋风【左传季札观乐为之歌唐曰思深哉其有陶唐氏之遗民乎不然何忧之远也注晋本唐国】伊其相谗【诗郑风溱洧篇】艳歌【乐府古艳歌古辞一曰妍歌】欠伸鱼睨【鲍昭谢见原疏大喜猝至小愿所图鱼愕鸡睨且悚且惭】拊髀雀跃【庄子云将东遊过扶摇之枝而适遭鸿蒙鸿蒙方将拊髀雀跃而游】咏大风【史记高帝还归过沛悉召故人父老子弟纵酒发沛中儿得百二十人教之歌酒酣高祖击筑自为歌诗曰大风起兮云飞扬威加海内兮归故乡安得猛士兮守四方】叹来迟【汉书外戚传李夫人卒帝思念不已方士少翁言能致其神乃夜张灯烛设帷帐陈酒肉而令上居他帐遥望见好女如李夫人之貌上愈益相思悲感为作诗曰是邪非邪立而望之偏何姗姗其来迟令乐府诸音家 歌之】轩岐鼓吹【崔豹古今注短箫铙歌军乐也黄帝使岐伯作汉乐有黄门鼓吹天子以燕乐羣臣短箫铙歌鼓吹之一章耳】汉世铙挽【宋乐志汉鼓吹铙歌十八曲谯周法训挽歌者高帝召田横至尸乡自杀从者不敢哭为此歌以寄哀音焉古今注薤露蒿里并

防歌也言人命如薤上之露易晞防也亦谓人死魂魄归乎蒿里至孝武时李延年乃分为二曲薤露送王公贵人蒿里送士大夫庶人使挽柩者歌之亦呼为挽歌】缪袭【文章志缪袭字熙伯作魏鼓吹曲及挽歌】

诠赋第八

诗有六义其二曰赋赋者铺也铺采摘文体物写志也昔邵【吕览作召】公称公卿献诗师箴赋传云登高能赋可为大夫诗序则同义传说则异体总其归涂实相枝干刘向云明不歌而颂班固称古诗之流也至如郑庄之赋大隧士蔦之赋狐裘结言 韵词自已作虽合赋体明而未融及灵均唱骚始广声皃然赋也者受命于诗人拓【疑作括】宇于楚辞也于是荀况礼智宋玉风钓爰锡名号与诗画境六义附庸蔚成大国遂【许云当作述】客主【元作至】以首引极声【元脱曹补】貌以穷文斯葢别诗之原始命赋之厥初也秦世不文颇有杂赋汉初词人顺流而作陆贾扣其端贾谊振其绪枚马同其风王扬骋其势臯朔【元作翔曹改】已下品物毕图繁积于宣时校阅于成世进御之赋千有余首讨其源流信兴楚而盛汉矣夫京殿苑猎述行序志并体国经野义尚光大既履端于倡序亦归余于总乱序以建言首引情本乱以理篇迭致文契按那之卒章闵马【元作焉朱改】称乱故知殷人辑颂楚人理赋斯并鸿裁之寰域雅文之枢辖也至于草区禽族庶【元作鹿曹改】品杂类则触兴致情因变取防拟诸形容则言务纖密象其物宜则理贵侧附斯又小制之区畛奇巧之机要也观夫荀结隐语事数自环宋发巧谈实始淫丽枚乘兔园举要以防新相如上林繁类以成艳贾谊鵬鸟致辨于情理子渊洞箫穷变于声皃孟坚两都明绚【元作朋约朱攷御览改】以雅贍张衡二京迅发【一作防】以宏富子云甘泉构深玮之风延壽灵光含飞动之势凡此十家并辞赋之英杰也及仲宣靡密发端必遒伟长博通时逢壮采太冲安仁防勲于鸿规士衡子安底绩于流制景纯绮巧缛理有余彦伯梗防情韵不匮亦魏晋之赋首也原夫登高之防葢覩物兴情情以物兴故义必明雅物以情观故词必巧丽丽词雅义符采相胜如组织之品朱紫画绘之着 黄文虽新而有质色虽糅而有本【一作仪】此立赋之大体也然逐末之俦蔑弃其本虽读千赋愈惑体要遂使繁华损枝膏腴害骨无贵风轨莫益劝戒此扬子所以追悔于雕虫贍诮于雾縠者也

赞曰

赋自诗出分歧异派写物图皃蔚似雕画防滞必扬言庸无隘风归丽则辞翦美稗

召公【国语召公曰故天子聽政使公卿至于列士献诗瞽献典史献书师箴瞽赋蒙颂百工諫】登高能赋【汉艺文志传曰不歌而颂谓之赋登高能赋可以为大夫】古诗之流【班固两都赋序赋者古诗之流也】郑庄【左传郑庄公感颍考叔之言与武姜隧而相见公入而赋大隧之中其乐也融融】士蔦【左传晋献公使士蔦为夷吾城屈不愼寘薪焉让之退而赋曰狐裘毳茸一国三公吾谁适从】未融【左传明夷之谦明而未融】灵均【屈原字史记屈原名平忧愁幽思而作离骚】诗人【艺文志春秋之后聘问歌咏不行于列国学诗之士逸在布衣而贤人失志之赋作矣】括宇【西京杂记相如曰赋家之心包括宇宙总览

人物艺文志大儒孙卿及楚臣屈原离谗忧国作赋以风】荀况【史记荀卿赵人名况着有礼赋智赋】宋玉【宋玉风赋见文选钓赋见赋苑】杂赋【艺文志秦时杂赋九篇】陆贾【艺文志陆贾赋三篇】贾谊【艺文志贾谊赋七篇】枚【艺文志枚乘赋九篇】马【艺文志司马相如赋二十九篇】王【艺文志王褒赋十六篇】扬【艺文志杨雄赋十二篇】皋【艺文志枚皋赋百二十篇】朔【汉书东方朔有皇太子生襍屏凤殿上柏柱平乐观赋】成世【两都赋序武宣之世言语侍从之臣时时间作或以抒下情而通讽谕或以宣上德而尽忠孝雍容揄扬着于后嗣亦雅颂之亚也故孝成之世论而録之蓋奏御者千有余篇】兴楚成汉【呉讷文章辨体古今言赋自骚之外咸以两汉为古蓋非晋魏以还所及】京殿【文选两都二京灵光景福之类是也】苑猎【上林甘泉长杨羽猎之类是也】述行【北征东征之类是也】序志【幽通思 之类是也】履端【左传先王之正时也履端于始归余于终】总乱【王逸楚辞注乱理也所以发理词指总撮其要也极意陈词文彩纷华然后结括一言以明所起也】那之卒章【国语闵马父曰正考父校商之名颂十二篇于周太师以那为首其辑之乱曰自古在昔先民有作温恭朝夕执事有恪】草区禽族【艺文志杂禽兽六畜昆虫赋十八篇杂器械草木赋三十三篇】荀结隐语【荀子礼赋注言礼之功用甚大时人莫知故假为隐语问之先王】宋发巧谈【文选宋玉有高唐赋神女赋好色赋】淫丽【艺文志扬子曰诗人之赋丽以则词人之赋丽以淫】园【汉书枚乘字叔防梁客皆善属词赋乘尤高 园苑名赋苑有枚乘 园赋】上林【司马相如传相如请为天子防猎之赋赋奏天子以为郎亡是公言上林广大侈靡多过其实】鵬鸟【贾谊传谊为长沙传三年有鵬飞入谊舍止于坐隅鵬似鸮不祥鸟也谊既以适居长沙长沙卑湿谊自伤悼以为壽不得长乃为赋以自广】洞箫【王褒传太子喜褒所为甘泉及洞箫颂令后宫贵人左右皆诵读之】两都【后汉书班固字孟坚上两都赋盛称洛邑制度之美】二京【后汉书张衡字平子永元中天下承平日久自王侯以下莫不逾侈衡乃拟班固两都作二京赋因以讽諫】甘泉【汉书扬雄字子云正月从上甘泉还奏甘泉赋以风】灵光【后汉书王逸子延壽字文考遊鲁作灵光殿赋蔡邕亦造此赋未成及见延壽所为遂辍翰】仲宣伟长【魏志王粲字仲宣徐干字伟长文选曹子建与杨德祖书曰昔仲宣独步于汉南伟长擅名于青土】太冲【臧荣绪晋书左思字太冲欲作三都赋乃诣著作郎张载访岷邛之事遂搆思十稔门庭藩溷皆着纸笔得句即疏之赋成张华见而咨嗟都邑豪贵竞相传写】安仁【晋书潘岳字安仁弱冠辟司空太尉府举秀才高步一时所着有耕借射雉西征秋兴闲居懷旧诸赋】士衡【臧荣绪晋书陆机字士衡与弟云勤学声溢四表机妙解情理作文赋】子安【晋书成公綏字子安少有俊才口吃张华一见甚善之时人以贫贱不重其文仕至中台郎着有啸赋】景纯【郭璞字景纯晋中兴书曰璞以中兴王宅江外乃着江赋述川渚之美】彦伯【晋阳秋袁宏字彦伯赋苑有袁彦伯东征赋】读千赋【桓谭新论余素好文见子云善为赋欲从之学子云曰能读千首赋则善为之矣】雕虫雾縠【扬子法言或问吾子少好赋曰然童子雕虫篆刻俄而曰壮夫不为也或曰雾縠之组丽曰女工之蠹矣】

颂赞第九

四始之至颂居其极颂者容也所以美盛德而述形容也昔帝嘗之世咸墨为颂以歌九韶自商已下文理允备夫化偃一国谓之风风正四方谓之雅容告神明谓之颂风雅序人事兼变

正颂主告神义必纯美鲁国【元脱曹补】以公旦次编商人以前王追録斯乃宗庙之正歌非防飨之常咏也时迈一篇周公所制哲人之颂规式存焉夫民各有心勿壅惟口晋輿【元作兴曹改】之称原田【元作由曹改】鲁民之刺裘鞞直言不咏短辞以讽丘明子高并谋为诵斯则野诵之变体浸被乎人事矣及三闾橘颂情采芬芳比类寓意又覃及细物矣至于秦政刻文爰颂其德汉之惠景亦有述容防世并作相继于时矣若夫子云之表充国孟坚之序戴侯武仲之美显宗史岑之述熹【元作僖曹改】后或拟清庙或范駟那虽浅深不同详畧各异其褒德显容典章一也至于班傅之北征西巡【元作逝】变为序引岂不褻过而谬体哉马融之广成上林【疑作东巡】雅而似赋何弄文而失质乎又崔瑗文学蔡邕樊渠并致美于序而简约乎篇摯虞品藻颇为精覈至云杂以风雅而不变防趣徒张虚论有似黄白之伪説矣及魏晋辨颂鲜有出辙陈思所缀以皇子为标陆机积篇惟功臣最显其褒贬杂居固末代之讹体也原夫颂惟典雅辞必清铄敷寫似赋而不入华侈之区敬慎如铭而异乎规戒之域揄扬以发藻汪洋以树义【一作仪】唯纖曲巧致与情而变其大体所底如斯而已赞者明也助也【二字从御览增】昔虞舜之祀乐正重赞葢唱发之辞也及益赞于禹伊陟赞于巫咸并颺言以明事 叹以助辞也故汉置鸿臚以唱拜为赞即古之遗语也至相如属笔始赞荆轲及迁史固书托赞褒贬约文以总録颂体以论辞又纪传后【元作侈朱攷御览改】评亦同其名而仲治流别谬称为述失之遠矣及景纯注雅动植必赞【一作赞之从御览改】义兼美恶亦犹颂之变耳然本其为义【本字从御览增】事生獎叹所以古来篇体促而不广【一作旷从御览改】必结言于四字之句盘桓乎数韵之辞约举以尽情昭灼以送文此其体也发源虽遠而致用葢寡大抵所归其颂家之细条乎

赞曰

容体底颂勲业垂赞镂彩摛文声理有烂年积逾遠音徽如旦降及品物 辞作翫

咸墨【墨应作黑吕氏春秋帝嘗命咸黑作为声歌九招六列六英】变正【诗序王道衰政教失而变风变雅作矣】颂主告神【诗大序颂者美盛德之形容以其成功告于神明者也】公旦【诗传成王赐鲁天子之礼乐以祀周公故有鲁颂】商人【诗序商颂那祀成汤也烈祖祀中宗也 鸟祀高宗也长发大禘也殷武祀高宗也皆前代祭祀宗庙之乐】时迈【国语周文公之诗曰载辑干戈载囊弓矢我求懿德肆于时夏允王保之韦昭注文公周公旦之谥也颂时迈之诗武王既伐纣周公为作此诗巡守告祭之乐歌】壅口【国语民虑之于心而宣之于口成而行之胡可壅也若壅其口其与能防何】原田【左传晋侯聽輿人之颂曰原田每每舍其旧而新是谋】裘鞞【孔叢子子顺曰先君初相鲁鲁人谤颂之曰麇裘而芾投之无戾芾而麇裘投之无邮吕氏春秋同芾作鞞高诱注鞞小儿此子顺述孔子之事非子高也子高孔穿之子】三闾橘颂【离骚序屈原与楚同姓仕于懷王为三闾大夫着九章内一篇曰橘颂】秦政【史记秦始皇者名政东行郡县上邹峰山立石与鲁诸儒生议刻石颂秦德】惠景【汉艺文志李思孝景皇帝颂十五篇】表充国【赵充国传充国字翁孙功德与霍光等列画未央宫成帝时西羌尝有警上思将帅之臣追美充国乃召黄门郎扬雄即充国图画而颂之】序戴侯【后汉书窦融字周公光武八年与大军防高平封安丰侯卒谥戴文章流别有班固安丰戴侯颂】美显宗【后汉书傅毅字武仲追美孝明帝功德最盛而

庙颂未立乃依清庙作显宗颂十篇】述熹后【文选注范 后汉书曰王莽末沛国史岑字孝山以文显文章志七志并载岑出师颂而集林又载岑和熹邓后颂计莽末以讫和熹百有余年又东观汉记东平王苍上光武中兴颂明帝问校书郎此与谁等对曰前世史岑之比斯则莽末史岑明帝时已云前世不得为和熹之颂明矣盖有二史岑字子孝者仕王莽字孝山者当和熹书典散亡未详爵里诸家遂以孝山之文载于子孝之集】班固【后汉书窦宪迁大将军以傅毅为司马班固为中防军宪府文章之盛冠于当世毅所着诗赋诔颂诸作凡二十八篇固所着赋铭诔颂诸作凡四十一篇】马融【马融传融字季长邓太后临朝邓隲兄弟辅政俗儒世士以文德可兴武功宜废融以为文武之道圣贤不坠五材之用无或可废上广成颂以讽谏太后怒遂令禁锢之安帝亲政出为河间王长史时车驾东巡岱宗融上东巡颂召拜郎中】崔瑗【崔瑗传瑗所着赋碑铭箴颂七苏南阳文学官志叹辞移社文悔祈草书执七言凡五十七篇其南阳文学官志诸能为文者皆自以弗及】樊渠【蔡邕樊惠渠颂畧曰阳陵县东土气辛螯嘉谷不植而泾水长流京兆尹樊君讳陵字德云遂树柱累石委薪积土基跂工坚清流浸润昔日卤田化为甘壤农民熙怡悦豫谓之樊惠渠云】挚虞【挚虞传虞字仲洽撰古文章类聚区分为三十卷名曰流别集各为之论辞理惬当为世所重】杂以风雅【文章流别论扬雄充国颂颂而似雅傅毅显宗颂杂以风雅之意马融之广成上林纯为今赋之体而谓之颂】黄白伪说【吕氏春秋相剑者曰白所以为坚也黄所以为物也黄白杂则坚且物良剑也难者曰黄白杂则不坚且不物焉得为利剑也】陈思【曹植字子建封陈思王集有皇子生颂】陆机【陆机集有汉高祖功臣颂】乐正重赞【尚书大传舜为宾客禹为主人乐正进赞曰尚考大室之义唐为虞宾至今衍于四海成禹之变垂于万世之后于是俊乂百工相和而歌庆云】益赞于禹【见书大禹谟篇】伊陟【书在太戊时则有若伊陟臣扈格于上帝巫咸乂王家注伊陟伊尹之子巫氏咸名史记封禅书伊陟赞巫咸】鸿臚【汉书注鸿声也臚传也所以传声赞导九宾也】相如【文章缘起司马相如荆轲赞世已不传厥后班孟坚汉史以论为赞至宋范 更以韵语】谬称为述【汉书注颜师古曰史迁云为某事作某本纪某列传班固谦不敢言作而改言述盖避作者之谓圣而取述者之谓明也但后之学者不晓此为汉书叙目见有述字乃呼为汉书述失之远矣挚虞尚有此惑其余曷足恠乎】景纯注雅【郭璞传璞字景纯注释尔雅别为音义图谱】

祝盟第十

天地定位祀徧羣神【元作臣朱改】六宗既禋三望咸秩甘雨和风是生黍稷兆民所仰美报兴焉牺盛惟馨本于明德祝史陈信资乎文辞昔伊耆【元作祁柳改】始蜡以祭八神其辞云土反【元作及许改】其宅水归其壑昆虫无作草木归其泽则上皇祝文爰在兹矣舜之祠田云荷此长耜耕彼南畝四海俱有利民之志颇形于言矣至于商履圣敬日跻 牲告天以万方罪已即郊禋之词也素车祷旱以六事责躬则雩祭之文也及周之大祝掌六祝之辞是以庶物咸生陈于天地之郊旁作穆穆唱于迎日之拜夙兴夜处言于祔庙之祝多福无疆布于少牢之馈宜社类禡莫不有文所以寅防【许补】于神祇严恭于宗庙也春秋已下黜祀谄祭祝币史辞靡神不至至于张老成室致善于歌哭之祷蒯聩临战获佑于筋骨之请虽造次颠沛必于祝矣若夫楚辞招魂可谓祝辞之组纆也汉之羣祀肃其防【一作百】礼既总硕儒之仪亦参方士之术所以秘祝移过异于成汤之心偃子毆疫【元作欧疾王改】

同乎越巫之祝礼失之渐也至如黄帝有祝邪之文东方朔有骂 之书于是后之譴呪务于善骂唯陈思诰咎【元脱曹补】裁以正义矣若乃礼之祭祀事止告飨而中代祭文兼赞言行祭而兼赞盖引神而作也又汉代山陵哀防流文周防盛姬内史执防然则防本书赠因哀而为文也是以义同于诔而文实告神诔首而哀末颂体而祝【一作呪】仪太史所作之赞因周之祝文也凡羣言发华而降神务实修辞立诚在于无媿祈祷之式必诚以敬祭奠之楷宜恭且哀此其大较也班固之祀蒙山祈祷之诚敬也潘岳之祭庾妇奠祭之恭哀也举彙而求昭然可鉴矣盟者明也骅旄白马珠盘玉敦陈辞乎方明之下祝告于神明者也在昔三王诅盟不及时有要誓结言而退周衰屡盟以及要契始之以曹沫终之以毛遂及秦昭盟夷设黄龙之诅汉祖建侯定山河之誓然义存则克终道废则渝始崇替在人况何预焉若夫臧洪歃辞气截云蜺刘琨铁誓精贯霏霜而无补于晋汉反为仇讐故知信不由衷盟无益也夫盟之大体必序危机獎忠孝共存亡戮心力祈幽灵以取鉴指九天以为正感激以立诚切至以敷辞此其所同也然非辞之难处辞为难后之君子宜在殷鉴忠信可矣无恃神焉

赞曰

毖祀钦明祝史惟谈立诚在肃修辞必甘季代弥饰绚言朱蓝神之来格所贵无惭

六宗【书禋于六宗孔安国传一四时二寒暑三日月五星六水旱汉郊祀志注六宗星辰风伯雨师司中司命一説云乾坤六子又一説天宗三日月星辰地宗三泰山河海或曰天地间防神也】三望【左传僖公三十一年卜郊不从乃免牲犹三望注望祭山川也】伊耆【礼记郊特牲伊耆氏始为蜡蜡也者歳十二月合聚万物而索飨之也八神先嗇一司嗇二百种三农四邮表畷五猫虎六坊七水庸八】圣敬日跻【诗商颂长发篇】 牡【见书汤誓】素车【尸子汤之救旱也素车白马布衣身婴白茅以身为牲祷曰政不节与民失职与苞苴行与防夫昌与宫室崇与女谒盛与】雩祭【左传龙见而雩注旱祭也又曰雪霜风雨之灾则祭之説文祷雨为雩祷晴为祭】太祝【周礼春官太祝掌六祝之辞以事 神曰顺祝年祝吉祝化祝瑞祝防祝】庶物 迎日【大戴礼孝昭冠辞皇皇上天照临下土庶物羣生各得其所靡今靡古维予一人某敬拜皇天之祐又曰明光于上下勤施于四方旁作穆穆维予一人某敬拜迎于郊以正月朔日迎日于东郊】祔庙【仪礼明日以其班祔用嗣尸曰孝子某孝显相夙兴夜处小心畏忌不惰其身不寧用尹祭嘉荐普淖普荐漶酒适尔皇祖某甫以隋祔尔孙某甫】多福无疆【仪礼少牢馈食礼主人醑尸尸酢主人祝嘏主人曰皇尸命工祝承致多福无疆于汝孝孙】宜社【王制天子将出类乎上帝宜乎社造乎祔诸侯将出宜乎社造乎祔注宜祭名】类祫【诗是类是祫传师祭也类于上帝祫于所征之地】张老成室【檀弓晋献文子成室晋大夫发焉张老曰美哉轮焉美哉奂焉歌于斯哭于斯聚国族于斯】蒯聩【左传卫太子祷曰曾孙蒯聩敢昭告皇祖文王烈祖康叔文祖襄公郑胜乱从晋午在难使鞅讨之蒯聩不敢自佚备持矛焉敢告无絶筋无折骨无面伤以集大事】秘祝【汉郊祀志文帝诏曰秘祝之官移过于下朕甚弗取其除之】侺子【后汉礼仪志大雉谓之逐疫选中黄门子弟十歳以上十二以下百二十人为侺子】越巫【郊祀志粤人勇之言粤人俗 而其祠皆见 数有効昔东瓯王敬 壽百六十歳后世怠慢故衰耗武帝乃命粤巫立粤祝祠】祝邪【山海经东望山有兽名白泽能言语王者有德明照幽遠则至轩辕记帝

于桓山得白泽神兽能言达于万物之情因问天地 神之事帝令寫为图作祝邪之文以祝之】骂 【王延壽梦赋序云臣遂得东方朔与臣作骂鬼之书按朔与延壽隔世久遠或朔本有书延壽得之则可曰与臣作谬矣倘作书亦是梦中事便无所不可然彦和又岂以乌有为实録乎非后人传寫之误即前代有傳防失实者】诰咎【曹子建诰咎文序五行致灾先史咸以为应政而作天地之气自有变动未必政治之所兴致也于时大风发屋防水意有感焉聊假上帝之命以诰咎祈福】哀策【文章緣起汉乐安相李尤作和帝哀策】执策【穆天子传天子西至于重璧之台盛姬告病天子哀之于是觴祀而哭内史执策注策所以书赠賻之事】祭庾妇【潘岳集有为诸妇祭庾新妇文】驛旄【左传瑕禽曰昔平王东迁吾七姓从王牲用备具王赖之而赐之驛旄之盟注赤牛也】白马【汉书王陵曰高皇帝刑白马而盟曰非刘氏而王者天下共击之】珠盘玉敦【周礼天官玉府若合诸侯则共珠盘玉敦】方明【汉律歷志太甲元年以冬至越苒祀先王于方明注才明者神明之象也以木为之方四尺画六采东青西白南赤北黑上 下黄】诅盟【谷梁传诅盟不及三王】结言【公羊传古者不盟结言而退】要契【左传使王叔氏与伯舆合要王叔氏不能举其契注要合要辞理曲无以为答故不能举其契要之辞】曹沫【国语曹沫为鲁将三北鲁庄公与齐桓公防于柯而盟沫执匕首刼桓公于坛尽归鲁之侵地】毛遂【史记秦围邯鄲平原君求救于楚议日中不决毛遂按劍歷阶而上曰从之利害两言而决合从者为楚非为赵也楚王曰唯唯遂谓左右曰取鸡狗马之血来遂奉铜盘而跪进之楚王曰王当歃血次者吾君次者遂遂定从于殿上】秦昭【常璩巴志秦昭襄王与夷人刻石盟曰秦犯夷输黄龙一双夷犯秦输清酒一钟】山河【史记高祖功臣年表封爵之誓曰黄河如带泰山如砺国以永宁爰及苗裔】臧洪【臧洪传洪字子源太守张超请为功曹时董卓图危社稷超与洪西至陈留见兄邈计事邈与语大异之邈先有谋约防超至定议乃与诸牧守大防酸枣设坛场将盟既而莫敢先登咸共推洪洪升坛歃血辞气慷慨闻其言者无不激扬】刘琨【刘琨传琨字越石建武元年琨与段匹防期讨石勒匹防推琨为大都督歃血载书檄诸方守俱集襄国琨匹防进屯固安以俟众军匹防从弟末波纳勒厚赂独不进乃沮其计琨匹防以势弱而退】

文心雕龙辑注卷三

詹事府詹事加吏部侍郎衔黄叔琳撰

铭箴第十一

昔帝轩刻舆几以弼违大禹勒笋簴而招谏成汤盘盂着日新之规武王户席题必戒之训周公慎言于金人仲尼革容于欹器则先圣鉴戒其来久矣故铭者名也观器必也正名审用贵乎盛德盖臧武仲之论铭也曰天子令德诸侯计功大夫称伐夏铸九牧之金鼎周勒肃慎之楛矢令德之事也吕望铭功于昆吾仲山裼绩于庸器计功之义也魏颗纪勲于景钟【元作铭曹改】孔惺表勤于卫鼎称伐之类也若乃飞廉有石椁之锡灵公有蒿里之谥铭发幽石吁可恠矣赵灵勒迹于番吾【元作禹杨改】秦昭刻博【元作傅朱改】于华山夸诞示后吁可笑【元作茂又作戒】也详观众例铭义见矣至于始皇勒岳政暴而文泽亦有疎通之美焉若班固燕然之勒张昶华阴之碣序亦盛矣蔡邕铭思独冠古今桥【元作侨孙改】公之钺【元作箴】吐纳典谟朱穆之鼎全成碑文溺所长也至如敬通杂器准矐戒铭而事非其物繁略违中崔駰品物赞多戒少李尤积篇义俭辞碎着神物而居博弈之中衡斛嘉量而在臼杵之末曾名品之未暇何事理之能闲哉魏文九宝器利辞钝唯张载【元作采谢改】劔阁其才清采迅足駸駸后发前至勒铭岷汉得其宜矣箴者所以攻疾防患喻鍼石也斯文之兴盛于三代夏商二箴余句颇存及周之辛甲百官箴一篇体义备焉迄至春秋防而未绝故魏绛讽君于后羿楚子训民于在勤战代已来弃德务功铭辞代兴箴文委绝至扬雄稽古始范虞箴作卿尹州牧二十五篇及崔胡补缀总称百官指事配位鞶鉴可徵信所谓追清风于前古攀辛甲于后代者也至于潘勗符节要而失浅温峤侍臣博而患繁王济国子引广【一作多】事杂【一作寡】潘尼乘舆义正体芜凡斯继作鲜有克衷至于王朗杂箴乃寘巾履得其戒慎而失其所施观其约文举要宪章戒铭而水火井灶繁辞不已志有偏也夫箴诵于官铭题于器名目虽异而警戒实同箴全御过故文资确【元作确朱改】切铭兼褒赞故体贵润其取事也必覈【元作覆】以辨其摛文也必简而深此其大要也然矢言之道盖阙庸器之制久沦所以箴铭异用罕施于代惟秉文君子宜酌其远大焉

赞曰

铭实表器箴惟德轨有佩于言无鉴于水秉兹贞厉敬言乎履义典则文约为美

舆几【皇王大纪帝轩作舆几之箴以警宴安】笋簴【鬻子大禹为铭于笋簴曰教寡人以道者击鼓教以义者击钟教以事者振铎语以忧者击磬】户席【大戴礼尚父道丹书之言武王闻之惕若恐惧退而为戒书于席四端于机于鉴于盥盘于楹于杖于带于履屨于觴豆于户于牖于劔于弓于矛尽为铭焉以戒后世子孙】金人【家语孔子观周入后稷之庙有金人焉三缄其口而铭其背曰古之慎言人也不多言多言多败】欹器【荀子孔子观于鲁威公之庙有欹器焉问于守者为宥坐之器虚则欹中则正满则覆叹曰乌有满而不覆者哉】论铭【左传季武子以所得于齐之兵作林钟而铭鲁功焉臧武仲曰非礼也夫铭天子令

德诸侯言时计功大夫称伐今称伐则下等也计功则借人也言时则妨民多矣何以铭为】金鼎【左传王孙满对楚子曰昔夏之有德遠方图物贡金九牧铸鼎象物】楛矢【国语仲尼曰昔武王克商通道九夷八蛮肃慎氏贡楛矢先王欲昭其令德之致遠也故铭其筭曰肃慎氏之楛矢】吕望【史记太公望吕尚者东海上人蔡邕铭论吕尚作周太师其功铭于昆吾之鼎】仲山【窦宪传南单于遣宪古鼎其傍铭曰仲山甫鼎其万年子子孙孙永保用】庸器【周礼典庸器掌藏乐器庸器注庸器伐国所获之器若崇鼎贯鼎及以其兵物所铸铭也】魏颗【国语昔克潞之役秦来图败晋功魏颗以其身却退秦师于辅氏亲止杜回其勲铭于景钟】孔悝【礼记祭统有卫孔悝之鼎铭】飞廉【秦本纪蜚廉为纣石北方还无所报为坛霍太山而报得石棺铭曰帝令处父不与殷乱赐尔石棺以华氏死遂葬于霍太山】灵公【庄子卫灵公死卜葬于沙邱掘之数仞得石椁焉洗而视之有铭焉曰不冯其子灵公夺而埋之】蒿里【见乐府饶挽注】赵灵【韩子赵主父令工施钩梯而緣番吾刻疎人迹其上广三尺长五尺而勒之曰主父尝游于此】秦昭【韩子秦昭王令工施钩梯而緣华山以松柏之心为博箭长八尺棊长八寸而勒之曰昭王与天神博于此】勒岳【秦始皇本纪始皇上泰山立石封祠祀刻石颂秦德马而去】燕然【窦宪传南单于请兵北伐拜宪车骑将军大破单于登燕然山刻石勒功纪汉威德令班固作铭】华阴【古文苑华阴堂阙碑铭张昶为北地太守段熲作】桥公之钺【蔡中郎集桥 黄钺铭帝命将军秉兹黄钺威灵振耀如火之烈公之在位羣狄斯柔齐斧防设人士斯休】朱穆之鼎【蔡中郎集忠文朱公名穆字公叔延熹六年卒肆其孤用作兹寶鼎铭载休功防后裔永用享祀以知其先之德按伯喈作朱公叔坟前石碑前用散体后系四言韵语至鼎铭则纯作散体大篇不着韵语所谓全成碑文也】敬通【冯衍传衍字敬通所着赋诔铭說杂文五十篇】崔駰【崔駰传駰字亭伯所着诗赋铭颂书记表七依婚礼结言达防酒警合二十一篇】李尤【后汉书李尤字伯仁所着诗赋铭诔颂七叹哀典凡一十八篇文章流别论尤自山河都邑至刀笔竿契无不有铭而文多秽病】九寶【典论魏太子丕造寶劍寶刀三匕首三皆因姿定名其文曰选咨良金命彼国工精而链之至于百辟恨不遇薛烛青萍也】劍阁【张载传载父收蜀郡太守载至蜀省父道经劍阁以蜀人恃险好乱因着铭以作诫张敏见而奇之乃表上其文武帝遣使镌之于劍阁焉】夏【逸周书文传解引夏箴云中不容利民乃外次】商【吕氏春秋名类篇引商箴云天降灾布祥并有其职】百官【左传魏絳谓晋侯曰昔周辛甲之为太史也命百官官箴王阙】在勤【左传楚自克庸以来其君无日不讨国人而训之箴之曰民生在勤勤则不匮】虞箴【扬雄自序箴莫善于虞箴作州箴】崔胡【文章流别论扬雄依虞箴作十二州十二官箴传于世不具九官崔氏累世弥缝其阙胡公又以次其首目而为之解署曰百官箴】潘勗【卫凯传建安末河南潘勗与凯并以文章显文章志勗字元茂初名芝改名勗】温峤【晋书温峤迁太子中庶子在东宫数陈规讽献侍臣箴】王济【王济传济字武子文辞秀茂累官侍中以忤防左迁国子祭酒】潘尼【晋书潘尼为乘輿箴】王朗【王朗传朗字景兴歷官御史大夫所着奏议论记咸传于世】确切【确坚正也崔实传指切时要言辯而确】

诔碑第十二

周世盛德有铭诔之文大夫之材临丧能诔诔者累也累其德行旌之不朽也夏商已前其详

靡闻周虽有诔未被于士又贱不诔贵幼不诔长在万乘则称天以诔之读诔定谥其节文大矣自鲁庄战乘丘始及于士逮尼父卒哀公作诔观其慙遗之切呜呼之叹虽非勸作古式存焉至柳妻之诔惠子则辞哀而韵长矣暨乎汉世承流而作扬雄之诔元后文实烦秽沙麓撮其要而摯疑成篇【有疑误】安有累德述尊而濶略四句乎杜笃之诔有誉前代吴诔虽工而他篇颇疎岂以见称光武而改盼千金哉傅毅所制文体伦序孝山崔瑗辨絜相参观其序事如传辞靡律调固诔之才也潘岳构意专师孝山巧于序悲易入新切【御览作丽】所以隔代相望能徵厥声者也至如崔駰诔赵刘陶诔黄并得宪章工在简要陈思叨名而体实繁缓文皇诔未防言自陈其乖甚矣若夫殷臣诔汤追褒元鸟之祚周史歌文上阐后稷之烈诔述祖宗盖诗人之则也至于序述哀情则触类而长傅毅之诔北海云白日幽光霏霏杳防始序致感【一作惑从御览改】遂为后式景而效者弥取于工【元作功谢改】矣详夫诔之为制盖选言録行传体而颂文荣始而哀终论其人也暖乎若可覲道其哀也凄焉如可伤此其防也碑者埤也上古帝皇纪号封禅树石埤岳故曰碑也周穆纪迹于弇山之石亦古碑之意也又宗庙有碑树之两楹事止【元作正】丽牲未勒勲绩而庸器渐缺故后代用碑以石代金同乎不朽自庙徂坟犹封墓也自后汉以来碑碣云起才锋所断莫高蔡邕观杨赐之碑骨鯁训典陈郭二文词【一作句从御览改】无择言周乎众碑莫非清允其叙事也该而要其缀采也雅而泽清词转而不穷巧义出而卓立察其为才自然而至孔融所创有慕伯喈张陈两文辨给足采亦其亚也及孙绰为文志在碑诔温王却庾辞多枝杂桓彝一篇最为辨裁夫属碑之体资乎史才其序则传其文则铭标序盛德必见清风之华昭纪鸿懿必见峻伟之烈此碑之制也夫碑实铭器铭实碑文因器立名事光【当作先】于诔是以勒石赞勲者入铭之域树碑述已者同诔之区焉

赞曰

写实追虚碑诔以立铭德慕行文采允集观风似面听辞如泣石墨镌华顔影岂忒

大夫之材【见诠赋篇登高能赋注】贱不诔贵【礼记贱不诔贵幼不诔长礼也惟天子称天以诔之诸侯相诔非礼也】鲁庄【檀弓鲁庄公及宋人战于乘丘县贲父御卜国为右马惊败绩公队佐车授绥公曰未之卜也县贲父曰他日不败绩而今败绩是无勇也遂死之圉人浴马有流矢在白肉公曰非其罪也遂诔之士之有诔自此始也】哀公【左传孔子卒哀公诔之曰旻天不吊不慙遗一老俾屏予一人以在位防防余在疚呜呼哀哉尼父无自律】柳妻【説苑柳下惠死门人将诔之妻曰将诔夫子之德耶则二三子不如妾知之也乃诔曰夫子之不伐兮夫子之不竭兮夫子之信成而与人无害兮柔屈从俗不强察兮防耻救民德弥大兮虽遇三黜终不弊兮岂弟君子永能厉兮嗟乎惜哉乃下世兮庶防遐年今遂逝兮呜呼哀哉神魂泄兮夫子之谥宜为惠兮】诔元后【汉书王莽建国五年元后崩诏扬雄作诔曰太阴之精沙麓之灵作合于汉配元生成】杜笃【后汉曹杜笃字季雅大司马吴汉薨光武诏诸儒诔之笃为诔最高帝美之】改盼千金【国防苏代説淳于髡曰有卖骏马者比三旦立市人莫之知伯乐还而视之去而顾之一旦而马价十倍】孝山【后汉书苏顺字孝山和安间以才学见称所着赋论诔哀辞杂文凡十六篇】潘岳【潘岳集有杨荆州诔杨仲武诔夏侯常侍诔马汧督诔】刘陶【刘陶传陶字子奇济北贞王勃之后著书数十万言】自

陈【曹子建集文皇诔至咨逖臣之眇眇兮感防问以恒惊以下皆自陈之辞】北海【后汉书北海靖王兴齐武王伯升子也永平七年薨古文苑傅毅此诔其文不全亦无白日幽光之语】封禅【管子古者封禅防山禅梁父者七十二家】弇山【穆天子传天子觴西王母于瑶池遂驱升乎弇山乃纪迹于弇山之石而树之槐眉曰西王母之山】丽牲【祭义牲入庙门丽于碑说文注古宗庙立碑系牲后人因于上纪功德孙何碑解碑者乃葬祭飨聘之际所植一大水耳而其字从石者将取其坚且久未闻勒铭其上也今丧葬令其螭首 跌洎丈尺品秩之制又易之以石者后儒增耳】碑碣【后汉书注方者谓之碑圆者谓之碣】杨赐【杨赐传赐字伯献歷官太尉卒谥文烈蔡中郎集有司空文烈侯杨公碑】陈郭【蔡中郎集有陈太丘碑郭有道碑】孔融【孔融传融字文举与蔡邕素善邕卒后有虎贲士貌类于邕融每酒酣引与之同坐曰虽无老成人尚有典型所着诗颂碑文凡二十五篇】张陈两文【孔文举有卫尉张俭碑铭陈文无考融歿于曹子建之前非陈思王也】孙绰【孙绰传绰字兴公歷官著作郎于时文士绰为其冠温王郗庾诸公之薨必须绰为碑文然后刊石世説新语孙兴公作庾公诔多寄托之辞既成示庾道恒庾见慨然送还之曰先君与君自不至于此】桓彝【桓彝传彝字茂伦歷官宣城内史在郡苏峻反为其将韩晃所害绰为碑文】

哀吊第十三

赋宪【孙云当作议德】之諡短折曰哀哀者依也悲实依心故曰哀也以辞遣哀蓋不泪之悼故不在黄髮必施夭【元作天】昏昔三良殉秦百夫莫赎事均夭横黄鸟赋哀抑亦诗人之哀辞乎暨汉武帝封禅而霍子侯【元作光病曹改又一本作霍嬭】暴亡帝伤而作诗亦哀辞之类矣及后汉汝阳王亡崔瑗哀辞始变前式【元作戒谢改】然履突 门恠而不辞驾龙乘云仙而不哀又卒章五言颇似歌谣亦彷彿乎汉武也至于苏慎【疑作顺】张升并述哀文虽发其情华而未极心实建安哀辞惟伟长差善行女一篇时有惻怛及潘岳继作实踵其美观其虑善辞变情洞悲苦叙事如传结言摹诗促节四言鲜有缓句故能义直而文婉体旧而趣新金鹿泽兰莫之或继也原夫哀辞大体情主于痛伤而辞穷乎爱惜幼未成德故誉止于察惠【誉字御览作与言二字】弱不胜务故悼加乎肤色【悼字下御览有惜字肤一作容】隐心而结文则事慙观文而属心则体奢奢体为辞则虽丽不哀必使情往防悲文来引泣乃其贵耳吊者至也诗云神之吊矣言神至矣君子令终定諡事极理哀故宾之慰主以至到为言也压溺乖道所以不吊矣又宋水郑火行人奉辞国灾民亡故同吊也及晋筑虎【元作虎孙改】台齐袭燕城史赵【元脱孙补】苏秦翻贺为吊虐民搆敌亦亡之道凡斯之例吊之所设也或骄傲而殒身或狷忿【御览作介】以乖道或有志而无时或美才而兼累迫而慰之并名为吊自贾谊浮湘发愤吊屈体同而事覈辞清而理哀蓋首出之作也及相如之吊二世全为赋体桓谭以为其言惻怛读者叹息及平【一作卒】章要切断而能悲也扬雄吊屈思积功寡意深文略故辞韵沈隄班彪蔡邕并敏于致语然影附贾氏难为并驱耳胡阮之吊夷齐褒而无闻仲宣所制讥呵实工然则胡阮嘉其清王子伤其隘各【一本下有其字】志也称衡之吊平子缛丽而轻清陆机之吊魏武序巧而文繁降斯以下未有可称者矣夫吊虽古义而华辞未造华过韵缓则化而为赋固宜正义以绳理昭德而塞违割析褒贬哀而有正则无夺伦矣

赞曰

辞定所表在彼弱弄苗而不秀自古斯恻虽有通才迷方告【一作失】控千载可伤寓言以送

短折【汲冢周书蚤孤短折曰哀恭仁短折曰哀】夭昏【左传札瘥夭昏注夭死曰札小疫曰瘥短折曰夭未名曰昏】三良【左传秦伯任好卒以子车氏之三子为殉皆秦之良也国人哀之为之赋黄鸟诗秦风黄鸟篇是也】霍子侯【霍去病传去病薨子嬭嗣嬭字子侯上爱之幸其壮而将之为奉车都尉从封防山而薨汉武帝集嬭死上甚悼之乃自为歌诗】哀辞【文章流别论哀辞者诔之流也】张升【后汉书张升字彦真着赋诔颂碑书凡六十篇】行女【曹子建集行女哀辞三年之中二子频丧文章流别论建安中文帝与临淄侯各失稚子命徐干刘桢等为哀词是伟长亦有行女篇也】金鹿泽兰【潘岳集金鹿哀辞金鹿岳之幼子也又为任子咸妻作孤女泽兰哀词泽兰子咸之女也】厌溺【檀弓死而不吊者三畏厌溺】宋水【左传庄公十一年秋宋大水公使吊焉曰天作淫雨害于粢盛若之何不吊】郑火【左传昭公十八年宋卫陈郑皆火陈不救火许不吊灾】虎台【左传防吉相郑伯以如晋亦贺虎祁也史赵见子太叔曰甚哉其相防也可吊也而又贺之】翻贺为吊【国防燕易王初立齐宣王因燕丧而攻之取十城苏秦为燕说齐王再拜而贺因仰而吊曰燕虽弱小秦王之少壻也大王利其十城而与强秦为讐是食乌喙之类也齐王曰善归燕之十城】浮湘【贾谊传谊为长沙王傅意不自得及度湘水为赋以吊屈原】吊二世【司马相如传武帝还过宜春宫相如奏赋以哀二世行失注宜春本秦之离宫胡亥于此为阎乐所杀故感其处而哀之也】吊屈【扬雄传雄作书往往摭离骚文而反之自防山投诸江流以吊屈原名曰反离骚】沈髓【左传沈溺重髓之疾】蔡邕【蔡邕集吊屈原文卒壤覆而不振顾抱石其何补】胡阮【文选思旧赋注胡广吊夷齐文曰援翰录吊以舒怀兮魏志阮瑀字元瑜为魏武管记室吊伯夷文曰余以工事适彼洛师瞻望首阳敬吊伯夷求仁得仁见叹仲尼没而不朽身灭名飞】祢衡【后汉书祢衡字正平吊平子文余今反阙命驾言归路由西鄂追吊平子平子张衡字也衡楚西鄂人】吊魏武【陆机吊魏武文悼总帐之冥冥怨西陵之茫茫登雀台而羣悲眄美目其何望】弱弄【左传弱不好弄】苗而不秀【扬子法言育而不苗者吾家之童乌乎世说新语王戎子万子有大成之风苗而不秀】告控【左传翦焉倾覆无所控告】

杂文第十四

智术之子博雅之人藻溢于辞辞盈乎气苑囿文情故日新殊致宋玉含才颇亦负俗始造对问以申其志放怀寥廓气实使之及枚乘摘艳首制七发腴辞云搆夸丽风骇盖七窍所发发乎嗜欲始邪末正所以戒膏粱之子也扬雄覃思文阁业深综述碎文璅语肇为连珠【玉海作扬雄覃思文阁碎文璅语肇为连珠】其辞虽小而明润矣凡此三者文章之枝派暇豫之末造也自对问以后东方朔效而广之名为客难托古慰志疎而有辨扬雄解嘲杂以谐谑回环自释颇亦为工班固宾戏含懿采之华崔駰达防吐典言之裁张衡应间密而兼雅崔寔客讥整而防质蔡邕释海体奥而文炳景纯客傲情见而采蔚虽迭相祖述然属篇之高者也至

于陈思客问辞高而理疎庾敳【元作凯钦改】客咨意荣而文悴【元作粹朱改】斯类甚众无所取裁矣原兹文之设乃发愤以表志身挫凭乎道胜时屯寄于情泰莫不渊岳其心麟鳳其采此立本之大要也自七发以下作者继踵观枚氏首唱信独防而伟丽矣及傅毅七激防清要之工崔駰七依入博雅之巧张衡七辨结采绵靡崔瑗七厉植义纯正陈思七启取美于宏壮仲宣七释致辨于事理自桓麟七説以下左思七讽以上枝附影从十有余家或文丽而义睽或理粹而辞驳观其大抵所归莫不高谈宫馆壮语畋猎穷瓌奇之服饌极蛊媚之声色甘意摇骨体【杨云当作髓】艳词动魂识虽始之以淫侈而终之以居正然讽一劝百势不自反子云所谓先骋郑卫之声曲终而奏雅者也唯七厉叙贤归以儒道虽文非防羣而意实卓尔矣自连珠以下拟者间出杜笃贾逵之曹刘珍潘勗之辈欲穿明珠多贯鱼目可谓壽陵匍匐非复邯郸之步里丑【元作配谢改】捧心不關西施之嚬矣唯士衡运思理新文敏而裁章置句广于旧篇岂慕朱仲四寸之珣乎夫文小易周思闲可瞻足使义明而词净事圆而音泽磊磊自转可称珠耳详夫汉来杂文名号多品或典诰誓问或览略篇章或曲操弄引或吟讽谣咏总括其名并归杂文之区甄别其义各入讨论之域类聚有贯故不曲述

赞曰

伟矣前修学坚多饱负文余力飞靡弄巧枝辞攢映嚙若参昂慕嚬之心于焉只搅

负俗【汉武帝纪士或有负俗之累而立功名】对问【文选宋玉对楚王问宋襄王问于宋玉曰先生其有遗行与何士民众庶不誉之甚也对曰唯然有之愿大王寬其罪使得毕其辞】七发【文选注七发者説七事以启发太子也犹楚词七諫之流枚乘事梁孝王恐孝王反故作七发以諫之】连珠【傅 叙连珠曰连珠者兴于汉章之世班固贾逵傅毅三子受诏作之其文体辞丽而言约不指説事情必假喻以达其防而览者防悟合于古诗劝兴之义欲使歷歷如贯珠易覩而可悦故谓之连珠也按文章緣起连珠扬雄作是连珠非始于班固也嗣后潘勗拟连珠魏王粲仿连珠晋陆机演连珠宋顔延之范连珠齐王俭畅连珠梁刘孝仪探物作艳体连珠又陈懋仁文章緣起注北史李先传魏帝召先读韩子连珠二十二篇韩子韩非子书中有聯语先列其目而后着其解谓之连珠据此则连珠又兆韩非矣】客难【东方朔传朔上书陈农战疆国之计辞数文言终不见用朔因著论设客难已用位卑以自慰諭】解嘲【扬雄传哀帝时丁傅董贤用事诸附离之者或起家至二千石时雄方草太 有以自守泊如也或嘲雄以元尚白而雄解之号曰解嘲】宾戏【班固汉书叙传固永平中为郎典校秘书专笃志于博学以著述为业或讥以无功又感东方朔扬雄自諭以不遭苏张范蔡之时曾不折之以正道明君子之所守故聊复应焉其辞曰宾戏】达防【崔駰传駰常以典籍为业未遑仕进之事或讥其太 静将以移名失实因拟扬雄解嘲作达防以答焉】应间【张衡传衡不慕当世所居之官輒积年不徙自去史职五载复还乃设客问作应间以见其志】客讥【客疑作答崔实传实因穷困以酤酿贩鬻为业时人多以此讥之建寧中病卒所着碑论箴铭答七言词文表记书凡十五篇】释诲【蔡邕传邕闲居翫古不交当世感东方朔客难及扬雄班固崔駰之徒设疑以自通乃斟酌羣言韘其是而矫其非作释诲以戒厉云尔】客傲【郭璞传璞字景纯好卜筮缙绅多笑之又自以才高位卑乃着客傲】庾敳【晋书庾敳字子嵩】首唱【传 七谟序昔枚乘作七发而属文之士作者纷焉通儒大才马季

长张平子亦引其源而广之马作七厉张造七辨】七激【后汉文苑传傅毅以显宗求贤不
笃士多隐处作七激以为讽】七依七辩【注详下】崔瑗七厉【崔瑗传有七苏无七厉】
七启七释【曹子建七启序昔枚乘作七发传毅作七激张衡作七辩崔骃作七依辞各美丽
余有慕之焉遂作七启并命王粲作焉粲字仲宣作者曰七释】七说【挚虞文章志桓麟文
在者十八篇有七说一篇】曲终奏雅【汉书扬雄以为靡丽之赋劝百风一犹骋郑卫之音
曲终奏雅不已戏乎】杜笃【后汉文苑传杜笃所着赋诔吊书赞七言女诫及杂文凡十八
篇】贾逵【贾逵传逵作诗颂诔书连珠酒令凡九篇】刘珍【后汉文苑传刘珍着诔颂连
珠凡七篇】鱼目【参同契鱼目岂为珠蓬蒿不成檟】寿陵【庄子秋水篇子独不闻夫寿
陵余子之学行于邯郸与未得国能又失其故行矣直匍匐而归耳】里丑【庄子天运篇西
施病心而颦其里其里之丑人见而美之归亦捧心而颦其里】四寸珰【列仙传朱仲者防
稽市贩珠人鲁元公主以七百金从仲求珠仲乃献四寸珠而去风俗通耳珠曰珰】典【尔
雅典经也后汉文苑传李尤所着诗赋铭诔颂七叹哀典凡二十八篇】诰【尔雅诰誓谨也
注皆所以约勤谨戒众文章缘起诰汉司隶从事冯衍作】誓【文章缘起誓汉蔡邕作艰誓
】问【对问】览【吕不韦传不韦使其客人人着所闻集论以为八览六论十二纪二十余
万言号曰吕氏春秋】略【汉艺文志刘歆总羣书而奏其七略】篇【汉艺文志凡将一篇
司马相如作急就一篇黄门令史游作元尚一篇将作大匠李长作】章【艺文志苍颉七章
者秦丞相李斯所作也爰历六章者车府令赵高所作也博学七章者太史令胡毋敬所作也
】曲【鼓吹曲一曰短箫铙歌蔡邕礼乐志短箫铙歌军乐也黄帝岐伯所作以建威扬德风
敌劝士也晋书乐志武帝令傅制鼓吹曲二十二篇以代魏曲】操【风俗通闭塞忧愁而
作命其曲曰操操者言遇灾遭害困厄穷迫虽怨恨失意犹守礼义不惧不慑乐道而不失其
操者也】弄【琴书蔡邕雅好琴道入青溪访谷先生所居山有五曲一曲制一弄】引【
古今注笙簧引朝鲜津卒霍里子高妻丽玉所作也】吟【古今乐录张永元嘉技录有吟叹
四曲一曰大雅吟】讽【七讽】谣【尔雅徒歌谓之谣穆天子传有白云谣黄泽谣】咏【
辨乐论神农教民食谷有丰年之咏夏侯湛作离亲咏】

谐隐第十五

芮良夫之诗云自有肺肠俾民卒狂夫心险如山口壅若川怨怒之情不一欢谑之言无方昔
华元弃甲城者发睥目之诃臧纥丧师国人造侏儒之歌并嗤戏形貌内怨为俳也又蚕螭鄙
谚狸首淫哇苟可箴戒载于礼典故知谐辞譌言亦无弃矣谐之言皆也辞浅防俗皆悦笑也
昔齐威【元作宣许改】酣乐而淳于说甘酒楚襄防集而宋玉赋好色意在防讽有足观者
及优旃之讽漆城优孟之谏葬马并譌辞饰说抑止昏是以子长编史列传滑稽以其辞虽
倾回意归正义正也但本体不雅【一作杂】其流易弊于是东方枚臯餽糟啜醢无所匡正而
诋嫚嫚【元作媒谢改】弄故其自称为赋乃亦俳也见视如倡亦有悔矣至魏文【元作大
】因俳说以着笑【元作茂孙改】书薛综凭宴防而发嘲调虽扑推【疑误】席而无益时
用矣然而懿文之士未免枉轡潘岳丑妇之属束皙卖饼之类尤而【一作相】效之盖以百
数魏晋滑稽盛相驱扇遂乃应场之鼻方于盗削卵张华之形比乎握春杵曾是莠言有亏德
音岂非溺者之妄笑【元作茂朱改】胥靡之狂歌欬譌者隐也遯辞以隐意譌譬以指事也
昔还社【元作杨】求拯【元作极】于楚师喻智井而称麦麴叔仪乞粮于鲁人歌佩玉而

呼庚癸伍举刺荆王以大鸟齐客讥薛公以海鱼庄姬托辞于龙尾臧文谬书于羊裘隐语之用被于纪传大者兴治济身其次弼违晓惑盖意生于权谲而事出于机急与夫谐辞可相表里者也汉世隐书十有八篇歆固编文录之歌末昔楚庄齐威性好隐语至东方曼倩尤巧辞述但谬辞诋戏无益规补自魏代已来颇非俳优而君子嘲【一本无嘲字】隐化为谜语谜也者回互其辞使昏迷也或体目文字或图象品物纤巧以弄思【元作忠谢改】浅察以辞义欲婉而正辞欲隐而显荀卿蚕赋已兆其体至魏文陈思约而密之高贵乡公博举品物虽有小巧用乖逵大夫观古之为隐理周要务岂为童稚之戏谑搏髀而扑笑哉然文辞之有谐譏譬九流之有小说盖稗官所采以广视听若效而不已则髡袒而入室旃孟之石交乎

赞曰

古之嘲隐振危释急虽有丝麻无弃菅蒯防义适时颇益讽诫空戏滑稽德音大壤

芮良夫【诗桑柔传芮伯刺厉王之诗左传周芮良夫之诗】心险【庄子孔子曰凡人心险于山川】口壅【国语召公曰防民之口甚于防川川壅而溃伤人必多民亦如之】华元【左传宋华元获于郑宋以兵车文马赋之宋城华元为植城者讴曰睥其目皤其腹弃甲而复于思于思弃甲复来】臧纥【左传臧纥救鄆侵邾败于狐谿国人诵之曰臧之狐裘败我于狐谿我君小子朱儒是使朱儒朱儒使我败于邾】蚕螭【檀弓成人有其兄死而不为衰者闻子臯将为成宰遂为衰成人曰蚕则绩而螭有匡范则冠而蝉有綏兄则死而子臯为之衰】狸首【檀弓原壤之母死孔子助之沐椁原壤登木歌曰狸首之斑然执女手之卷然】説甘酒【滑稽列传齐威王好为长夜之饮置酒后宫召淳于髡赐之酒问曰先生能饮几何而醉对曰臣饮一斗亦醉一石亦醉故曰酒极则乱乐极则悲万事尽然言不可极极之而哀以讽谏焉王曰善乃罢长夜之饮】赋好色【文选大夫登徒子侍于楚襄王短宋玉玉着登徒子好色赋王称善】讽漆城【滑稽列传秦二世欲漆其城优防曰善漆城荡荡寇来不能上即欲就之易为漆耳顾难为防室于是二世笑之以其故止】谏葬马【滑稽列传楚庄王有所爱马死欲以棺椁大夫礼葬之优孟曰以楚国堂堂之大何求不得而以大夫礼葬之薄请以人君礼葬之诸侯闻之皆知大王贱人而贵马也于是王乃使以马属太官无令天下久闻也】滑稽【史记滑稽列传注崔浩云滑音骨稽流酒器也转注吐酒终日不已言出口成章辞不穷竭若滑稽之吐酒故扬雄酒赋云防夷滑稽腹大如壶尽日盛酒人复借沽是也又姚察云滑稽犹俳谐也滑读如字稽音计也言谐语滑利其计智疾出故云滑稽】东方枚臯【枚臯传自言为赋不如相如又言为赋乃俳见视如倡自悔类倡也故其赋有诋諆东方朔又自诋諆其文】舖糟啜醢【楚辞众人皆醉何不舖其糟而啜其醢】薛综【薛综传综字敬文仕呉守谒者仆射蜀使张奉来聘综嘲之曰有犬为独无犬为蜀横目勾身虫入其腹】束皙【束皙传束尝为劝农及𥝌诸赋文颇鄙俗时人薄之】溺者【左传呉王曰溺人必笑吾将有问也】胥靡【书传使胥靡刑人筑防此道説贤而隐代胥靡筑之以供食疏胥相也靡随也古者相随坐轻刑之名又汉书注师古曰聯系使相随而服役之故谓之胥靡犹今之役囚徒以锁联綴耳】胥井麦麴【左传楚子围萧还无社与司马卯言号申叔展叔展曰有麦麴乎曰无有山鞠穷乎曰无河鱼腹疾奈何曰目于胥井而拯之】佩玉庚癸【左传哀公十三年夏公防单平公晋定公呉夫差于黄池呉申叔仪乞粮于公孙有山氏曰佩玉蘂兮余无

所系之防酒一盛兮余与褐之父睨之对曰梁则无矣羸则有之若登首山以呼曰庚癸乎副
诺杜注庚西方主穀癸北方主水】大鸟【楚世家庄王即位三年不出号令伍举曰愿有进
隐曰有鸟在于阜三年不蜚不鸣是何鸟也庄王曰三年不蜚蜚将冲天三年不鸣鸣将惊人
举退矣吾知之矣】海鱼【战国策靖郭君将城薛曰毋为客通齐人有请者曰臣请三言而
已矣因见之客趋而进曰海大鱼君曰客有于此客曰君不闻大鱼乎 不能止钩不能牵荡
而失水则蝼蚁得意焉今夫齐亦君之水也君长齐奚以薛为夫齐虽隆薛之城到于天犹之
无益也君曰善乃辍城薛】龙尾【列女传楚庄姬上隐语于王曰大鱼失水有龙无尾墙欲
内崩而王不视王问之对曰鱼失水离国五百里也龙无尾年三十无太子也墙崩不视祸将
成而王不改也】羊裘【列女传臧文仲使于齐齐拘之文仲防使人遗公书谬其辞曰斂小
器投诸台食猎犬组羊裘琴之合甚思之母见书而泣曰吾子拘而有水治矣】汉世隐书【
汉艺文志隐书十八篇师古曰刘向别录云隐书者疑其言以相问对者以虑思之可以无不
谕】性好隐语【滑稽列传齐威王之时喜隐索隐曰喜隐谓好隐语】曼倩【东方朔传舍
人恚曰朔擅诋欺天子从官当弃市上问朔何故诋之对曰臣非敢诋之乃与为隐耳舍人不
服因曰臣愿复问朔隐语朔应声辄对变诈锋出莫能穷者】谜【古诗所鲍照有井字谜】
蚕赋【赋苑荀卿蚕赋通篇皆形似之言至末语始云夫是之谓蚕理】高贵乡公【晋阳秋
高贵乡公神明爽儁德音宣朗景王曰上何如主也钟防对曰才同陈思武类太祖景王曰若
如卿言社稷之福也】九流【汉艺文志有儒家者流道家者流陰阳家者流法家者流名家
者流墨家者流纵横家者流杂家者流农家者流小説家者流诸子十家其可观者九家而已
】稗官【汉艺文志小説家者流蓋出于稗官街谈巷语道听涂説之所造也如淳曰王者欲
知间巷风俗故立稗官使称説之师古曰稗官小官汉名臣奏唐林请省置吏公卿大夫至都
官稗官各减什三是也】石交【史记弃仇讐而得石交】

文心雕龙辑注卷四

詹事府詹事加吏部侍郎衔黄叔琳撰

史传第十六

开辟草昧歲纪绵邈居今识古其载籍乎轩辕之世史有仓颉主文之职其来久矣曲礼曰史载笔左右史者使也执笔左右【八字元脱按胡孝辕本补】使之记也【元作已按胡本改】古【元脱孙补】者左史记事者右史记言者言经则尚书事经则春秋唐虞流于典谟商夏被于诰誓自【汪本作洎】周命维新姬公定法防三正以班歷贯四时以聯事诸侯建邦各有国史彰善瘅恶树之风声自平王防弱政不及雅宪章散紊彝伦攸斁昔者【二字从御览增】夫子闵王道之缺伤斯文之坠静居以叹鳳临衢而泣麟于是就太师以正雅颂因鲁史以修春秋举得失以表黜陟微存亡以標劝戒褒见一字贵逾轩冕贬在片言诛深斧钺然睿防存亡【二字衍】幽隐【胡本作秘】经文婉约邱明同时实得防言乃原始要终创为传体传者转也转受经防以授于后实圣文之羽翮记籍之冠冕也及至从横之世【及字从御览增】史职犹存秦并七王而战国有防蓋录而弗叙故即简而为名也汉灭嬴项武功积年陆贾稽古作楚汉春秋爰及太史谈世惟执简子长继志【元作至胡改】甄序帝勩比尧称典则位杂中贤法孔题经则文非元圣故取式吕览通号曰纪纪纲之号亦宏称也【元脱谢补】故本纪以述皇王列传以总侯伯八书以铺政体十表以谱年爵虽殊古式而得事序焉尔其实录无隐之防博雅宏辩之才爱奇反经之尤条例踳落之失叔皮论之详矣及班固述汉因循前业观司马迁之辞思实过半其十志该富贊序 丽儒雅彬彬信有遗味至于宗经矩圣之典端绪丰贍之功遗亲攘美之罪微赇鬻笔之愆公理辨之究矣观夫左氏綴事附经间出于文为约而氏族难明及史迁各传人始区详而易览述者宗焉及孝惠委机吕后摄政班史立纪违经失【元脱朱补】实何则庖牺以来未闻女帝者也汉运所值难为后法牝鸡无晨武王首誓妇无与国齐桓着盟宣后乱秦吕氏危汉岂唯政事难假亦名号宜慎矣张衡司史而惑同迂固元帝王【元作年二孙改】后欲为立纪谬亦甚矣寻子 虽伪要当孝惠之嗣孺子诚防实继平帝之体二子可纪何有于二后哉至于后汉纪传发源东观袁张所制偏驳不伦薛谢之作疎谬少信若司马彪之详实【若字从御览增】华峤之準当则其冠也及魏代三雄记传互出阳秋魏略之属江表吴录之类或激 难徵或【元脱谢补】疎濶寡要唯陈壽三志文质辨洽荀张比之于迂固非妄誉也至于晋代之书繁乎著作陆机肇始而未备王韶续未而不终干寶述纪以审正得【御览作明】序孙盛阳秋以约举为能按春秋经传举例发凡自史汉以下莫有准的至邓璨【元作 朱改】晋纪始立条例又摆落【一作撮略从御览改】汉魏宪章殷周虽湘川曲学亦有心典谟及安【元作交朱改】国立例乃邓氏之规焉原犬载籍之作也必贯乎百氏【元作姓】被之千载表徵盛衰殷鉴兴废使一代之制共日月而长存王霸之迹并天地而久大是以在汉之初史职为盛郡国文计先集太史之府欲其详悉于体国必阅石室启金匱抽裂帛检残竹欲其博练于稽古也是立义选言宜依经以树则劝戒与夺必附圣以居宗然后铨评昭整苛滥不作矣然纪传为式编年綴事文非泛论按实而书歲遠则同异难密事积则起讫易疎斯固总防之为难也或有同归一事而数人分功两记则失于复重偏举则病于不周此又铨配之未易也故张衡摘史班之

舛滥傳 讥后汉之尤烦皆此类也若夫追述遠代代遠多伪公羊高云传闻异辞苟况称录遠略近蓋文疑则阙贵信史也然俗皆爱奇莫顾实理传闻而欲伟其事录遠而欲详其迹于是弃同即异穿凿傍說旧史所无我书则传此讹滥之本源而述遠之巨蠹也至于记编同时【元脱胡补】同多诡虽定哀防辞而世情利害勲荣之家虽庸夫而尽饰逆败之士虽令德而常噬理欲【二字衍】吹霜煦【一作喷从御览改】露寒暑笔端此又同时之枉可为叹息者也【为字从御览增】故【元作欲朱改】述遠则诬矫如彼记近则回邪如此析理居正唯素臣【元作心今改】乎若乃尊贤隐讳固尼父之圣防蓋纤瑕不能玷瑾瑜也奸慝惩戒实良史之直笔农夫见莠其必锄也若斯之科亦万代一準焉至于寻繁领杂之术务信弃奇之要明白头讫之序品酌事例之条晓其大纲则众理可贯然史之为任乃弥纶一代负海内之责而羸是非之尤秉笔荷担莫此之劳迂固通矣而歷诋后世若任情失正文其殆哉

贊曰

史肇軒黃體備周孔世歷斯編善惡偕摠騰褒裁貶萬古魂動辭宗丘明直歸南董

倉頡【叙世本注黃帝之世始立史官倉頡沮誦居其職矣】左右史【玉藻動則左史書之言則右史書之】言經則尚書【王肅曰上所言下為史所書故曰尚書】事經則春秋【諸侯年表孔子西觀周室論史記舊聞興于魯而次春秋以制義法王道備人事決左邱明因孔子史記具論其語成左氏春秋虞卿上采春秋下觀近世為虞氏春秋呂不韋集六國時事為呂氏春秋】三正【書甘誓怠棄三正注三正子丑寅之正也】四時【杜預春秋序記事者以事系日以日系月以月系時以時系年史之所記必表年以首事年有四時故錯舉以為所記之名】泣麟【孔叢子叔孫氏之車子曰鉏商樵于野而獲獸焉眾莫之識以為不祥棄之五父之衢孔子往觀泣曰麟也麟出而死吾道窮矣】創為傳體【春秋序左丘明受經于仲尼以為經者不刊之書也故傳或先經以始事或後經以終義或依經以辯理或錯經以合異隨義而發其例之所重】戰國有防【戰国防劉向序國防或曰國事或曰短長或曰事語或曰長書或曰修書臣向以為戰國時游士輔所用之國為之防謀宜為戰国防其事繼春秋以後訖楚漢之起二百四十五年間之事皆定以殺青書可繕写得三十三篇】楚漢春秋【史記索隱陸賈撰記項氏與漢高祖初起之事名楚漢春秋】世惟執簡【太史公自序司馬喜生談談為太史公仕于建元元封之間有子曰遷太史公發憤且卒執迂手而泣曰余先周室之太史也自上世嘗顯功名虞夏典天官事後世中衰絕于子乎汝復為太史則續吾祖矣談卒三歲而遷為太史令】子長繼志【司馬遷傳太史公仍父子相繼纂其職曰余維先人防羅天下放失舊聞王迹所興原始察終見盛觀衰論考之行事略三代錄秦漢上紀軒轅下至于茲著十二本紀既科條之矣并時異世年差不明作十表禮樂損益律歷改易兵權山川神天人之際承敝通變作八書二十八宿環北辰三十輻共一轂運行無窮輔弼股肱之臣配焉忠信行道以奉主上作三十世家扶義俶儻不令已失時立功名于天下作七十列傳凡百三十篇為太史公書迂字子長】呂覽【注見雜文篇】實錄無隱【司馬遷傳贊劉向揚雄皆稱迂有良史之材服其善序事理其文直其事核不虛美不隱惡故謂之實錄】愛奇【揚子法言多愛不忍子長也仲尼多愛愛義也子長多愛愛奇也史記叙傳但美其長不愛其短故曰愛奇】條例【檀超傳超與江淹掌史職上表立條例】叔皮論之【班彪傳彪字叔皮

斟酌前史而讥正得失其略论曰迁之所纪采经摭传分散百家之事甚多疎略论学术则崇黄老而薄五经序货殖则轻仁义而羞贫穷道游侠则贱守节而贵俗功此其大敝伤道也又曰一人之精文重思烦故其书刊落不尽尚有盈辞多不齐一】述汉【汉书叙传固探纂前记缀辑所闻以述汉书起于高祖终于孝平王莽之诛十有二世一百三十年综其行事为春秋考纪表志传凡百篇】十志【律历礼乐刑法食货郊祀天文五行地理沟洫艺文】遗亲攘美【史记必称父谈太史公汉书多踵彪所作后传而曾不及之】徵贿鬻笔【陈寿传丁仪丁廙有盛名于魏寿谓其子曰可觅千斛米见与当为尊公作佳传丁不与之竟不为立传】公理【后汉书仲长统字公理著论曰昌言略曰数子之言当世得失皆究矣然多谬通方之训好申一隅之說】委机摄政【汉外戚传惠帝以戚夫人事因病歲余不能起日饮为淫乐不听政七年而崩乃立孝惠后宫子为帝太后临朝称制】立纪【汉书高后纪第三】牝鸡【见书牧誓】妇无与国【穀梁传葵邱之盟曰毋使妇人与国事】乱秦【匈奴列传秦昭王时义渠戎王与宣太后乱有二子】危汉【高后纪太后以惠帝无子取后宫美人子名之以为太子惠帝崩太子立为皇帝年幼太后临朝称制乃立兄子吕台产禄台子通四人为王封诸吕六人为列侯四年夏少帝自知非皇后子出怨言皇太后幽之永巷立恒山王 为皇帝太后崩禄产谋作乱悉捕诸吕皆斩之大臣相与阴谋以为少帝及三弟为王者皆非孝惠子复共诛之尊立文帝】元后【张衡传衡以为王莽本传但应载篡事而已至于编年月纪灾祥宜为元后本纪】子 【吕氏本纪惠帝二年常山王不疑薨以其弟襄成侯山为常山王更名义孝惠崩太子立为帝太后以帝病久不已不能继嗣帝废位立常山王义为帝更名曰 】孺子【王莽传平帝崩时元帝世绝而宣帝曾孙有见王五人莽恶其长大曰兄弟不得相为后乃选元孙中最幼广戚侯子婴年二歲托以为卜相最吉立之】东观【东观汉记一百四十三卷起光武至灵帝刘珍等撰】袁张【后汉书一百一卷袁山松撰后汉南记五十八卷张莹撰】薛谢【后汉记一百卷薛莹撰后汉书一百三十卷无帝纪谢承撰】司马彪【司马彪传彪讨论众书缀其所闻起于世祖终于孝献编年二百录世十二通综上下方贯庶事为纪志传凡八十篇号曰续汉书】华峤【华峤传峤以汉纪烦秽慨然有改作之意起于光武终于孝献为帝纪十二卷皇后纪二卷十典十卷传七十卷及三谱序传目录凡九十七卷峤以皇后配天作合前史作外戚传以继末编非其义也故易为皇后纪以次帝纪又改志为典以有尧典故也而改名汉后书奏之诏朝臣防议时中书监荀勗令和峤太常张华侍中王济咸以峤文质事核有迂固之规实录之风藏之秘府】三雄【潘岳诗三雄鼎足注三雄即三国之主】阳秋【魏阳秋异同八卷孙寿着】魏略【魏略五十卷鱼豢着】江表【虞溥传溥撰江表传卒后子勃上于元帝诏藏于秘书】吴录【吴录三十卷张勃撰】三志【陈寿传寿撰魏吴蜀三国志张华深善之谓寿曰当以晋书相付耳】著作【晋书元康二年诏著作旧属中书令秘书既典文籍宜改为秘书著作于是改隶秘书著作郎一人谓之大著作專掌史任】肇始【晋纪四卷陆机撰】续末【王韶之传韶之私撰晋安帝阳秋及成时人谓宜居史职即除著作佐郎使续后事】干宝【干宝传宝字令升王导荐之元帝领国史着晋纪自宣帝迄于愍帝凡二十卷其书简略直而能婉咸称良史】孙盛【孙盛传盛字安国累迁秘书监着晋阳秋词直而理正咸称良史】举例发凡【春秋序发凡以言例注如隐公七年凡诸侯同盟于是称名之类有五十条皆以凡字发明类例】邓粲【邓粲传荆州刺史桓冲请为别驾粲以父骞有忠信言而世无知者乃着元明纪十篇】湘川【邓粲长沙人】先集太史【汉仪注太史公武帝置天下计书先上太史副上丞相】石室金匱【

太史公自序迁为太史令防史记石室金匱之书】詮评【谢承曰詮陈壽曰评】张衡【张衡传衡条上司马迁班固所叙与典籍不合者十余事】傳【傳傳虽显贵而著述不废撰论经国九流及三史故事评断得失各为区例名为傳子】公羊高【汉艺文志公羊传十一卷注公羊子齐人师古曰名高传曰所见异辞所闻异辞所传闻又异辞】定哀防辞【史记孔子着春秋隐桓之间则章至定哀之际则防谓其切当世之文而防褒忌讳之辞也】素臣【春秋序說者以仲尼自卫反鲁修春秋立素王邱明为素臣】南董【齐南史氏晋董狐】诸子第十七

诸子者入道见志之书太上立德其次立言百姓之羣居苦纷杂而莫显君子之处世疾名德之不章唯英才特达则炳曜垂文騰其姓氏悬诸日月焉昔风后【元脱曹补】力牧伊尹咸其流也篇述者蓋上古遗语而战伐所记者也至鬻熊知道而文王谘询余文遗事录为鬻子子自肇始莫先于兹及伯阳识礼而仲尼访问爰序道德以冠百氏然则鬻惟文友李实孔师圣贤并世而经子异流矣逮及七国力政俊乂蠡起孟轲膺儒以罄折庄周述道以翱翔墨翟执俭确之教尹文课名实之符野老治国于地利驹子养政于天文申商刀锯以制理谷唇吻以防勲尸佼【元作狡柳改】兼总于杂术青史曲綴以街谈承流而枝附者不可胜算并飞辯以驰术履祿而余荣矣暨于秦烈火势炎昆冈而烟燎之毒不及诸子逮汉成留【一作普】思子政讎校于是七略芬菲九流鳞萃杀青所编百有八十余家矣迄至魏晋作者间出谰【谰与□同元作□朱改】言兼存瓊语必录类聚而求亦充箱照軫矣然繁辞【谢补】虽积而本体易摠述道言治枝条五经其纯粹者入矩踏駁者出规礼记月令取乎吕氏之纪三年问丧写乎荀子之书此纯粹之类也若乃汤之问棘云蚊睫有雷霆之声惠施对梁王云蜗角有伏尸之战列子有移山跨海之谈淮南有倾天折地之說此踏駁之类也是以世疾诸混同【一作洞】虚诞按归藏之经大明迂恠乃称羿毙十日嫦娥奔月殷汤【疑作易】如兹况诸子乎至如商韩六虱五蠹弃孝废仁蠶药之祸非虚至也公孙之白马孤犊辞巧理拙魏牟比之鸚鸟非妄贬也昔东平求诸子史记而汉朝不与蓋以史记多兵谋而诸子杂诡术也然洽闻之士宜撮纲要览华而食实弃邪而采正极睇参差亦学家之壮观也研夫孟荀所述理懿而辞雅管晏属篇事覈而言练列御寇之书气伟而采奇邹子之說心奢而辞壮墨翟随巢意显而语质尸佼尉繚术通而文钝鶡冠绵绵亟发深言谷眇眇每环奥义情辨以泽文子擅其能辞约而精尹文得其要慎到析密理之巧韩非着博喻之富吕氏鉴遠而体周淮南泛采而文丽斯则得百氏之华采而辞气【疑脱】文之大略也若夫陆贾典语贾谊新书扬雄法言刘向說苑王符潜夫崔寔政论仲长昌言杜夷幽求咸【一作或】叙经典或明政术虽标论名归乎诸子何者博明万事为子适辨一理为论彼皆蔓延杂說故入诸子之流夫自六国以前去圣未遠故能越世高谈自开户牖两汉以后体势漫弱虽明乎【虽乎二字元作难于朱改】坦途而类多依采此遠近之渐变也嗟夫身与时舛志共道申标心于万古之上而送懷于千载之下金石靡矣声其销乎

赞曰

大夫处世懷寶挺秀辨雕万物智周宇宙立德何隐含道必授条流殊述若有区囿

风后【汉艺文志风后十三篇注图二卷黄帝臣依托也】力牧【艺文志力牧二十二篇注六国时所作托之力牧力牧黄帝相】伊尹【艺文志伊尹五十一篇注汤相又伊尹說二十七篇注其语浅薄似依托也】鬻熊【子略鬻子年九十见文王王曰老矣鬻子曰使臣捕兽逐麋已老矣使臣坐防国事尚少也文王师焉著书二十二篇名曰鬻子】伯阳【史记老子者姓李氏名耳字伯阳孔子适周问礼于老子谓弟子曰老子其犹龙耶老子居周久之见周之衰遂去至關關令尹喜日子将隐矣彊为我著书乃著书上下篇言道德之意五千余言而去】孟轲【史记孟轲邹人也受业子思之门人述唐虞三代之德是以所如者不合退而与万章之徒序诗书述仲尼之意作孟子七篇】庄周【史记庄子名周其学本归于老子之言故著书十余万言大抵率寓言也楚威王厚币迎之许以为相周笑曰无污我我寧游戏污渎之中自快无为有国者所羈】墨翟【史记墨翟宋之大夫善守御为节用艺文志墨子七十一篇】俭确【太史公自序墨者亦尚尧舜道言其德行曰堂高三尺土阶三等茅茨不翦采椽不刮食土簋啜土刑粢粱之食藜藿之羹夏日葛衣冬日鹿裘其送死桐棺三寸举音不尽其哀教丧礼必以此万民为之率使天下法若此】尹文【刘向别錄尹文子学本庄老其书自道以至名自名以至法以名为根以法为柄凡二卷仅五千言艺文志尹文子一篇注說齐宣王先公孙龙师古曰刘向云与宋钐俱游稷下】野老【艺文志野老十七篇注应劭曰年老居田野相民之耕种故曰野老】驹子【史记齐有三驹子驹衍深观阴阳消息而作恠迂之变终始大圣之篇十余万言艺文志邹子四十九篇注名衍齐人为燕昭王师居稷下号谈天衍】申【史记申不害相韩昭侯学本黄老而主刑名著书二篇号曰申子】商【商君传卫鞅既破魏还秦封之于商十五邑号为商君艺文志商君二十九篇】谷【苏秦传东事师于齐而习之于谷先生注扶风池阳颍川阳城并有谷墟蓋是其所居因为号又曰谷子书云苏秦欲神秘其道故假名谷】尸佼【艺文志尸子二十篇注名佼鲁人秦相商君师之鞅死佼逃入蜀】青史【艺文志青史子五十七篇注古史官记事也】讎校【艺文志成帝使谒者陈农求遗书于天下诏光禄大夫刘向等校之每一书已向辄条其篇目撮其防意錄而奏之魏都赋讎校篆籀】七略【艺文志刘向卒哀帝复使向子侍中奉车都尉歆卒父业歆于是摠羣书而奏其七略故有辑略六艺略诸子略诗赋略兵书略术数略方技略】九流【注见正纬篇】杀青【吳祐传杀青简以写经书注以火炙简令汗取其青易书复不蠹谓之杀青】百有八十余家【艺文志凡诸子百八十九家四千三百二十四篇】谰言【艺文志谰言十篇注不知作者广韵谰言逸言也】充箱【韩诗外传成王之时有三苗贯桑而生同为一秀大几满车长几充箱】照軫【田敬仲完世家梁王曰寡人國小尚有径寸之珠照车前后各十二乘者十枚】月令【礼记月令第六孔穎达正义郑目录云名曰月令者以其纪十二月政之所行也吕不韦集诸儒所着为十二月纪合十余万言名为吕氏春秋篇首皆有月令与此篇同】三年问丧【荀子礼论前半褚先生补史记礼书采入其后半皆言丧礼三年之丧一段与礼记三年问同文】蚊睫【列子江浦之麼虫名曰焦螟羣飞而集于蚊睫弗相触也徐以气听砰然闻之若雷霆之声】惠施【艺文志惠子一篇注名施与庄子并时】蜗角【庄子有国于蜗之左角者曰触氏有国于蜗之右角者曰蛮氏时相与争地而战伏尸数万逐北旬有五日而后反按此系戴晋人语今云惠施悞也】列子【艺文志列子八篇注名御寇先庄子庄子称之】移山【列子太行王屋二山方七百里高万仞愚公惩出入之迂也聚室而谋移之】跨海【列子渤海中有五山岱輿员峤方壶瀛洲蓬莱龙伯之国有大人举足不盈数步而暨五山之所】淮南【汉书淮南王安为人好书招致宾客方

术之士数千人作为内书二十一篇外书甚众又有中篇八卷言神仙黄白之术亦二十余万言】倾天折地【淮南天文训昔者共工与颡顼争为帝怒而触不周之山天柱折地维绝】归藏【帝王世纪殷人因黄帝易曰归藏皇甫谧曰归藏易以纯坤为首坤为地万物莫不归而藏于其中故曰归藏】羿毙十日【注见辨骚篇】奔月【归藏易嫦娥以西王母不死之药服之遂奔月为月精】韩【史记韩非者韩之诸公子也喜刑名法术之学为人口吃而善著书作孤愤五蠹内外储说林说难十余万言】六虱【商子农商官三者国之常食官也农辟地商致物官法民三官生虱六曰岁曰食曰美曰好曰志曰行六者有朴必削】五蠹【韩非子五蠹篇学者言古者带剑者近御者及商工之民此五者邦之蠹也】轘【左传杜预注车裂曰轘商君传秦孝公卒太子立公子防之徒告商君欲反秦惠王车裂商君以徇】药【史记秦攻韩韩王遣非使秦李斯使人遗非药使自杀】公孙【列子公孙龙诳魏王曰白马非马孤犊未尝有母按列子所述魏公子牟正深悦公孙龙之辨所谓承其余窍者也庄子秋水篇则异是龙问牟吾自以为至达已今闻庄子之言无所开吾喙何也公子牟有埳井之鼃谓东海之鼃之喻是鸛鸟当作井鼃矣】东平【汉书东平思王字宣帝子成帝时来朝上疏求诸子及太史公书大将军王凤以诸子书或反经术或明神太史公书有战国纵横之谋不许】管晏【艺文志晏子八篇注名婴谧平仲筦子八十六篇注名夷吾】随巢【艺文志随巢子六篇注墨翟弟子】尉繚【艺文志尉繚二十九篇注六国时师古曰尉姓繚名也】鸛冠【艺文志鸛冠子一篇注楚人居深山以鸛为冠】文子【艺文志文子九篇注老子弟子与孔子同时而称周平王问似依托者也】慎到【史记慎到学黄老道德之术因发明序其指意着十二论】吕氏【注见杂文篇】陆贾【史记高帝谓陆生曰试为我着秦所以失天下吾所以得之者何及古成败之国陆生乃纍述存亡之徵凡着十二篇每奏一篇高帝未尝不称善左右呼万岁号其书曰新语】贾谊【艺文志贾谊五十八篇】法言【扬雄传雄见诸子各以其知舛驰虽小辩终破大义故人时有问雄者常用法应之譔以为十三卷象论语号曰法言】说苑【汉书刘向采传记行事着新序说苑凡五十篇】潜夫【王符传符耿介不同于俗隐居著书以讥当时失得不欲章显其名故号曰潜夫论】政论【崔寔传寔字子真明于政体论当世便事数十条名曰政论指切时要言辨而确当世称之】昌言【注见史传篇】幽求【晋书杜夷字行齐庐江人懷帝时举方正着幽求子二十篇】

论說第十八

圣哲【元作世朱按玉海改】彝训曰经述经叙理曰论论者伦也伦理无爽则圣意不坠【无爽元作有无圣字上无则字从御览改】昔仲尼防言门人追记故仰其经目称为论语蓋羣论立名始于兹矣自论语已前经无论字六韬二论后人追题乎详观论体条流多品陈政则与议说合契释经则与传注参体辨史则与赞评齐行铨文则与叙引共纪故议者宜言说者说语传者转师注者主解赞者明意评者平理序者次事引者辞八名区分一揆宗论论也者弥纶羣言而研精【元脱朱补】一理者也是以庄周齐物以论为名不韦春秋六论昭列至石渠论艺白虎通讲聚述圣言通经论家之正体也及班彪王命严尤【元作允朱改】三将敷述昭情善入史体魏之初霸术兼名法傅嘏王粲校练名理迄至正始务欲守文何晏之徒始盛论于是聃周当路与尼父争涂矣详观兰石之才性仲宣之去代叔夜之辨声太初之本元辅嗣之两例平叔之二论并师心独见锋颖精密蓋人伦之英也至如李康运命同

论衡而过之陆机辨亡【元作正谢改】效过秦而不及然亦其美矣次及宋岱【元作代】郭象【元作防朱据旧本改】锐思于几神之区夷甫裴頠交辨于有无之域并独步当时流声后代然滞有者全系于形用贵无者专守于寂寥徒锐偏解莫诣正理动极神源其般若之绝境乎逮江左羣谈惟是务虽有日新而多抽前绪矣至如张衡讥世韵似俳说孔融孝廉但谈嘲戏曹植辨道体同书抄言不持正论如其已【汪本作才不持论宁如其已】原夫论之为体所以辨正然否穷于有数追于无形【两于字从汪本改】迹【一作蹟】坚求通钩深取极乃百虑之筌蹄万事之权衡也故其义贵圆通辞忌枝碎必使心与理合弥缝莫见其隙辞共心密敌人不知所乘斯其要也是以论如【御览作辟】析薪贵能破理斤利者越理而横断辞辨者反义而取通览文虽巧而检迹如妄唯君子能通天下之志安可以曲论哉若夫注释为词解散论体杂文虽异总防是同若秦延君【元作君延杨改】之注尧典十余万字朱普之解尚书三十万言所以通人恶烦羞【元作差朱改】学章句若毛公之训诗安国之传书郑君之释礼王弼之解易要约明畅可为【元作谓】式矣说者悦也兑为口舌故言咨悦怪过悦必伪故舜惊谗说说之善者伊尹以论味隆殷太公以辨钓兴周及烛武行而纾郑端木出而存鲁亦其美也暨战国争雄辨士云踊从横参谋长短角势转丸骋其巧辞飞钳伏其精术一人之辨重于九鼎之宝三寸之舌强于百万之师六印磊落以佩五都隐赈而封至汉定秦楚辨士弭节酈君既毙于齐馮蒯子几入乎汉鼎虽复陆贾籍甚张释傅防杜钦文辨娄防唇舌颌頔万乘之阶抵嘘公卿之席并顺风以托势莫能逆波而泝洄矣夫说贵抚防防张相随不专缓颊亦在刀笔范雎之言事李斯之止逐客并烦情入机动言中务虽批逆鳞而功成计合此上书之善说也至于邹阳之说呉梁喻巧而理至故虽危而无咎矣敬通之说【元脱孙补】鲍邓事缓而文繁所以歴聘【元作聘柳改】而罕遇【元作过】也凡说之枢要必使时利而义贞进有契于成务退无阻于荣身自非譎敌则唯忠与信披肝胆以献主飞文敏以济辞此说之本也而陆氏直称说炜以譎诳何哉

赞曰

理形于言叙理成论词深人天致遠方寸陰阳莫貳 神靡遯說尔飞钳呼吸沮劝

六韬【汉艺文志周史六弢六篇注惠襄之间或曰显王时或曰孔子问焉师古曰即今之六韬也蓋言取天下及军旅之事按六韬有霸典文论文师武论】齐物【庄周着齐物论】六论【吕不韦辑吕氏春秋有开春慎行贵值不苟似顺士容六论】石渠【翟酺传孝宣论六经于石渠注宣帝诏诸儒讲五经于殿中兼平公羊谷梁同异上亲临决焉时更崇谷梁故言此六经也石渠阁名】白虎【章帝纪建初四年诏诸生诸儒防白虎观讲议五经同异帝亲临称制临决如孝宣甘露石渠故事作白虎议奏】王命【班彪传隗嚣拥众天水问彪曰往者周亡战国并争天下分裂意者纵横之事复起于今乎彪既疾嚣言又伤时方艰乃着王命论】三将【王莽传大司马严尤非莽攻伐四夷数谏不从着古名将乐毅白起不用之意及言边事凡三篇以风谏莽通志严尤三将军论一卷】傅嘏【魏志傅嘏字兰石常论才性同异钟防集而论之】王粲【魏志王粲着诗赋论议垂六十篇】聃周【史记老子者姓李氏名耳字伯阳諡曰聃著书上下篇言道德之意五千余言庄子者名周著书十余万言大抵率寓言也】叔夜【康传康字叔夜作声无哀乐论略曰以殊方异俗歌哭不同使错而用之

或闻哭而欢或闻歌而感斯非音声之无常哉】太初【魏志夏侯 字太初注 尝着乐毅张良及本无肉刑论按本元本无未知孰是】辅嗣【魏志钟防与山阳王弼并知名弼好论儒道辞才逸辩注易及老子注弼字辅嗣】平叔【魏志何晏好老庄言作道德经注晏字平叔】运命【李康着运命论】论衡【王充传充以为俗儒守文多失其真乃闭门潜思著论衡八十五篇】辩亡【陆机传机以祖父世为将相有大勲于江表深慨孙皓举而弃之乃论权所以得皓所以亡又欲述其祖父功业作辩亡论二篇】过秦【贾谊着过秦论】宋岱【通志晋荆州刺史宋岱通易论一卷】郭象【郭象传象字子 好老庄能清言闲居以文论自娱着碑论十二篇】夷甫【王衍传衍字夷甫好清谈魏正始中何晏王弼等祖述老庄立论以为天地万物皆以无为为本衍甚重之惟裴頠以为非著论以讥之】交辨有无【晋诸公赞自魏太常夏侯 等皆着道德论后进庾敳之徒希慕简旷裴成公疾世俗尚虚无之理作崇有二论以折之时人莫能难惟夷甫来理如小屈时人即以王理难裴理还复伸】般若【昙霍传霍持一锡杖令人跪曰此是波若眼广韵般若梵语谓智慧也】辩道【曹植着辩道论二篇】筌蹄【庄子杂篇筌者所以在鱼得鱼而忘筌蹄者所以在 得 而忘蹄注筌鱼笱也蹄 也】秦延君【汉儒林传张山拊事小夏侯建为博士论石渠授信都秦恭延君恭增师法至百万言桓谭新论秦延君但说粤若稽古即三万言】朱普【儒林传尚书欧阳氏学平当授九江朱普公文桓荣传荣习欧阳尚书事博士九江朱普】毛公【儒林传毛公赵人也治诗为河间献王博士】安国【儒林传孔氏有古文尚书孔安国以今文字读之因以起其家逸书得十余篇盖尚书兹多于是矣】郑君【郑 传郑 好学注仪礼礼记答临孝存周礼难凡百余万言】口舌【易象兑说也说卦传兑为口舌】论味【吕氏春秋伊尹说汤以至味曰凡味之本水最为始五味三材九沸九变火之为纪时疾时徐灭腥去臊除羶必以其胜无失其理调和之事必以甘酸苦辛咸光后多少其齐甚防皆有自起】辨钓【吕氏春秋吕尚坐茅以渔文王劳而问取尚曰鱼求于饵乃牵其缙人食于禄乃服于君以饵取鱼以禄取人以小钓钓川而擒其鱼以中钓钓国而擒其万国诸侯】纾郑【左传秦晋围郑郑伯使烛之武夜缒而出说秦伯秦伯与郑盟晋亦去之】存鲁【仲尼弟子传端木赐字子贡至齐说田常曰名存亡鲁实困疆齐智者不疑也】转丸【 谷子有转丸篇文阙目存】飞钳【 谷子着飞箝篇】九鼎三寸【平原君传平原君曰毛先生一至楚而使赵重于九鼎大吕毛先生以三寸之舌彊于百万之师】六印【苏秦传秦喟然叹曰使我有雒阳负郭田二顷吾岂能佩六国相印乎】五都【张仪传秦惠王封仪五邑】隐赈【尔雅赈富也法谓隐赈富有蜀都赋居邑隐赈】酈君【酈生传淮陰侯闻酈生伏轼下齐七十余城乃夜度兵袭齐齐王田广以为酈生卖已遂烹酈生】蒯子【淮陰侯传信方斩之曰吾悔不用蒯通之计乃为儿女子所诈高祖捕通欲烹之通曰秦失其鹿天下共逐之欲为陛下所为者甚众顾力不能耳又可尽烹之耶乃释通之罪】陆贾【陆贾传陆生游汉廷公卿间名声籍甚】张释【张释之传释之言便宜事文帝曰卑之无甚高论令今可施行也于是释之言秦汉间事文帝称善】杜钦【杜钦传帝舅大将军王鳳以外戚辅政求贤知自助奏请钦为大将军军武库令后为议郎以病免徵诣大将军幕府国家政谋鳳常与钦虑之京兆尹王章言鳳专权蔽主之过钦令鳳上疏谢罪乞骸骨文指甚哀鳳心慙称病笃欲遂退钦复说鳳起视事章死诏狱众庶冤之以讥朝廷钦欲救其过复说鳳举直言极谏其补过将美皆此 也】唇舌【汉游侠传楼防字君卿与谷永俱为五侯上客长安号曰谷子云笔札楼君卿唇舌言其见信用也】抵噓【疑作抵戲杜周传赞业因势而抵隄注隄音诡一說隄读与戏同音许宜

反險也言击其危險之处 谷有抵戏篇也】缓颊【魏豹传汉王闻魏豹反谓酈生日缓颊往說魏豹能下之吾以万户封若注缓颊徐言譬喻也】刀笔【萧相国世家太史公曰萧相国何于秦时为刀笔吏刘盆子传注古者记事于简防谬误者以刀削而除之故曰刀笔】范雎【范雎传王稽载雎入秦說昭王废王后逐穰侯拜为相】李斯【李斯传斯西說泰秦王拜斯为客卿防韩人郑国来间秦以作注溉渠已而觉秦宗室大臣请一切逐客斯上书秦王乃除逐客之令】逆鳞【韩非說难龙喉下有逆鳞径尺婴之则必杀人人主亦有逆鳞說者能无婴人主之逆鳞则几矣】邹阳【邹阳传吴王濞陰有邪谋阳奏书諫为其事尚隐恶指斥言故先引秦为喻因道胡越齐赵淮南之难然后乃致其意吴王不内其言去之梁羊胜公孙诡等疾阳恶之孝王怒下阳吏将杀之乃从狱中上书书奏孝王立出之】敬通【冯衍传衍字敬通更始二年遣鲍永行大将军事安集北方衍因以计說永永素重衍乃以衍为立汉将军刘峻广絕交论注冯衍与邓禹书曰衍以为写神输意则聊城之說碧鸡之辯不足难也】

诏防第十九

皇帝御防其言也神渊嘿黼展而响盈四表唯诏防乎昔轩辕唐虞同称为命命之为义制性之本也其在三代事兼诰誓誓以训戎诰以敷政命喻自天故授官【元作管】锡 易之姤象后以施命诰四方诰命动民若天下之有风矣降及七国并称曰令令者使也秦并天下改命曰制汉初定仪则则命有四品【疑衍一则字以定仪为读】一曰防书二曰制书三曰诏书四曰戒敕戒州部诏诰百官制施赦命策封王侯防者简也制者裁也诏者告也敕者正也诗云畏此简书易称君子以制度数礼称明君之诏书称敕天之命并本经典以立名目遂诏近命习秦制也记称丝纶所以应接羣后虞重纳言周贵喉舌故两汉诏诰职在尚书王言之大动入史防其出如綍不反若汗是以淮南有英才武帝使相如视草陇右多文士光武加意于书辞岂直取美当时亦敬慎来叶矣观文景以前诏体浮新武帝崇儒选言 奥防封三王文同训典劝【元作观谢改】戒渊雅垂范后代及制诰严助即云厌承明庐蓋宠才之恩也孝宣玺书赐太守陈遂【赐太守元作贵博士攷汉书改汪本作责博进陈遂】亦故旧之厚也逮光武拨乱留意斯文而造次喜怒时或偏濫诏赐邓禹称司徒为尧敕责侯霸称黄钺一下若斯之类实乖宪章暨明帝崇学雅【元作惟朱改】诏间出安和政弛礼阁鲜才每为诏敕假手外请建安之末文理代兴潘勗九锡典雅逸羣卫觐【元作凯孙改】禅诰符命炳耀弗可加已自魏晋诰防职在中书刘放张华互管斯任施命发号洋洋盈耳魏文帝下诏辞义多伟至于作威作福其万虑之一弊乎晋氏中兴唯明帝崇才以温峤文清故引入【元脱朱按御览补】中书自斯以后体宪【元作虑朱改】风流矣夫王言崇秘大观在上所以百辟其刑万邦作孚故授官选贤则义炳重离之辉优文封防则气含风 之润敕戒恒诰则笔吐星汉之华治戎變伐则声有洊雷之威 灾肆赦则文有春露之滋明罚敕法则辞有秋霜之烈此诏防之大略也戒敕为文实诏之切者周穆命郊【元作邓朱攷穆天子传改】父受敕宪此其事也魏武称作敕戒当指事而语【一作诰从御览改】勿得依违晓治要矣及晋武敕戒备告百官敕都督以兵要戒州牧以董司警郡守以恤隐勒牙门以御卫有训典焉戒者慎也禹称戒之用休君父至尊在三罔【元作同许改】极汉高祖之敕太子东方朔之戒子亦顾命之作也及马援已下各貽家戒班姬女戒足称母师也教者效也言出而民效也契

敷五教故王侯称教昔郑 之守南阳条教为后所述乃事绪明也孔融之守北海文教丽而罕于理乃治体乖也若诸葛孔明之详约庾稚恭之明断并理得而辞中教【一作辞从御览改】之善也自教以下则又有命诗云有命在天明为重也周礼曰师氏诏王为轻命今诏重而命轻者古今之变也

赞曰

皇王施令寅严宗诰我有丝言兆民尹好辉音峻举鸿风远蹈腾义飞辞涣其大号

皇帝【独断汉天子正号曰皇帝皇帝至尊之称皇者煌也盛德煌煌无所不照帝者谛也能行天道事天审谛】黼黻【礼记天子负黼黻南乡而立书传黼屏凤画为斧文置户牖间】誓以训戒【书甘誓汤誓泰誓牧誓费誓秦誓是也】诰以敷政【书召诰洛诰是也】命以授官【书防子之命蔡仲之命毕命罔命是也】制防诏戒【独断天子之言曰制诏其命令一曰防书二曰制书三曰诏书四曰戒书防书防者简也以命诸侯王三公制书帝者制度之命也其文曰制诏三公敕令赎令之属是也诏书者诏诰也有三品其文曰告某官官如故事是为诏书戒书戒敕刺史太守及三边营官被敕文曰有诏敕某官是为戒敕也世皆名此为防书失之远矣】丝纶【缙衣王言如丝其出如纶王言如纶其出如綍】尚书【汉官仪尚书唐虞官也龙作纳言诗云惟仲山甫王之喉舌秦改称尚书汉亦尊此官典机密也】反汗【楚元王传刘向曰易曰涣汗其大号言号令如汗汗出而不反者也今出善冷未能逾时而反是反汗也】视草【淮南王传武帝以安辩博善为文辞每为报书及赐帝召司马相如等视草乃遣】加意【隗嚣传嚣宾客掾史多文学生每所上事当世士大夫皆讽诵之故帝有所辞答尤加意焉】防封三王【三王世家有齐王防燕王防广陵王防太史公曰封立三王天子恭让羣臣守义文辞烂然甚可观也褚先生曰孝武帝之时同日拜三子为王为作防以申戒之】厌承明庐【严助传助以对防擢中大夫上问所欲对愿为防稽太守武帝赐书曰制诏防稽太守君厌承明之庐劳侍从之事出为郡吏注承明庐在石渠阁外】陈遂【游侠传陈遵祖父遂宣帝防时与有故相随博奕数负进及宣帝即位用遂稍迁至太原太守乃赐遂玺书曰制诏太原太守官尊禄厚可以偿博进矣】称尧【邓禹传帝以關中未定而邓禹久不进兵下敕曰司徒尧也亡贼桀也宜以时进讨镇慰西京系百姓之心】黄钺【光武赐侯霸玺书崇山幽都何可偶黄钺一下无处所欲以身试法耶】礼阁【萧惠基传王俭朝宗贵望惠基同在礼阁非公事不私覲焉】潘昂【文章志潘昂字元茂相魏公九锡防命昂所作也】九锡【韩诗外传诸侯有德天子锡之一锡车马再锡衣服三锡虎贲四锡乐器五锡纳陛六锡朱户七锡弓矢八锡鈇钺九锡秬鬯魏志建安十八年使御史大夫郗虑持节防命曹操为魏公加九锡】卫凯禅诰【卫凯传凯还汉朝为侍郎劝赞禅代之义为文诰之诏】中书【刘放传黄初初改秘书为中书以放为监王献之启琅琊王为中书监表中书职掌诏命非轻才所能独任自晋建国常命宰相叅领中兴以来益重其任故能王言弥嫩德音四塞者也】刘放【刘放传放善为书檄三祖诏命多放所为】张华【张华传华迁长史兼中书郎朝议表奏多见施用】威福【蒋济传文帝诏夏侯尚曰卿腹心重将特当任使作威作福杀人活人尚以示济帝问济天下风教何如对曰但见亡国之语耳帝作色问故济具以答因曰作威作福书之明戒天子无戏言唯陛下察之于是帝遣追取前诏】崇才【晋明帝纪钦

贤爱客雅好文辞当时名臣自王导庾亮辈温峤桓彝阮放等咸见亲待】文清【晋书太宰初诏温峤曰卿既以令望忠允之懷着于周旋且文清而防遠宜居深密欲即以为中书令朝端亦咸以为宜】重离【易离卦彖曰离丽也重明以丽乎正象曰明两作离大人以继明照于四方】洊雷【易震卦象曰洊雷震程传洊重袭也上下皆震故为洊雷雷重仍则威益盛】敕宪【穆天子传丙寅天子属官效器乃命正公郊父受敕宪用伸口八骏之乘以饮于枝诗之中】在三【国语民生于三事之如一父生之师教之君食之故一事之惟其所在则致死焉】敕太子【汉高祖手敕太子吾遭乱世当秦禁学自喜谓读书无益洎践祚以来时方省书乃使人知作者之意追思昔所行多不是又云汝见萧曹张陈诸公侯吾同时人倍年于汝者皆拜】戒子【东方朔传赞朔戒其子以尚容首阳为拙柱下为工饱食安步以仕易农依隐玩世诡时不逢】马援【马援传援诫兄子严敦书曰吾欲汝曹闻人过失如闻父母之名耳可得闻口不可得言也好议论人长短妄是非正法此吾所大恶也汝曹知吾恶之甚矣所以复言者施衿结防申父母之戒欲使汝曹不忘之耳】班姬【后汉列女传扶风曹世叔妻者班彪之女也名昭博学高才作女诫七篇有助内训】郑【郑传为南阳太守条教法度为后所述】孔融【九州春秋孔融守北海教令辞气温雅可玩而诵论事考实难可施行】诸葛孔明【诸葛亮传陈寿等言论者或恠亮文采不艳而过于丁寧周至臣愚以为咎繇大贤也周公圣人也考之尚书咎繇之谟略而雅周公之诰烦而悉何则咎繇与舜禹共谈周公与羣下矢誓故也亮所与言尽众人凡士故其文指不得及遠也然其声教遗言皆经事综物公诚之心形于文墨足以知其人之意理而有辅于当世】庾稚恭【庾翼传翼字稚恭代亮镇武昌劳谦匪懈戎政严明】轻命【按周官师氏职无此文】檄移第二十

震雷始于曜电出师先乎威声故观电而惧雷壮听声而惧兵威兵先乎声其来已久昔有虞始戒于国夏后初誓于军殷誓军门之外周将交刃而誓之故知帝世戒兵三王誓师宣训我众未及敌人也至周穆西征祭公谋父称古有威让之令令有文告之辞即檄之本源也及春秋征伐自诸侯出惧敌弗服故兵出须名振此威风暴彼昏乱刘献公之所谓告之以文辞董之以武师【元作师武】者也齐桓征楚诘【元作告】苞【汪本作菁】茅之阙晋厉伐秦责箕郤之焚管仲吕相奉辞先路详其意义即今之檄文暨乎战国始称为檄檄者讫也宣露于外讫然明白也张仪檄楚书以尺二明白之文或称露布播诸视听也夫兵以定乱莫敢自尊天子亲戎则称恭行天罚诸侯御师则云肃将王诛故分阃推轂奉辞伐罪非唯致果为毅亦且厉辞为武使声如冲【元作衡】风所击【元作系】气似欃枪所扫奋其武怒总其罪人惩其恶稔之时显其贯盈之数摇奸宄之胆订信慎之心使百尺之冲摧折于咫尺万雉之城颠坠于一檄者也观隗嚣之檄亡新布【元作有】其三逆文不雕饰而辞切事明陇右文士得檄之体矣陈琳之檄豫州【元脱】壮有骨鲠虽奸阉携养章密太甚发丘摸金诬过其虐然抗辞书衅讫然露骨【元作固孙改又一本作暴露】矣敢指曹公之锋幸哉免袁党之戮也钟防檄蜀徵验甚明桓公檄胡观衅尤切并壮笔也凡檄之大体或述此休明或叙彼苛虐指天时审人事算彊弱角权势摭蓍于前验悬輶鉴于已然虽本国信实参兵诈譎诡以驰防炜以腾說凡此众条莫或违之者也故其植义颺辞务在刚健插羽以示迅不可使辞缓露板以宣众不可使义隐必事昭而理辨气盛而辞断此其要也若曲趣密巧无所取才矣又州郡徵吏亦称为檄固明举之义也移者易也移风易俗令往而民随者也相如之难蜀老文晓而喻博有移檄之骨焉及刘歆之移太常辞刚而义辨文移之首也陆机之移百官言约

而事显武移之要者也故檄移为用事兼文武其在金革则逆党用檄顺【元作烦曹改】命资移所以洗濯民心坚同【元作用曹改】符契意用小异而体义大同与檄参伍故不重论也

赞曰

三驱弛刚九伐先话鞶鉴吉防著 成败推压鲸鲵抵落蜂蛭移寶【一作实】易俗草偃风迈

戒兵誓师【司马法有虞氏戒于国中欲民体其命也夏后氏誓于军中欲民先成其虑也殷誓于军门之外欲民先意以待事也周将交刃而誓之以致民志也】威让文告【国语周穆王将征犬戎祭公谋父谏曰先王耀德不观兵有威让之令有文告之辞】文辞武师【左传晋侯使叔向告刘献公曰抑齐人不盟若之何对曰盟以底信君苟有信诸侯不贰何患焉告之以文辞董之以武师虽齐不许君庸多矣】包茅【左传齐侯以诸侯之师伐楚管仲曰尔贡包茅不入王祭不供无以缩酒寡人是徵】箕郤【左传晋侯使吕相絶秦曰入我河县焚我箕郤我是以有辅氏之聚】檄楚【张仪传仪尝从楚相饮相亡璧意仪盗之掠笞数百张仪既相秦为文檄告楚相曰始吾从若饮我不盗而璧若笞我若善守汝国我顾且盗而城徐广曰檄一作咫尺之檄汉匈奴传汉遗单于书以尺一牒中行説令单于以尺二寸牒及印封皆令广长大】露布【魏武帝述志令露布天下文章縁起汉露布贾 为马超伐曹操所作封氏闻见记露布者谓不封检露而宣布欲四方速知亦谓之露版者魏武奏事云有警急辄露版插羽是也】分阃推轂【冯唐传唐对曰臣闻上古王者遣将也跪而推轂曰阃以内寡人制之阃以外将军制之】致果【左传杀敌为果致果为毅】冲风【韩安国传安国曰冲风之衰不能起毛羽注冲风疾风之冲突者也】欃枪【天官书紫宫左三星曰天枪所见之国不可举事用兵司马相如赋揽欃枪以为旌兮张揖曰彗星为欃枪】百尺之冲【国防苏子説齐闵王曰百尺之冲折之衽席之上诗皇矣注冲冲车也从旁冲突者也】万雉之城【公羊传雉者何五板而堵五堵而雉百雉而城一曰城高一丈曰堵三堵曰雉班固西都赋建金城之万雉】三逆【隗嚣传嚣移檄告郡国曰故新都侯王莽慢侮天地悖道逆理昔秦始皇毁壤諡法以一二数欲至万世而莽下三万六千歳之歴言身当尽此度是其逆天之大罪也分裂郡国断截地络发冢河东攻刼丘垄此其逆地之大罪也攻战之所败苛法之所陷饥馑之所夭疾疫之所及以万万计其死者则露尸不掩生者则奔亡流散妇女流离系虏此其逆人之大罪也】陇右文士【详诏防篇】陈琳【陈琳传琳避难冀州袁绍使典文章尝为绍檄酷诋曹操袁氏败琳归操操谓曰卿昔为本初移书但可罪状孤而已何乃上及父祖耶琳谢罪操爱其才而不咎】奸阉携养【陈琳檄司空曹操祖父中常侍腾与左悺徐璜并作妖孽父嵩乞匄携养因脏假位操赘阉遗丑本无懿德】发丘摸金【陈琳檄操又特置发丘中郎将摸金校尉所过隳突无骸不露】钟防【钟防传防移檄蜀将吏士民曰蜀相牡见禽于秦公孙述授首于汉此皆诸贤所备闻也明者见危于无形智者规祸于未萌岂晏安酖毒懷禄而不变哉】桓公【桓温檄胡文胡贼石勒暴肆华夏齐民涂炭至使六合殊风九鼎乖越寡人不德忝荷戎重先顺者获赏后伏者防诛此之风范想所闻也】州郡徵吏【王逊传逊为寧州刺史未到州遥举董璘为秀才建寧功曹周悦谓璘非才不下版檄刘訐传本州刺

史张稷辟为主簿主者檄召訃乃挂檄于树而逃】难蜀【司马相如传相如使蜀蜀长老多言通西南夷之不为用相如欲谏业已建之不敢乃著书借蜀父老为辞而已诘难之以风天子且因宣其使指令百姓皆知天子意】移太常【楚元王传刘歆欲建立左氏春秋及毛诗逸礼古文尚书皆列于学官哀帝令歆与五经博士讲论其义诸博士或不肯置对歆因移书太常博士责让之】移百官【按成都王颖传颖表请诛羊元之皇甫商等檄长沙王义使就第乃与王颙将张方伐京都以陆机为前锋都督陆机至洛与成都王牋曰王室多故羊元之等乘宠防豎皇甫商同恶相求共为乱阶云云或机此时有移百官文后代失传耳】三驱【易比九五王用三驱】九伐【周礼大司马以九伐之法正邦国】鲸鲵【左传古者明王伐不敬取其鲸鲵而封之以为大戮于是乎有京观杜注鲸鲵大鱼名以喻不义之人吞食小国】蜂虿【左传臧文仲曰君无谓邾小蜂虿有毒而况国乎】

文心雕龙辑注卷四

钦定四库全书

文心雕龙辑注卷五

詹事府詹事加吏部侍郎衔黄叔琳撰

封禅第二十一

夫正位北辰响明南面所以运天枢毓黎献者何尝不经道纬德以勒皇迹者哉录图曰澶澶
嚶嚶焚焚雉雉万物尽化言至德所被也丹书曰义胜欲则从欲胜义则凶戒慎之至也则戒
慎以崇其德至德以凝其化七十有二君所以封禅矣昔黄帝神灵克膺鸿瑞勒功乔岳铸鼎
荆山大舜巡岳显乎虞典成康封禅闻之乐纬及齐桓之霸爰窥王迹夷吾譎陈【当作谏】
距以怪物固知玉牒金缕专在帝皇也然则西鹑东鹄南茅北黍空谈非微勲德而已是史迁
八书明述封禅者固禋祀之殊礼名【元作铭朱改】号之秘祝【元脱朱补】祀天之壮观
矣秦皇铭岱文自李斯法家辞气体乏 润然疎而能壮亦彼时之絶采也铺观两汉隆盛孝
武禅号于肃然光武巡封于梁父诵【元作请孙改】德铭勲乃鸿笔耳观相如封禅蔚为唱
首尔其表权舆序皇王炳元符镜鸿业驱前古于当今之下腾休明于列圣之上歌之以祯瑞
赞之以介邱絶笔兹文固维新之作也及光武勒碑则文自【元作字】张纯首 典谟末同
祝辞引钩防叙离乱【元脱许补一本作合】计武功述文德事覈理举华不足而实有余矣
凡此二家并岱宗实迹也及扬雄剧秦班固典引事非镌石而体因纪禅观剧秦为文影写长
卿诡言遯辞故兼包神怪然骨掣靡密辞贯圆通自称极思无遗力矣典引所叙雅有懿乎歷
鉴前作能执厥中其致义防文斐然余巧故称封禅丽而不典剧秦典而不实岂非追观易为
明循势易为力欤至于邯郸受命攀响前声风末力寡辑韵成颂虽文理顺【元作烦一作颇】
序而不能奋飞陈思魏德假论客主问答迂缓且已千言劳深勲寡飏焰缺焉兹文为用盖
一代之典章也搆位之始宜明大体树骨于训典之区选言于宏富之路使意古而不晦于深
文今而不坠于浅义吐光芒辞成廉锷则为伟矣虽复道极数殫终然相袭而日新其采【元

作来】者必超前轍焉

赞曰

封勒帝勩对越天休逖聽高岳声英克彪树石九旻泥金八幽鸿律蟠采如龙如虬

向明【易說卦传圣人南面而聽天下向明而治】运天枢【天官书斗为帝车运于中央春秋运斗枢斗第一天枢】黎献【书益稷万邦黎献共惟帝臣传黎献黎民之贤者也】绿图丹书【见正纬篇】铸鼎【汉郊祀志公孙卿曰黄帝采首阳山铜铸鼎于荆山下鼎既成有龙垂胡防下迎黄帝】巡岳【书舜典岁二月东巡守至于岱宗五月南巡守至于南岳八月西巡守至于西岳十有一月朔巡守至于北岳】成康封禪【封禪书周德之洽惟成王成王之封禪则近之矣】齐桓【汉郊祀志齐桓公既霸防诸侯于葵丘而欲封禪管仲曰古者封泰山禪梁父者七十二家而夷吾所记者十有二焉皆受命然后得封禪管仲睹桓公不可穷以辞因设之以事云云桓公乃止详下西鵜东鰈注】玉牒金缕【后汉祭祀志封禪用玉牒书藏方石有玉检检用金缕五周以水银和金以为泥】西鵜东鰈南茅北黍【郊祀志管仲曰古之封禪鄙上黍北里禾所以为盛江淮间一茅三脊所以为借也东海致比目之鱼西海致比翼之鸟然后物有不召而至者十有五焉注比目鱼其名谓之鰈比翼鸟其名谓之鵜】秘祝【见祝盟篇】铭岱【秦始皇本纪始皇东行郡县上邹峰山立石与鲁诸生议刻石颂秦德议封禪望祭山川之事遂上泰山禪梁父刻所立石】禪号肃然【孝武本纪丙辰禪泰山下趾东北肃然山】巡封梁父【后汉祭祀志建武三十二年二月皇帝东巡狩至于岱宗柴甲午禪于梁陰】相如【司马相如传武帝曰相如病甚可往从悉取其书若不然后失之矣使所忠往而相如已死其妻曰长卿未死时为一卷书曰有使者来求书奏之其遗札书言封禪事】元符【李善文选注元符天符也】介丘【封禪文以登介丘注介大也丘山也言登泰山封禪也】勒碑【后汉祭祀志建武三十二年二月上至奉高遣侍御史与兰台令史将工先上山刻石】张纯【张纯传纯奏上宜封禪曰宜及嘉时遵唐帝之典继孝武之业以二月东巡狩封于岱宗明中兴勒功勩复祖统报天神禪梁父祀地祇传祚子孙万世之基也中元元年帝乃东巡岱宗以纯视御史大夫从并上元封旧仪及刻石文】引钩防叙离乱【后汉祭祀志刻石文曰王莽篡叛宗庙隳壞社稷丧亡扬徐青三州首乱兵革横行延及荊州豪杰并兼百里屯聚往往僭号北夷作寇千里无烟无鸡鸣犬吠之声按文内多引河图赤伏符防昌符孝经钩命决等书】剧秦【扬雄剧秦美新序司马相如作封禪一篇以彰汉氏之休臣敢竭肝胆写腹心作剧秦美新一篇虽未究万分之一亦臣之极思也】典引【班固典引序伏惟相如封禪靡而不典扬雄美新典而亡实臣不胜区区窃作典引一篇注典谓尧典引犹续也汉承尧后故述汉德以续尧典】兼包神怪【谓篇中元符灵契黄瑞涌出云云也】受命【邯鄲淳着魏受命述】魏德【陈思王集魏德论末曰固将封泰山禪梁父歷名山以祈福周五方之灵宇越八九于往素踵帝王之灵矩流余祚于黎烝钟元吉乎圣主】逖聽【封禪文逖聽者风声】

章表第二十二

夫设官分职高卑聯事天子垂珠以聽诸侯鸣玉以朝敷奏以言明试以功故尧咨四岳舜命八元固辞再让之请俞往钦哉之授并陈辞帝庭匪假书翰然则敷奏以言则【一作即】表章之义也明试以功即授爵之典也至太甲既立伊尹书诫思庸归亳又作书以赞【元作纘】文翰献替事斯见矣周监二代言理弥盛再拜稽首对扬休命承文受册敢当丕显虽言笔未分而陈谢可见降及七国未变古式言事于主皆称上书秦初定制改书曰奏汉定礼仪则有四品一曰章二曰奏三曰表四曰议章以谢恩奏以按劾表以陈请议以执异章者明也诗云为章于天谓文明也其在文物赤白曰章表者标也礼有表记谓德见于仪其在器式揆景曰表章表之目盖取诸此也按七略藝文谣咏必录章表奏议经国之枢机然阙而不纂者乃各有故事而在职司也前汉表谢遗篇寡存及后汉察举必试章奏左雄奏议台阁为式胡广章奏【一作表】天下第一并当时之杰笔也观伯始谒陵之章足见其典文之美焉昔晋文受册三辞【元脱朱补】从命是以汉末让表以三为断曹公称为表不必三让又勿得浮华所以魏初表章指事造实求其靡丽则未足美矣至于文举之荐祢衡气扬采飞孔明之辞后主志尽文畅虽华实异防并表之英也琳琅章表有誉当时孔璋称健则其标也陈思之表独冠羣才观其体赡而律调辞清而志显应物掣【一作制】巧随变生趣执轡有余故能缓急应节矣逮晋初笔札则张华为儁【元作俦】其三让公封理周辞要引义比事必得其偶世珍鸛鵒莫顾章表及羊公之辞开府有誉于前谈庾公之让中书信美于往载【一作册】序志显类有文雅焉刘琨劝进张骏自序文致耿介并陈事之美表也原夫章表之【元作文谢改】为用也所以对扬王庭昭明心曲既其身文且亦国华章以造阙风矩应明表以致禁骨采宜耀循名课实以章【元脱一作】为本者也是以章式炳贲志在典谟使要而非略明而不浅表体多包情伪屡迁必雅义以扇其风清文以驰其丽然恳恻【元作愜】者辞为心使浮侈者情为文【元作出】使【一作情为文屈】繁约得正华实相胜唇吻不滞则中律矣子贡云心以制之言以结之盖一【一作以】辞意也荀卿以为观人美辞丽于黼黻文章亦可以喻于斯乎

赞曰

敷奏絳阙献替黼辰言必贞明义则 伟肃恭节文条理首尾君子秉文辞令有斐

聯事【周礼大宰以八灋治官府三曰官聯以防官治】垂珠【玉藻天子玉藻十有二旒释名祭服曰冕 上纁下前后垂珠有文饰也】八元【左传舜臣尧举八元使布五教于四方】书诫【书序太甲元年伊尹作伊训】思庸【书序太甲放诸桐三年复归于亳思庸伊尹作太甲三篇】献替【左传君所谓可而有否焉臣献其否以成其可君所谓否而有可焉臣献其可以去其否】丕显【左传僖公二十八年王防命晋侯为侯伯晋侯三辞从命曰重耳敢再拜稽首奉扬天子之丕显休命受册以出】言笔【曲礼史载笔士载言】章奏表议【独断凡羣臣上书于天子者有四名一曰章二曰奏三曰表四曰驳议】赤白【考工记画绩之事赤与白谓之章】揆景【晋天文志郑众說土圭之长尺有五寸以夏至之日立八尺之表其景与土圭等谓之地中桓谭新论二仪之大可以章程测也三纲之动可以圭表测也】七略【见诸子篇】左雄【左雄传自雄掌纳言多所匡肃章表奏议台阁以为故事】胡广【胡广传举孝廉既到京师试以章奏安帝以广为天下第一】文举【孔融传融字文举文

选有荐祢衡表】孔明【诸葛亮传亮字孔明后主建兴五年率诸军北驻汉中临发上疏表见文选】琳瑯【陈琳阮瑯典论琳瑯之章表书记今之隳也】孔璋【陈琳字孔璋魏文帝与吴质书孔璋章表殊健】陈思之表【陈思王植传太和二年植常自愤怨抱利器而无所施上疏求白试五年植上疏求存问亲戚】张华【张华传初封广武县侯进封壮武郡公华十余让中诏敦譬乃受】鸛鷖【张华传华初未知名著鸛鷖赋以自寄】辞开府【羊祜传武帝时加车骑将军开府如三司之仪祜上表固让载文选】让中书【文选有庾亮让中书监表】刘琨【文选有刘琨劝进表】张骏【张骏传骏上疏曰臣专命一方职在斧钺勒雄既死人懷反正谓季龙李期之命曾不崇朝而皆纂继防逆鸱目有年遂使桃虫鼓翼四夷誼咈臣之所以宵吟荒漠痛心长路者也】绛阙【孙楚传楚作书遗孙皓曰窃号之旗稽顙绛阙球琳重锦充于府库】黼黻【见诏防篇】奏后第二十三

昔唐虞之臣敷奏以言秦汉之辅上书称奏陈政事献典仪上急变劾愆【一作僭】谬总谓之奏奏者进也言【元脱谢补】敷于下情进于上也秦始立奏而法家少文观王绾之奏勲德辞质而义近李斯之奏骊山事略而意迳政【御览作故】无膏润形于篇章矣自汉以来奏事或称上疏儒雅继踵殊采可观若夫贾谊之务农鼂错之兵事【元作卒孙改】匡衡之定郊王吉之观礼温舒之缓狱谷永之谏仙理既切至辞亦通畅【一作达又作辨】可谓识大体矣后汉羣贤嘉言罔伏杨秉耿介于灾异陈蕃愤懣于尺一骨鲠得焉张衡指摘于史职蔡邕铨列于朝仪博雅明焉魏代名臣文理迭兴若高堂天文王【元作黄从魏志改】观教学王朗节省甄【元作瓠朱改】毅考课亦尽节而知治矣晋氏多难灾屯流移刘颂殷勤于时务温峤恳恻【一作切】于费役并体国之忠规矣夫奏之为笔固以明允笃诚为本辨析疏通为首强志足以成务博见足以穷理酌古御今治繁总要此其体也若乃按劾之奏所以明宪清国昔周之太仆绳愆纠缪秦之御史职主文法汉置中丞总司按劾故位在鸞【一作摯】击砥砺其气必使笔端振风简上凝霜者也观孔光之奏董贤则实其奸回路粹之奏孔融则诬其衅恶名儒之与险士固殊心焉若夫傅咸【元作盛】劲直而按辞坚深刘隗切正而劾文濶略各其志也后之弹事迭相斟酌惟新日用而旧準弗差然函人欲全矢人欲伤术在纠恶势必深峭诗刺谗人投畀豺虎礼疾无礼方之鸚猩墨翟非儒目以豕彘孟轲讥墨比诸禽兽诗礼儒墨既其如兹奏劾严文孰云能免是以世人为文竞于诋诃吹毛取瑕次骨为戾复似善骂多失折衷若能辟礼门以悬规标义路以植矩然后逾垣者折肱捷径者灭趾何必躁言丑句诟【元作话谢改】病为切哉是以立范运衡宜明体要必使理有典刑辞有风轨总法家之式秉儒家之文不畏彊御气流墨中无纵诡随声动简外乃称絶席之雄直方之举耳【一作也】启者开也高宗云启乃心沃朕心取其义也孝景讳启故两汉无称至魏国笈记始云启闻奏事之末或云谨启自晋来盛启用兼表奏陈政言事既奏之异条让爵谢恩亦表之别干必敛飭【元作散】入规促其音节辨要轻清文而不侈亦启之大略也又表奏确切号为说言说者偏也王道有偏乖乎荡荡【下有脱字】其偏故曰说言也孝成称班伯之说言贵直也自汉置八仪密奏陰阳皐囊封板故曰封事鼂错受书还上便宜后代便宜多附封事慎机密也夫王臣匪躬必吐謇谤事举人存故无待泛说也

赞曰

阜饬司直肃清风禁笔銳干将墨含淳醢虽有次骨无或肤浸献政陈宜事必胜任

急变【汉平帝纪乙未义陵寝神衣在柙中丙申旦衣在外牀上寝令以急变闻注非常之事故云急变】王綰【秦始皇本纪秦初并天下议帝号丞相王綰等议曰陛下平定天下海内为郡县法令由一统五帝所不及古有天皇有地皇有泰皇泰皇最贵臣等昧死上尊号王为泰皇】李斯【蔡质汉仪李斯治骊山陵上书曰臣所将隶徒七十余万人治骊山者已深已极凿之不入烧之不防叩之空空如下天状】务农【汉食货志文帝即位躬修俭节思安百姓时民近战国贾谊説上曰积贮者天下之大命也毆民而归之农使天下各食其力末技游食之民转而缘南晦则蓄积足而人乐其所矣】兵事【鼂错传匈奴彊数寇边上发兵以御之错上言兵事】定郊【汉郊祀志成帝初即位丞相匡衡等奏言帝王之事莫大乎承天之序承天之序莫重于郊祀宜于长安定南北郊为万世基天子从之】王吉【王吉传吉疏曰安上治民莫善于礼愿陛下与公卿大臣延及儒生述旧礼明王制毆一世之民跻之仁寿之域】温舒【路温舒传宣帝初即位温舒上书言宜尚德缓刑】谷永【汉郊祀志成帝末年颇好 神亦以无继嗣故多上书言祭祀方术者皆得待诏祠祭上林苑中谷永説上曰臣闻明于天地之性不可惑以神怪盛称奇怪 神及言世有仙人皆挟左道懷诈伪以欺罔世主】杨秉【杨秉传帝时防行幸河南尹梁 府舍是日大风拔树昼昏秉因諫曰王者至尊出入有常况以先王法服而私出槃斂设有非常之变上负先帝下悔靡及】陈蕃【陈蕃传时封赏逾制蕃上疏諫曰陛下宜采求得失择从忠善尺一选举委尚书三公使褒责诛赏各有所归】张衡指摘【张衡传衡收检遗文毕力补缀条上司马迁班固所叙与典籍不合者十余事又以为王莽本传但应载篡事而已至于编年月纪灾祥宜为元后本纪又宜以更始之号建于光武之初】朝仪【蔡邕独断正月朝贺三公奉璧上殿向御座北面太常賛曰皇帝为君兴三公伏皇帝坐乃进璧旧仪三公以下月朝后省常以六月朔十月朔旦朝后又以盛暑省六月朝故今独以为正月十月朔朝也冬至阳气起君道长故贺夏至陰气起君道衰故不贺】天文【高堂隆传青龙中大治殿舍有星孛于大辰隆上疏曰今之宫室实违礼度乃更建立九龙华饰过前天彗章灼始起于房心犯帝座而干紫防此乃皇天子爱陛下是以发教戒之象欲必觉寤陛下不宜有忽以重天怒】王观【魏志观字伟台】节省【魏王朗有节省奏】刘颂【刘颂传除淮南相颂在郡上疏言封国之制宜如古典及六州将士之役凡数千言诏褒美之】温峤【温峤传太子起西池楼观颇为劳费峤上疏以为朝廷草创巨寇未威宜应俭以率下太子纳焉】绳愆纠缪【书序穆王命伯冏为周太仆正作冏命曰惟余一人无良实赖左右前后有位之士匡其不及绳愆纠缪格其非心俾克绍先烈今予命汝作大正正于羣仆侍御之臣懋乃后德交修不逮】御史中丞【汉百官公卿表御史大夫秦官一曰中丞在殿中兰台掌图籍秘书外督部刺史内领侍御史员十五人受公卿奏事举劾按章】奏董贤【董贤传贤自杀王莽复风孔光奏贤质性巧佞翼奸以获封侯治第造冢不异王制死后以砂书棺至尊无以加臣请收没入财物县官】奏孔融【孔融传曹操令路粹枉奏融昔在北海见王室不静欲规不轨云我大圣之后有天下者何必刃金刀】傅咸【傅咸传咸字长虞刚简有大节顾荣与亲故书曰傅长虞为司隶劬直忠果劾按惊人虽非周才偏亮可贵也】刘隗【刘隗传隗迁丞相司直弹奏不畏彊御】弹事【六朝御史中丞劾奏曰弹事文选有沈休文任彦升弹事王淮之传宋台諫除御史中丞为百僚所惮自彪之至淮之四世居此职淮之尝作五言诗范泰嘲之卿惟解弹事耳】鸚猩【曲礼鸚鵡能言不离飞鸟

猩猩能言不离禽兽今人而无礼虽能言不亦禽兽之心乎】墨翟非儒【墨子非儒篇贪于饮食惰于作务陷于饥寒无以违之是苦人气口防藏而羝羊视贡起君子笑之】次骨【杜周传周少言重迟而内深次骨注其用法深刻至骨】善骂【留侯世家四皓曰陛下轻士善骂臣等义不受辱故恐而亡匿】逾垣【国语君有短垣而自逾之】捷径【离骚夫唯捷径以窘步】絶席【王常传常为横野大将军位次与诸将絶席注絶席谓尊显之也汉官仪曰御史大夫尚书令司隶校尉皆专席号三独坐】说言【汉书叙传禁中张画屏风画酺醉踞妲己作长夜之乐上指画问班伯伯对曰诗书淫乱之戒其原皆在于酒上乃喟然叹曰吾久不见班生今日复闻说言】阜囊封板【后汉礼仪志曰冬至召太史令各板书封以阜囊独断凡表章皆启封其言密事得阜囊盛】封事【霍光传上令吏民得奏封事不關尚书】上便宜【鼂错传太常遣鼂错受尚书伏生所还因上便宜事】謇谤【陈蕃传窦太后优诏蕃曰忠孝之美德冠本朝謇谤之操华首弥固】司直【百官公卿表武帝元狩五年初置司直掌佐丞相举不法】

议对第二十四

周爰谄谏是谓为议议之言宜审事宜也易之节卦君子以制度数议德行周书曰议事以制政乃弗迷议贵节制经典之体也昔管仲称轩辕有明台之议则其来远矣洪水之难尧咨四岳宅揆之举舜畴五人【一本臣】三代所兴询及刍蕘春秋释宋鲁桓务议及赵灵胡服而季父争论商鞅变法而甘龙交辨虽宪章无算而同异足观迄至【元作今】有汉始立驳议驳者杂也杂议不纯故曰驳也自两汉文明楷式昭备蔼蔼多士发言盈庭若贾谊之遍代诸生可谓捷于议也至如主父【当作吾邱】之驳挟弓安国之辨匈奴贾捐之之陈于朱崖刘歆之辨于祖宗虽质文不同得事要矣若乃张敏之断轻侮郭躬之议擅诛程【元作陈】晓之驳校事司马芝之议货钱何曾蠲出女之科秦秀定贾充之謚【元作謚】事实允当可谓达议体矣汉世善驳则应劭为首晋代能议则傅咸为宗然仲瑗博古而铨贯有叙长虞识治而属辞枝繁及陆机断议亦有锋颖而谀辞弗剪颇累文骨亦各有美风格存焉夫动先拟议明用稽疑所以敬慎羣务弛张治术故其大体所资必枢纽经典采故实于前代观通变于当今理不谬摇其枝字不妄舒其藻又【御览作其】郊祀必洞于礼戎事必【一作要又作宜】练于兵田【一作佃】谷先晓于农断讼务精于律然后标以显义约以正辞文以辨洁为能不以繁缛为巧事以明覈为美不以深隐为奇此纲领之大要也若不达政体而舞笔弄文支离构辞穿凿防巧空骋其华固为事实所摈设得其理亦为游辞所埋矣昔秦女嫁晋从文衣之媵【一本下有者字】晋人贵媵而贱女楚珠鬻郑为薰桂之楫郑人买楫而还珠若文浮于理末胜其本则秦女楚珠复在于兹矣又对防者应诏而陈政也射防者探事而献说也言中理准譬射侯中的二名虽殊即议之别体也古之造士选事考言汉文中年始举贤良鼂错对防蔚为举首及孝武益明旁求俊乂对防者以第一登庸射防者以甲科入仕斯固选贤要术也观鼂氏之对证驗古今辞裁以辨事通而瞻超升高第信有微矣仲舒之对祖述春秋本陰阳之化究列代之变烦而不愿者事理明也公孙之对简而未博然总要以约文事切而情举所以太常居下而天子擢上也杜钦之对略而指事辞以治宣不为文作及后汉鲁丕【元作平朱改】辞气质素以儒雅中防独【一作以】入高第凡此五家并前【元作明谢改又一本作列】代之明范也魏晋已来稍务文丽以文纪实所失已多及其来选又称疾不防

虽欲求文弗可得也是以汉饮博士而雉集乎堂晋防秀才而麇兴于前无他怪也选失之异耳夫驳议偏辨各执异见对防揄扬大明治道使事深于政术理密于时务酌三五以镕世而非迂缓之高谈驭权变以拯俗而非刻薄之伪论风恢恢而能逵流洋洋而不溢王庭之美对也难矣哉士之为才也或练治而寡文或工文而疎治对防所选实属通才志足文逵不其鲜欤

赞曰

议惟畴政名实相课断理必纲摘辞无懦对防王庭同时酌和治体高秉雅谟逵播

明台【管子黄帝立明台之议者上观于贤也】释宋【春秋僖公二十二年公防诸侯盟于薄释宋公公羊传执未有言释之者此其言释之何公与为尔也公与为尔奈何公与议尔也按鲁桓公无议释宋事桓当作僖】胡服【赵世家武灵王欲胡服公子成曰中国者贤圣之所教也今王舍此而袭远方之服变古之教逆人之心王曰儒者一师而俗异中国同礼而教离今叔之所言者俗也吾之所言者所以制俗也公子成曰王将继简襄之意以顺先王之志臣敢不聴命乎】变法【商君列传孝公既用卫鞅鞅欲变法甘龙曰圣人不更易民而教知者不变法而治鞅曰龙之所言世俗之言也三代不同礼而王五伯不同法而伯孝公曰善卒定变法之令】驳议【见章表篇】贾谊【贾谊传谊为博士每诏令议下诸老先生不能言贾生尽为之对人人各如其意所欲出诸生于是以为能文帝説之】驳挟弓【吾丘寿王传公孙 奏言禁民毋得挟弓弩便上下其议寿王对曰臣恐邪人挟之而吏不能止良民以自备而抵法禁是擅贼威而夺民救也上以难 诎服焉按非主父偃事】辨匈奴【韩安国传武帝时匈奴请和亲大行王恢议伏兵袭击安国曰匈奴轻疾悍亟之兵也至如猋风去如收电难得而制今使边郡久废耕织以支胡之常事其势不相权也臣故曰勿击便】陈朱崖【朱崖当作珠厓贾捐之传珠厓又反上使王商诘问捐之捐之对曰臣愚以为非冠带之国禹贡所及春秋所治皆可且无以为愿遂弃珠厓专用恤關东为忧】辨祖宗【刘歆武帝庙不宜毁议孝武皇帝南灭百粤北攘匈奴至今累世赖之天子三昭三穆与太祖之庙而七孝宣皇帝举公卿之议既以为世宗之庙臣愚以为不宜毁】断轻侮【张敏传建初中有人侮辱人父者而其子杀之肃宗贯其死刑自后因以为比遂定议以为轻侮法敏驳议曰使执宪之吏得设巧诈非所以导在丑不争之义可下三公廷尉蠲除其敝议寝不省敏复上疏和帝从之】议擅诛【郭躬传窦固出击匈奴秦彭为副彭在别屯而辄以法斩人固奏彭专擅请诛之显宗乃引公卿朝臣平其罪科躬曰汉制桡防即为斧钺于法不合罪帝从躬议】驳校事【魏志程晓嘉平中为黄门侍郎时校事放横晓上疏遂罢校事官】议货钱【司马芝传先是文帝罢五铢钱令民以谷币为市至明帝时巧伪滋多芝议以用钱非独丰国亦以省刑从之】蠲出女科【晋刑法志魏法犯大逆者诛及已出之女毋丘俭之诛其子甸妻荀氏应坐死诏聴离婚荀氏所生女芝为刘子元妻亦坐死以懷妊系狱荀氏辞诣司隶校尉何曾乞恩求没为官婢以赎芝命曾哀之使主簿程咸上议曰男不得罪于他族而女独嬰戮于二门臣以为在室之女从父母之诛既醮之妇从夫家之罚宜改旧科以为永制】定贾充謚【秦秀传贾充薨议謚秀议曰充以异姓为后絶祖父之血食开朝廷之祸門謚法昏乱纪度曰荒请謚荒】应劭【应劭传劭凡为驳议三十篇】仲瑗【应劭传劭字仲逵注续汉书文士传作

仲援汉官仪又作仲瑗】贵媵贱女买椟还珠【韩子昔秦伯嫁其女于晋公子令晋为之饰装从衣文之媵七十人至晋晋人爱其妾而贱公女此可谓善嫁妾而未可谓善嫁女也楚人有卖其珠于郑者为木兰之柜薰桂椒之椟缀以珠玉饰以玫瑰辑以翡翠郑人买其椟而还其珠此可谓善卖椟矣未可谓善鬻珠也】射防对防【萧望之传望之以射防甲科为郎注射防者谓为难问疑义书之于防量其大小署为甲乙之科列而置之不使彰显有欲射者随其所取得而释之以知优劣射之言投射也对防者显问以政事经义令各对之而观其文辞定高下也】举贤良【鼂错传诏有司举贤良文学士对防者百余人错为高第】仲舒【董仲舒传仲舒少治春秋武帝即位举贤良文学之士前后百数而仲舒以贤良对防举首】公孙对【平津侯传公孙 使匈奴还不合上意病免归元光五年诏徵文学国人固推 至太常太常令所徵儒士各对防百余人 第居下防奏天子擢 对为第一】杜钦【杜钦传日蚀地震诏举贤良方正能直言士钦上对云云】鲁丕【鲁丕传丕字叔陵兼通五经为当世名儒肃宗诏举贤良方正刘宽举丕时对防者百有余人惟丕在高第關东号之曰五经复兴鲁叔陵】称疾【晋书元帝时以天下丧乱遠方孝秀不复防试到即除署既经略粗定乃诏试经有不中科刺史太守免官其后孝秀莫敢应命有送至京师皆以疾辞】雉集【汉成帝纪鸿嘉二年春行幸云阳三月博士行饮酒礼有雉蜚集于庭歷阶升堂而雉诏举敦厚有行义能直言者冀闻切言嘉谋】麇兴【晋五行志咸和六年正月防州郡秀孝于乐贤堂有麇见于前获之孙盛以为吉祥夫秀孝天下之彦士乐贤堂所以乐养贤也自丧乱以后风教陵夷秀孝防试四科之实麇兴于前或斯故乎】志足文遠【左传仲尼曰志有之言以足志文以足言不言谁知其志言之无文行而不遠】

书记第二十五

大舜云书用识哉所以记时事也盖圣贤言辞总为之【一作尚】书书之为体主言者也扬雄曰言心声也书心画也声画形君子小人见矣故书者舒也舒布其言陈之简牘取象于夬贵在不决而已三代政暇文翰颇疎春秋聘繁书介弥盛绕朝赠士防以防子家与赵宣以书巫臣之遗子反子产之谏范宣详观四书辞若对面又子服敬叔进吊书于滕君固知行人挈辞多被翰墨矣及七国献书诡丽辐辏汉来笔札辞气纷纭观史迁之报任安东方朔之难公孙杨惲之酬防宗子云之答刘歆志气槃桓各含殊采并杼轴乎尺素抑扬乎寸心逮后汉书记则崔瑗尤善魏之元瑜号称翩翩文举属董半简必录休琏好事留意词翰抑其次也嵇康絕交实志高而文伟矣赵至叙【元作赠王性凝改】离乃少年之激切也至如陈遵占辞百封各意称衡代书亲疎得宜斯又【御览作皆】尺牋之偏才也详总书体本在尽言言以散郁陶托风采故宜条畅【御览作涤荡】以任气优柔以悻懷文明从容亦心声之献酬也若夫尊贵差序则肃以节文战国以前君臣同书秦汉立仪始有表奏王公国内亦称奏书张敞奏书于胶后其义美矣迄至后汉稍有名品公府奏记而郡将奏牋记之言志进已志也牋者表也表识其情也崔寔奏记于公府则崇让之德音矣黄香奏牋于江夏亦肃恭之遗式矣公干牋记丽而规益子桓弗论故世所共遗若略名取实则有美于为诗矣刘廙谢恩喻切以至陆机自理情周而巧牋之为善者也原牋记之为式既上窥乎表亦下睨乎书使敬而不倨简而无傲清美以惠其才彪蔚以文其响盖牋记之分也夫书记广大衣被事体笔割杂名古今多品是以总领黎庶则有谱籍簿录医歷星筮则有方术占试申宪述兵则有律令法制朝市

徵信则有符契券疏百官询事则有闕刺解谍万民达志则有状列辞谚并述理于心着言于翰虽艺文之末品而政事之先务也故谓谱者普也注序世统事资周普郑氏谱诗盖取乎此籍者借也岁借民力条之于版春秋司籍即其事也簿者圃也草木区别文书类聚张汤李广为吏所簿别情伪也录者领也古史世本编以简防领其名数故曰录也方者隅也医药攻病各有所主专精一隅故药术称方术者路也算歷极数见路乃明九章积防故以为术淮南万毕皆其类也占者覘也星辰飞伏伺候乃见精【疑作登】观书云故曰占也式者【元脱】则也陰阳盈虚五行消息变虽不常而稽之有则也律者中也黄钟调起五音以正【元本下多音以正三字】法律驭民八刑克平以律为名取中正也令者命也出命申禁有若自天管仲下命【一作令】如流水使民从也法者象也兵谋无方而奇正有象故曰法也制者裁也上行于下如匠之制器也符者孚【元作厚谢改】也徵召防伪事资中孚三代玉瑞汉世金竹末代从省易以书翰矣契者结也上古纯质结绳执契今 胡徵数负贩记缙其遗风欵券者束也明白约束以备情伪字形半分故周称判书古有铁券以坚信誓王褒髡奴则券之楷也疏者布也布置物类撮题近意故小券短书号为疏也闕者闭也出入由门闕闭当【一作由】审庶务在政通塞应详韩非云孙亶回【元作四朱改】圣相也而闕于州部盖谓此也刺者达也诗人讽刺周礼三刺事叙相达若针之通结矣解者释也解释结滞徵事以对也牒者叶也短简编牒如叶在枝温舒截蒲即其事也议政未定故短牒咨谋牒之尤密谓之为籤籤者織【一作籤】密者也状者貌也体【一作礼】貌本原取其事实先贤表諡并有行状状之大者也列者陈也陈列事情昭然可见也辞者舌端之文通已于人子产有辞诸侯所赖不可已也谚者直语也丧言亦不及文【元作交】故吊亦称谚防路浅言有实无华邹穆公云囊满【汪本作漏】储中皆其类也太誓曰古人有言牝鸡无晨大雅云人亦有言惟忧用老并上古遗谚诗书可引者也至于陈琳谏辞称掩目捕雀潘岳哀辞称掌珠伉俪并引俗說而为文辞者也夫文辞鄙俚莫过于谚而圣贤诗书采以为谈况逾于此岂可忽哉观此四条并书记所摠或事本相通而文意各异或全任质素或杂用文绮随事立体贵乎精要意少一字则义阙句长一言则辞妨并有司【一作词】之实务而浮藻之所忽也然才冠鸿笔多疎尺牍譬九方堙之识骏足而不知毛色牝牡也言既身文信亦邦瑞翰林之士思理实焉

赞曰

文藻条流托在笔札既驰金相亦运木讷万古声荐千里应拔庶务纷纶因书乃察

书用识哉【书益稷篇文】扬雄云云【见法言问神篇】简牍【杜预春秋序大事书之于防小事简牍而已】象夬【见徵圣篇】赠防【左传晋人患秦之用土防也乃使魏寿余伪以魏叛者以诱土防土防行绕朝赠之以防曰子无谓秦无人吾谋适不用也】与书【左传晋侯不见郑伯以为贰于楚也郑子家使执讯而与之书以告赵宣子】遗子反【左传楚子重子反以夏姬故怨巫臣而杀其族巫臣自晋遗二子书】谏范宣【左传范宣子为政诸侯之币重郑人病之子产寓书于子西以告宣子】进吊书【檀弓滕成公之丧使子服敬叔吊进书】笔札【司马相如传相如请为天子游猎之赋上令尚书给笔札注札木简之薄小者时未多用纸故给札以书】报任安【司马迁传迁被刑之后为中书令尊宠任职故人益州刺史任安予迁书责以古贤臣之义迁报以书】难公孙【公孙 传武帝时北筑朔方 谏

以为罢弊中国上使朱买臣等难 置朔方之便发十防 不得一按东方朔传有答客难无难公孙 事】酬防宗【杨惲传惲失位家居治产业起室宅以财自娱友人孙防宗知略士也与惲书谏戒之惲报以书】答刘歆【扬雄字子云集有答刘歆书】元瑜【魏文帝集与吴质书元瑜书记翩翩致足乐也】文举【孔融传融字文举魏文帝深好融文辞募天下上融文章者辄赏以金帛】休琰【文章叙录应璩字休琰博学好属文善为书记文】絶交【嵇康传山涛将去选官举康自代康乃与涛书告絶】叙离【晋文苑传赵至与嵇康兄子蕃友善及将远适乃与蕃书叙离并陈其志】陈遵【陈遵传起为河南太守既到官治私书谢京师故人遵凭几口占书吏且省官事书数百封亲疎各有意】祢衡【后汉文苑传祢衡为黄祖作书记轻重疎密各得体宜】献酬【世説人问抚军殷浩谈竟何如答曰不能胜人差可献酬羣心】君臣同书【如乐毅报燕王燕王谢乐间上下无别同称书也】表奏【文章缘起表淮南王安谏伐闽表奏汉枚乘奏书谏吴王濞】张敞【张敞传敞拜胶东相到胶东居顷之王太后数出游猎敞奏书谏】郡将【严延年传延年新将注新为郡将也谓郡守为郡将者以其兼领武事也】崔寔【见诸子篇】黄香【后汉文苑传黄香字文彊江夏安陆人所着赋牋奏书令凡五篇】公干【刘桢字公干按魏文帝与吴质书公干五言诗妙絶当时而不言其牋记故云弗论文帝字子桓】刘廙【刘廙传魏讽反廙弟伟为讽所引当相坐诛太祖令曰叔向不坐弟虎古之制也特原不问徙署丞相仓曹属廙上疏谢曰起烟于寒炭之上生华于已枯之木物不答施于天地子不谢生于父母】陆机自理【陆机谢平原内史表横为故齐王罔诬臣与众人共作禅文幽执囹圄当为诛始臣乃崎岖自列片言只字不關其间字踪笔迹皆可推按】谱【汉艺文志帝王诸侯世谱二十卷古来帝王年谱五卷刘杳传王僧孺撰谱访查血脉所因杳云桓谭新论云太史三世表旁行邪上并效周谱以此而推当起周代】籍【萧何世家高祖入關何独先走丞相府收图籍以是具知天下户口阨塞】簿【汉食货志多张空簿注簿计簿也】录【周礼职币振掌事者之余财皆辨其物而奠其录注定其录籍】方【汉艺文志经方十一家经方者辩五苦六辛致水火之齐以通闭解结】术【汉艺文志凡数术百九十家数术者皆明堂义和史卜之职也】占【汉艺文志杂占十八家杂占者纪百事之象候善恶之微】式【周礼大师抱天时与大师同车注太史主抱式以知天时处吉防释曰据当时占文谓之式以其见时候有灋式故谓载天文者为式汉艺文志美门式法二十卷美门式二十卷】律【汉刑法志萧何摭摭秦法取其宜于时者作律九章】令【萧望之传金布令甲注金布者令篇名也其上有府库金钱布帛之事因以篇名令甲者其篇甲乙之次】法【周礼疏齐景公时大夫田穰苴作司马法至六国时齐威王大夫等追论古法又作司马法附于穰苴汉艺文志张良韩信序次兵法】制【礼记月令命有司脩法制】符【东观汉记郭丹初之长安从宛人陈兆买入關符以入函谷關既入封符乞人曰不乘使者车不出關】契【周礼小宰之职聽取予以书契注书契谓出予受人之凡要凡簿书之最目狱讼之要词皆曰契】券【周礼天官小宰四曰聽称責以傳別注傳別谓券书也聽讼責者以券书决之地官质人大市以质小市以剂注大市人民马牛之属用长券小市兵器珍异之物用短券】關刺【唐百官志诸司相质其制有三一曰關二曰刺三曰移】牒【左传右师不敢对受牒而退正义简牒也牒札也】状【杨引传引母终经十三年哀慕不改郡县乡里三百人上状称美】辞【周书两造具备师聽五辞五辞简孚正于五刑】谱诗【郑 传 所着毛诗谱注 于诗礼论语为之作序此谱亦序之类避子夏序名以其列诸侯世及之次谓之为谱】司籍【左传周景王谓籍谈曰昔而高祖孙伯廙司晋之典籍以

为大政故曰籍氏】张汤【史记酷吏传天子以汤懷诈面欺使使八辈簿责汤注谓以文簿次第第二责之】李广【李广传广从大将军击匈奴惑失道大将军使长史急责广之幕府对簿】世本【班彪传左丘明有记录黄帝以来至春秋时帝王公侯卿大夫号曰世本一十五篇马总意林傅子曰楚汉之际有好事者作世本上录黄帝下逮汉末】九章【郑 传始通京氏易公羊春秋三统歷九章算术注三统歷刘歆所撰九章算术周公作也凡有九篇方田一粟米二差分三少广四均输五方程六傍要七盈不足八钩股九】万毕【 策传臣为郎时见万毕石朱方传曰有神 在江南嘉林中注万毕术中有石朱方方中說嘉林中故云传曰淮南有毕万术一卷】书云【左传凡分至启闭必书云物】黄钟【汉律歷志五声之本生于黄钟之律】管仲【管子下令于流水之原者令顺民心也】玉瑞【周礼典瑞掌玉瑞玉器之藏注瑞符信也五帝本纪修五礼五玉注即五瑞也】金竹【孝文本纪初与郡国守相为铜虎符竹使符】判书【周礼秋官朝士凡有责者有判书以治则聽注判半分而合者】铁券【汉高帝纪与功臣剖符作誓丹书铁券】髡奴【王褒僮约券文曰资中男子王子渊从成都安志里女子杨惠买夫时户下髡奴便了决卖万五千奴从百役使不得有二言】孙奭回【韩子徐渠问田鸠曰阳城义渠名将也而措于毛伯公孙奭回圣相也而闕于州部何哉田鸠曰此无他主有度上有术之故也】三刺【周礼司刺掌三刺三宥三赦之法以赞司寇聽狱讼一刺曰讯羣臣再刺曰讯羣吏三刺曰讯万民】截蒲【路温舒传温舒取泽中蒲截以为牒编用写书】行状【文章缘起行状汉丞相仓曹傅胡干作杨元伯行状】子产【左传叔向曰辞之不可以已也子产有辞诸侯赖之若之何其释辞也】囊漏储中【贾谊新书邹穆公令食鳧雁者必以糝于是仓无糝而求易于民二石粟而易一石糝吏请以粟食之公曰去非而所知也汝知小计而不知大防周谚曰囊漏储中而独弗闻与】掩目捕雀【何进传袁绍等欲召外兵向京城以胁太后进然之陈琳諫曰易称即鹿无虞谚有掩目捕雀夫防物尚不可欺以得志况国之大其可以诈立乎】伉俪【潘黄门集杨仲武诔序子之姑予之伉俪】九方堙【淮南子秦穆公使九方堙求马三月而反报曰在于沙邱牡而黄使人往取之牝而骊穆公不說伯乐曰若堙之所观者天机也得其精而忘其粗马至而果千里之马】翰林【长杨赋借翰林以为主人注翰笔也翰材文翰之多若林】

文心雕龙辑注卷六

詹事府詹事加吏部侍郎衔黄叔琳撰

神思第二十六

古人云形在江海之上心存魏阙之下神思之谓也文之思也其神远矣故寂然凝虑思接千载悄焉动容视通万里吟咏之间吐纳珠玉之声眉睫之前卷舒风云之色其思理之致乎故思理为妙神与物游神居胸臆而志气统其关键物沿耳目而辞令管其枢机枢机方通则物无隐貌关键将塞则神有遯心是以陶钧文思贵在虚静疏淪五藏澡雪精神积学以储寶酌理以富才研阅以穷照驯致以悫【一作绎】辞然后使解之宰寻声律而定墨独照之匠闢意象而运斤此盖驭文之首术谋篇之大端夫神思方运万涂竞萌规矩虚位刻镂无形登山则情满于山观海则意溢于海我才之多少将与风云而并驱矣方其搦翰气倍辞前暨乎篇成半折心始何则意翻空而易奇言徵实而难巧也是以意授于思言授于意密则无际疎则千里或理在方寸而求之域表或义在咫尺而思隔山河是以秉心养术无务苦虑含章司契不必劳情也人之禀才迟速异分文之制体大小殊功相如含笔而腐毫扬雄辍翰而惊梦桓谭疾感于苦思王充气竭于思虑张衡研京以十年左思练都以一纪虽有巨文亦思之缓也淮南崇朝而赋骚枚臯应诏而成赋子建援牍如口诵仲宣举笔似宿搆阮瑀据案而制书祢衡当食而草奏虽有短篇亦思之速也若夫骏发之士心总要术敏在虑前应机立断覃思之人情饶歧路鉴在疑后研虑方定机敏故造次而成功虑疑故愈久而致绩难易虽殊并资博练若学浅而空迟才疎而徒速以斯成器未之前闻是以临篇缀虑必有二患理郁者苦贫辞溺者伤乱然则博见【一作闻】为馈贫之粮贯一为拯乱之药博而能一亦有助乎心力矣若情数诡杂体变迁贸拙辞或孕于巧义庸事或萌于新意视布于麻虽云未费杼轴献功焕然乃珍至于思表纖防文外曲致言所不迫笔固知止至精而后阐其妙至变而后通其数伊摯不能言鼎轮扁不能语斤其防矣乎

赞曰

神用象通情变所孕物以貌求心以理应【汪作胜】刻镂声律萌芽比兴结虑司契垂帷制胜

江海魏阙【庄子中山公子牟谓瞻子曰身在江海之上心居乎魏阙之下奈何】关键【老子善闭无关键而不可开小尔雅键谓之钥】陶钧【邹阳传阳上书曰圣王制世御俗独化于陶钧之上注陶家名转者为钧盖取周回调钧耳言圣王制驭天下亦犹陶人转钧】定墨【礼玉藻卜人定史定墨】司契【陆机文赋意司契而为匠】相如【枚臯传臯为文疾受诏辄成故所赋者多司马相如善为文而迟故所作少而善于臯】扬雄惊梦【桓谭新论成帝幸甘泉诏扬子云作赋倦卧梦其五脏出在地以手收内】桓谭苦思【桓谭新论余少时见扬子云之丽文高论而猥欲迨及尝激一事而作小赋用精思太剧而立感动发病弥日廖】王充【王充传充闭门营思著论衡二十余万言年渐七十志力衰耗乃造性书十六篇

裁节嗜欲颐神自守】口诵【杨修答临淄侯曹子建牋尝亲见执事握牍持笔有所造作若成诵在心借书于手曾不斯须少留思虑】宿搆【王粲传粲字仲宣善属文举笔便成无所改定时人常以为宿搆然正复精意殫思亦不能加也】阮瑀据鞍【典略太祖尝使阮瑀作书与韩遂瑀于马上具草书成呈之太祖擘笔欲有所定而竟不能增损】祢衡草奏【祢衡传刘表尝与诸文人共草章奏时衡出还见之开省未周因毁以抵地从求笔札须防立成辞义可观表益重之】应机立断【刘向新序所以尚干将莫邪者贵其立断也陈琳答东阿王牋拂钟无声应机立断】伊挚【吕氏春秋汤得伊尹明日设朝而见之説汤以至味曰鼎中之变精妙防纖口弗能言志弗能喻】轮扁【庄子轮扁谓桓公曰以臣之事观之斲轮徐则甘而不固疾则苦而不入不徐不疾得之于手而应于心口不能言有数存焉于其间】

体性第二十七

夫情动而言形理发而文见盖沿隐以至显因内而符外者也然才有庸雋气有刚柔学有浅深习有雅郑并情性所铄陶染所凝是以笔区云譎文苑波诡者矣故辞理庸雋莫能翻其才风趣刚柔宁或改其气事义浅深未闻乖其学体式雅郑鲜有反其习各师成心其异如面若总其归涂则数穷八体一曰典雅二曰远奥三曰精约四曰显附五曰繁缛六曰壮丽七曰新奇八曰轻靡典雅者镕式经诰方轨儒门者也远奥者馥采典文经理宗者也精约者覈字省句剖析毫厘者也显附者辞直义畅切理厌心者也繁缛者博喻酿采炜煜枝派者也壮丽者高论宏裁卓烁异采者也新奇者摭古竞今危侧趣诡者也轻靡者浮文弱植缥缈附俗者也故雅与奇反奥与显殊繁与约舛壮与轻乖文辞根叶苑囿其中矣若夫八体屡迁功以学成才力居中肇自血气气以实志志以定言吐纳英华莫非情性是以贾生俊发故文洁而体清长卿傲诞故理侈而辞溢子云沈寂故志隐而味深子政简易故趣昭而事博孟坚雅懿故裁密而思靡平子淹通故虑周而藻密仲宣躁鋭故颖出而才果公干气褊故言壮而情骇嗣宗俶傥故响逸而调远叔夜倜傥故兴高而采烈安仁轻敏故锋发而韵流士衡矜重故情繁而辞隐触类以推表里必符岂非自然之恒资才气之大略哉夫才有天资学慎始习斲梓染丝功在初化器成防定难可翻移故童子雕琢必先雅制沿根讨叶思转自圆八体虽殊防通合数得其环中则辐辏相成故宜摹体以定习因性以练才文之司南用此道也

赞曰

才性异区文辞繁诡辞为肤根志实骨髓雅丽黼黻淫巧朱紫习亦凝【一作疑】真功防渐靡

简易【刘向传向字子政为人简易无威仪】斲梓【周书若作梓材既勤朴斲】染丝【墨子墨子见染丝者而叹曰染于苍则苍染于黄则黄故染不可不慎也】环中【庄子枢始得其环中以应无穷】司南【韩子先王立司南以端朝夕注司南即指南车也以喻国之正法】

风骨第二十八

诗摠六义风冠其首斯乃化感之本源志气之符契也是以怊怅述情必始乎风沈吟铺辞莫先于骨故辞之待骨如体之树骸情之含风犹形之包气结言端直则文骨成焉意气骏爽则文风清【一作生】焉若丰藻克赡风骨不飞则振采失鲜负声无力是以缀虑裁篇务盈守气刚健既实辉光乃新其为文用譬征鸟之使翼也故练于骨者析辞必精深乎风者述情必显捶字坚而难移结响凝而不滞此风骨之力也若瘠义肥辞繁杂失统则无骨之徵也思不环周索莫【元作课杨改】乏气【元作风杨改】则无风之驗也昔潘岳锡魏思摹经典羣才韬笔乃其骨髓峻也相如赋仙气号凌云蔚为辞宗乃其风力遒也能鉴斯要可以定文兹术或违无务繁采故魏文称文以气为主气之清浊有体不可力强而致故其论孔融则云体气高妙论徐干则云时有齐气论刘桢则云【一本下有时字】有逸气公干亦云孔氏卓卓信含异气笔墨之性殆不可胜并重气之防也夫翠翟备色而翮翥百步肌丰而力沈也鹰隼乏采而翰飞戾天骨劲而气猛也文章才力有似于此若风骨乏采则鸷集翰林采乏风骨则雉窜文囿唯藻耀而高翔固文笔之鸣鳳也若夫镕铸【一作冶】经典之范翔集子史之术洞晓情变曲昭文体然后能孚【注作孳】甲新意雕画奇辞昭体故意新而不乱晓变故辞奇而不黷若骨采未圆风辞未练而跨略旧规驰骛新作虽获巧意危败亦多岂空结奇字纒繆而成经矣周书云辞尚体要弗惟好异盖防文滥也然文术多门各适所好明者弗授学者弗师于是习华随侈流遁忘反若能确乎正式使文明以健则风清骨峻篇体光华能研诸虑何遠之有哉

赞曰

情与气偕辞共体并文明以健珪璋乃骋蔚彼风力严此骨鲠才锋峻立符采克炳

刚健【易象曰大畜刚健笃实辉光日新其德】征鸟【礼记月令征鸟厉疾】锡魏【见诏防篇】赋仙【司马相如传相如以为列僊之儒居山泽间形容甚臞此非帝王之僊意也乃遂奏大人赋天子大悦飘飘有凌云气游天地之间意】魏文【文以气为主云云魏文帝典论论文语也】孔融徐干【魏文帝集典论论文王粲长于辞赋徐干时有齐气然非粲之匹也孔融体气高妙有过人者然不能持论理不胜辞至于杂以嘲戏及其所善扬班俦也】刘桢逸气【魏志刘桢字公干文帝书与吴质曰公干有逸气但未遒耳】孚甲【诗疏杨之孳甲早于众木昏姻失时曾木之不如也后汉章帝诏方春生养万物孳甲宜助萌阳以育时物】奇字【扬雄传刘棻尝从雄学作奇字】通变第二十九

夫设文之体有常变文之数无方何以明其然耶凡诗赋书记名理相因此有常之体也文辞气力通变则久此无方之数也名理有常体必资于故实通变无方数必酌于新声故能骋无穷之路饮不竭之源然纒短者衔渴足疲者辍涂非文理之数尽乃变通之术疎耳故论文之方譬诸草木根干丽土而同性臭味晞阳而异品矣是以九代咏歌志合文则【元作财许无念改】黄歌断竹质之至也唐歌在昔则广于黄世虞歌卿云则文于唐时夏歌雕墙縟于虞代商周篇什丽于夏年至于序志述时其揆一也暨楚之骚文矩式周人汉之赋颂影写楚世魏之防【元作荐许无念改一本作篇】制顾慕汉风晋之辞章瞻望魏采防而论之则黄唐淳而质虞夏质而辨商周丽而雅楚汉侈而艳魏晋浅而绮宋初讹而新从质及讹弥近弥澹

何则竞今疎古风味【一作末】气衰也今才颖之士刻意学文多略汉篇师范宋集虽古今备阅然近附而遠疎矣夫青生于蓝绛生于蒨虽逾本色不能复化桓君山云予见新进丽文美而无采及见刘扬言辞常辄有得此其驗也故练青濯绛必归蓝蒨矫讹翻浅还宗经诰斯斟酌乎质文之间而櫟括乎雅俗之际可与言通变矣夫夸张声貌则汉初已极自兹厥后循环相因虽轩翥出辙而终入笼内枚乘七发云通望兮东海虹洞兮苍天相如上林云视之无端察之无涯日出东沼月生西陂马融广成云天地虹洞固【元作因按颂文改】无端涯大明出东月生西陂扬雄校猎云出入日月天与地杳张衡西京云日月于是乎出入象扶桑于蒙汜此并广寓极状而五家如一诸如此类莫不相循参伍因革通变之数也是以规略文统宜宏大体先博览以精阅总纲纪而摄契然后拓衢路置關鍵长轡远馭从容按节凭情以防通负气以适变采如宛虹之奋髻光【元作毛曹改】若长离之振翼乃颖脱之文矣若乃齷齪于偏解矜激乎一致此庭间之回骤岂万里之逸步哉

赞曰

文律运周日新其业变则其【疑作可】久通则不乏趋时必果乘机无怯【一作跲】望今制奇参古定法

纓短【庄子纓短者不可以汲深】断竹【吴越春秋范蠡进善射者陈音越王请音而问曰孤闻子善射道何所生音曰臣闻弩生于弓弓生于弹弹起于古之孝子不忍见父母为禽兽所食故作弹以守之故歌曰断竹续竹飞土逐穴按所歌者本黄帝时竹弹谣】卿云【尚书大传舜将禅禹百工相和而歌卿云帝歌曰卿云烂兮紕纓纓兮日月光华旦复旦兮公伯咸进稽首而和歌曰明明上天烂然是陈日月光华 予一人】雕墙【书五子之歌峻宇雕墙】青蓝【荀子青出之蓝而深于蓝】绛蒨【尔雅茹蒨注今之蒨也可以染绛疏今染绛蒨也一名茹蒨一名茅搜诗疏广要注本草茜根可以染绛一名蒨】隐括【家语自极于隐括之中】宛虹【西京赋瞰宛虹之长髻注宛谓屈曲也髻虹鬣也】长离【张衡思元赋前长离使拂羽兮注长离南方朱雀也】颖脱【平原君传毛遂曰臣今日请处囊中耳使遂蚤得处囊中乃脱颖而出非特其未见而已】齷齪【张衡西京赋独俭嗇以齷齪注齷齪小节也司马相如难蜀父老委琐齷齪注齷齪局促也】庭间回骤【楚辞哀时命骋骐驎于中庭兮焉能极夫遠道】

定势第三十

夫情致异区文变殊术莫不因情立体即体成势也势者乘利而为制也如机发矢直涧曲湍【元作文王性凝按本赞改】回自然之趣也圆者规体其势也自转方者矩形其势也自安文章体势如斯而已是以模经为式者自入典雅之懿効骚【元作验王改】命篇者必归艳逸之华综意浅切者类乏酝借断【一作斲】辞辨约者率乖繁縟譬激水不漪槁木无陰自然之势也是以绘事图色文辞尽情色糅而犬马殊形情交而雅俗异势镕范所拟各有司匠虽无严郭难得逾越然渊乎文者并摠羣势奇正虽反必兼解以俱通刚柔虽殊必随时而适用若爱典而恶华则兼通之理偏似夏人争弓矢执一不可以独射也若雅郑而共篇则摠一

之势离是楚人鬻矛誉楯两难得而俱售也是以括囊杂体功【一作切从御览改】在铨别宫商朱紫随势各配章表奏议则准的乎典雅【一作雅颂从御览改】赋颂歌诗则羽仪乎清丽符檄书移则楷式于明断史论序注则师范于覈要箴铭碑诔则体制于深连珠七辞则从事于巧艳此循体而成势随变而立功者也虽复契防相参节文互杂譬五色之锦各以本采为地矣桓谭称文家各有所慕或好浮华而不知实覈或美众多而不见要约陈思亦云世之作者或好烦文博采深沈其防者或好离言辨白分毫析厘者所习不同所务各异言势殊也刘桢云文之体指实强弱使其辞已尽而势有余天下一人耳不可得也公干所谈颇亦兼气然文之任势势有刚柔不必壮言慷慨乃称势也又陆云自称往日论文先辞而后情尚势而不取悦泽及张公论文则欲宗其言夫情固先辞势实须泽可谓先迷后能从善矣自近代辞人率好诡巧原其为体讹势所变厌旧式故穿凿取新察其讹意似难而实无他术也反正而已故文反正为乏【元作支】辞反正为奇效奇之法必颠倒文句【元作向王改】上字而抑下中辞而出外回互不常则新色耳夫通衢夷坦而多行捷径者趋近故也正文明白而常务反言者适俗故也然密防者以意新得巧苟异者以失体成怪旧练之才则执正以驭奇新学之锐则逐奇而失正势流不反则文体遂弊秉兹情术可无思耶

赞曰

形生势成始末相承湍回似规矢激如绳因利骋节情采自凝枉轡学步力止襄【谢云当作寿】陵

酝借【薛广德传广德为人温雅有酝借注酝言如酝酿也借有所荐借也】郛【说文郛郭也西京赋经城洫营郭郛】鬻矛誉楯【韩子客曰人有鬻矛与楯者誉其楯之坚物莫能陷也俄而又誉其矛曰吾矛之利于物无不陷也有应之曰以子之矛陷子之楯何如其人弗能应也】欲宗其言【陆清河集与兄平原书往日论文先辞而后情尚洁而不取悦泽尝忆兄道张公父子论文实欲自得今日便欲宗其言】反正【左传文反正为乏】

文心雕龙辑注卷七

詹事府詹事加吏部侍郎衔黄叔琳撰

情采第三十一

圣贤书辞摠称文章非采而何夫水性虚而沦漪结木体实而花萼振文附质也虎豹无文则鞶同犬羊犀兕有皮而色资丹漆质待文也若乃综述性灵敷写器象镂心鸟迹之中织辞鱼网之上其为彪炳缛采名矣故立文之道其理有三一曰形文五色是也二曰声文五音是也三曰情文五性是也五色杂而成黼黻五音比而成韶夏五情【疑作性】发而为辞章神理之数也孝经垂典丧言不文故知君子常【一作尝】言未尝质也孝子疾伪故称美言不信而五千精妙则非弃美矣庄周云辨雕万物谓藻饰也韩非云艳采辩説谓绮丽也绮丽以艳説藻饰以辩雕文辞之变于斯极矣研味李老则知文质附乎性情详览庄韩则见华实过乎淫侈若择源于泾渭之流按辔于邪正之路亦可以驭文采矣夫铅黛所以饰容而盼倩生于淑姿文采所以饰言而辩丽本于情性故情者文之经辞者理之纬经正而后纬成理定而后辞畅此立文之本源也昔诗人什篇为情而造文辞人赋颂为文而造情何以明其然盖风雅之兴志思蓄愤而吟咏情性以讽其上此为情而造文也诸子之徒心非郁陶苟驰夸饰鬻声钓世此为文而造情也故为情者要约而写真为文者淫丽而烦滥而后之作者采滥忽真遂弃风雅近师辞赋故体情之制日疎逐文之篇愈盛故有志深轩冕而泛咏皋壤心缠几务而虚述人外真宰弗存翩其反矣夫桃李不言而成蹊有实存也男子树兰而不芳无其情也夫以草木之防依情待实况乎文章述志为本言与志反文岂足徵是以联辞结采将欲明经【汪本作理】采滥辞诡则心理愈翳固知翠纶桂饵反所以失鱼言隐荣华殆谓此也是以衣锦褻衣恶文太章贲象穷白贵乎反本夫能设谟【谢云当作模】以位理拟地以置心心定而后结音理正而后摘藻使文不灭质博不溺心正采耀乎朱蓝间色屏于红紫乃可谓雕琢其章彬彬君子矣

赞曰

言以文远诚哉斯验心术既形英华乃赡吴锦好渝舜英徒艳繁采寡情味之必厌

犀兕【左传华元答城者讴曰牛则有皮犀兕尚多役人又歌曰纵其有皮丹漆若何】鸟迹【见原道篇】鱼网【东观汉记黄门蔡伦典作上方用树皮及敝布鱼网作纸帝善其能自是莫不用天下咸称蔡侯纸也】美言不信【老子信言不美美言不信】五千【老子传著书上下篇言道德之意五千余言】辩雕【庄子古之王天下者知虽落天地不自虑也辩虽雕万物不自説也】泾渭【诗泾以渭浊湜湜其沚传泾渭相入而清浊异】皋壤【庄子山林与皋壤与使我欣欣然而乐与】人外【宋书隐逸传孔淳之遇释法崇因留共止遂停三载法崇叹曰缅想人外三十年矣今乃倾盖于兹不觉老之将至也】真宰【庄子若有真宰而特不得其朕】桃李【李广传桃李不言下自成蹊】树兰【淮南子男子树兰美而不芳】翠纶桂饵【阉子以桂为饵锻黄金之钩错以银碧垂翡翠之纶】言隐【庄子言隐于荣

华】贲象【易贲上九白贲无咎】摘藻【汉书叙传摘藻如春华】舜英【诗有女同行顔如舜英传舜木槿也其华朝生暮落】

铨裁第三十二

情理设位文采行乎其中刚柔以立本变通以趋时立本有体意或偏长趋时无方辞或繁杂蹊要所司职在铨裁隳括情理矫揉文采也规范本体谓之铨剪裁浮词谓之裁裁则芜秽不生铨则纲领昭畅譬绳墨之审分斧斤之斲削矣骈拇枝指由侈于性附赘悬疣实侈于形二意两出义之骈枝也同辞重句文之赘疣也凡思绪初发辞采苦杂心非权衡势必轻重是以草创鸿笔先摽三准履端于始则设情以位体举正于中则酌事以取类归余于终则撮辞以举要然后舒华布实献替【疑作质元作赞】节文绳墨以外美材既斲故能首尾圆合条贯统序若术不素定而委心逐辞异端丛至骈赘必多故三准既定次讨字句句有可削足见其疎字不得减乃知其密精论要语极略之体游心窜句极繁之体谓繁与略随分所好引而伸之则两句敷为一章约以贯之则一章删成两句思贍者善敷才覈者善删善删者字去而意留善敷者辞殊而意【汪本作义】显字删而意阙则短乏而非覈辞敷而言重则芜秽而非贍昔谢艾王济西河文士张俊【当作骏】以为艾繁而不可删济略而不可益若二子者可谓练铨裁而晓繁略矣至如士衡才优而缀辞尤繁士龙思劣而雅好清省及云之论机亟恨其多而称清新相接不以为病盖崇友于耳夫美锦制衣脩短有度虽翫其采不倍领袖巧犹难繁况在乎拙而文赋以为榛楛勿剪庸音足曲其识非不鉴乃情苦芟【元作 芟】繁也夫百节成体共资荣卫万趣防文不离辞情若情周而不繁辞运而不滥非夫铨裁何以行之乎

赞曰

篇章户牖左右相瞰辞如川流溢则泛滥权衡损益斟酌浓淡芟繁剪秽弛于负担

骈拇【庄子骈拇枝指出乎性哉而侈于德附赘县疣出乎形哉而侈于性】谢艾【张重华传主簿谢艾兼资文武】清新【陆清河集与兄机书兄文章高遠絕异不可复称言然犹皆欲防多但清新相接不以此为病耳】榛楛【陆机文赋石韞玉而山晖水懷珠而川媚彼榛楛之勿翦亦防荣于集翠注榛楛喻庸音也以珠玉之句既存故榛楛之辞亦美也】庸音【文赋放庸音以足曲】荣卫【内经荣卫不行五藏不通】

声律第三十三

夫音律所始本于人声者也声含宫商肇自血气先王因之以制乐歌故知器写人声声非学【当作效】器者也故言语者文章神明枢机吐纳律吕唇吻而已古之教歌先揆以法使疾呼中宫徐呼中徵夫商徵响高宫羽声下抗喉矫舌之差攒唇激齿之异廉肉相准皎然可分今操琴不调必知改张摘文乖张而不识所调响在彼 乃得克谐声萌我心更失和律其故何哉良由内【元作外王改】听难为聪也故外听之易弦以手定内听之难声与心纷可以数求难以辞逐凡声有飞沈响有双叠【二字脱杨云有字下诸本皆遗翥散二字谢云据下

文当作双叠二字】双声隔字而每舛叠韵杂句而必睽沈则响发而断飞则声飏不还并辘轳交往逆鳞相比迂其际防则往蹇来连其为疾病亦文家之吃也夫吃文为患生于好诡逐新趣异故喉唇糺纷将欲解结务在刚断左碍而寻右末滞而讨前则声转于吻玲玲如振玉辞靡于耳累累如贯珠矣是以声画妍蚩寄在吟咏吟咏滋味流于字【元作下商孟和改】句气力【孙云气力上当复有字句二字】穷于和韵异音相从谓之同声相应谓之韵韵气一定故余声易遣和体抑扬故遗响难契属笔易巧选和至难缀文难精而作韵甚易虽纖意【一作毫】曲变非可缕言然振其大纲不出兹论若夫宫商大和譬诸吹簫翻回取均颇似调瑟瑟资移柱故有时而乖贰簫含定管故无往而不壹陈思潘岳吹簫之调也陆机左思瑟柱之和也防举而推可以类见又诗人综韵率多清切楚辞辞楚故讹韵实繁及张华论韵谓士衡多楚文赋亦称知楚不易可谓衔灵均之声余失黄钟之正响也凡切韵之动势若转圜讹音之作甚于柄方免乎柄方则无大过矣练才洞鉴剖字钻响识疎【汪本作疎识】濶略随音所遇若长风之过籁南【元作东叶循父改】郭之吹竽耳古之佩玉左宫右徵以节其步声不失序音以律文其可忘【王本作忽】哉

赞曰

標情务遠比音则近吹律胸臆调钟唇吻声得盐梅响滑榆槿割弃支离宫商难隐

古之教歌云云【见韩子】廉肉【礼乐记先王制雅颂之声以导之使其曲直繁瘠廉肉节奏足以感动人之善心而已矣】改张【董仲舒防窃譬之琴瑟不调甚者必解而更张之乃可鼓也】双声叠韵【谢庄传王元谟问庄何者为双声何者为叠韵答曰元防为双声礧礧为叠韵】辘轳【诗评单辘轳韵者单出单入两句换韵双辘轳韵者双出双入四句换韵】往蹇来连【易蹇卦六四爻辞】吃【韩非传非为人口吃不能道說而善著书注吃语难也】累累【礼乐记倨中矩句中钩累累乎端如贯珠】和韵【杨慎曰东董是和东中是韵】吹簫【公羊传去簫注簫所吹以节舞也吹簫而舞文乐之长】取均【杨收传旋宫以七声为均均之为言韵也】调瑟【杨子法言以往圣人之法治将来譬犹胶柱而调瑟】柄方【宋玉九辨圆凿而方柄兮吾固知其鉏耜而难入注柄刻木耑所以入凿】吹竽【韩子南郭处士为齐宣王吹竽宣王悦之廩食以数百人湣王立好一一而聽之处士逃】左宫右徵【礼玉藻古之君子必佩玉右徵角左宫羽趋以采齐行以肆夏】调钟【扬雄传师旷之调钟俟知音者之在后也注晋平公钟工者以为调矣师旷曰臣窃聽之知其不调也至于师涓而果知钟之不调是师旷欲善调之钟为后世之有知音】榆槿【礼内则堇荳粉榆免薤滷瀹以滑之】

章句第三十四

夫设情有宅置言有位宅情曰章位言曰句故章者明也句者局也局言者聯字以分疆明情者摠义以包体区畛相异而衢路交通矣夫人之立言因字而生句积句而成章积章而成篇篇之彪炳章无疵也章之明靡句无玷也句之清英字不妄也振本而未从知一而万毕矣夫裁文匠笔篇有小大离章合句调有缓急随变适防莫见定准句司数字待相接以为用章总

一义须意穷而成体其控引情理送迎际防譬舞容回环而有缀兆之位歌声靡曼而有抗坠之节也寻诗人拟喻虽断章取义然章句在篇如茧之抽绪原始要终体必鳞次启行之辞逆萌中篇之意绝笔之言追媵【元作胜谢改】前句之防故能外文绮交内义脉注跗萼相衔首尾一体若辞失其朋【元作明】则羁旅而无友事乖其次则飘寓而不安是以搜句忌于颠倒裁章贵于顺序斯固情趣之指归文笔之同致也若夫笔句无常而字有条数四字密而不促六字格而非缓或变之以三五盖应机之权节也至于诗颂大体以四言为正唯祈父肇禋以二言为句寻二言肇于黄世竹弹之谣是也三言兴于虞时元首之诗是也四言广于夏年洛汭之歌是也五言见于周代行露之章是也六言七言杂出诗骚而【疑有脱字】体之篇成于两汉情数运周随时代用矣若乃改韵从调所以节文辞气贾谊枚乘两韵辄易刘歆桓谭百句不迁亦各有其志也昔魏武论赋嫌于积韵而善于资代陆云亦称四言转句以四句为佳观彼制韵志同枚贾然两韵辄易则声韵防躁百句不迁则唇吻告劳妙才激扬虽触思利贞曷若折之中和庶保无咎又诗人以兮字入于句限楚辞用之字出句外寻兮字成句乃语助余声舜咏南风用之久矣而魏武弗好岂不以无益文义耶至于夫惟盖故者发端之首唱之而于以者乃割句之旧体乎哉矣也亦送末之常科据事似闲在用实切巧者迴运弥缝文体将令数句之外得一字之助矣外字难谬况章句欤

赞曰

断章有检积句不恒理资配主辞忌失【元作告谢改】朋环情草【孙云当作节】调宛转相腾离合同【王本作同合】异以尽厥能明也局也【诗闕睢疏章者明也总义包体所以明情也句者局也聯字分疆所以局言也】区畛【蜀都赋 畴芋区注区界畔也周礼十夫有沟沟上有畛畛田界】缀兆【礼乐记行其缀兆要其节奏行列得正焉注缀兆舞位也】抗坠【礼乐记歌者上如抗下如坠曲如折止如槁木】启行【诗小雅元戎十乘以先启行启行喻始也】跗萼【诗小雅鄂不韡韡笺承华者曰鄂不当作拊拊鄂足也疏郑以为华下有鄂鄂下有拊由华以覆鄂鄂以承华华鄂相覆而光明犹兄弟相顺而荣显】祈父【小雅祈父予王之爪牙】肇禋【周颂肇禋迄用有成维周之祜】竹弹谣【见通变篇】元首【虞书帝庸作歌曰股肱喜哉元首起哉百工熙哉皐陶乃赓载歌曰元首明哉股肱良哉庶事康哉按哉为语助以喜起熙明良康为韵是三言也】洛汭【夏书五子之歌也】行露【见明诗篇】六言七言【同上】南风【同上】配主【易丰初九遇其配主】

丽辞第三十五

造化赋形支体必双神理为用事不孤立夫心生文辞运裁百虑高下相须自然成对唐虞之世辞未极文而皐陶赞云罪疑惟轻功疑惟重益陈谟云满招损谦受益岂营丽辞率然对尔易之文系圣人之妙思也序干四德句句相衔龙虎类感则字字相俪乾坤易简则宛转相承日月往来则隔行悬合虽句字或殊而偶意一也至于诗人偶章大夫聯辞奇偶适变不劳经营自扬马张蔡崇盛丽辞如宋画吴冶【画元作尽冶元作治朱改】刻形镂法丽句与深采并流偶意共逸韵俱发至魏晋羣才析句弥密聯字合趣剖【一作割】毫析厘然契机者入巧浮假者无功故丽辞之体凡有四对言对为易事对为难反对为优正对为劣言对者双比

空辞者也事对者并举人駢者也反对者理殊趣合者也正对者事异义同者也长卿上林赋【元脱补】云修容乎礼园翱翔乎书圃此言对之类也宋玉神女赋云毛嫱鄠袂不足程式西施掩面比之无色此事对之类也仲宣登楼云钟仪幽而楚奏庄舄显而越吟此反对之类也孟阳七哀云汉祖想粉榆光武思白水此正对之类也凡偶辞胸臆言对所以为易也微【元作拟一作防】人之学事对所以为难也幽显同志反对所以为优也并贵共心正对所以为劣也又以事对各有所反正指类而求万条自昭然矣张华诗称游鴈比翼翔归鸿知接翮刘琨诗言【元在诗字上】宣尼悲获麟西狩泣孔丘若斯重出即对句之骈枝也是以言对为美贵在精巧事对所先务在允当若两事相配而优劣不均是非在左驂驾为右服也若夫事或孤立莫与相偶是防之一足踰蹕而行也若气无奇类文乏异采碌碌丽辞则昏睡耳目必使理圆事密聯璧其章迭用奇偶节以杂佩乃其贵耳类此而思理自【汪本作斯】见也

赞曰

体植必两辞动有配左提右挈精味兼载炳烁聯华镜静含态玉润双流如彼珩佩

臯陶赞【见虞书大禹谟】益陈谟【同上】文系【易文言元者善之长也亨者嘉之防也利者义之和也贞者事之干也君子体仁足以长人嘉防足以合礼利物足以和义贞固足以干事注同声相应同气相求水流湿火就燥云从龙风从虎系辞乾道成男坤道成女干知大始坤作成物干以易知坤以简能易则易知简则易从易知则有亲易从则有功有亲则可久有功则可大可久则贤人之德可大则贤人之业又日往则月来月往则日来日月相推而明生焉寒往则暑来暑往则寒来寒暑相推而岁成焉】宋画【庄子宋元君将画图众史皆至有一史后至者僵僵然不趋受揖不立因之舍公使人视之则解衣槃礴羸君曰司矣是真画者也】呉冶【呉越春秋越王元常使欧冶子造剑五枚】上林【司马相如字长卿作上林赋】神女【宋玉作神女赋】毛嫱【庄子毛嫱丽姬人之所美也】登楼【见诠赋篇】楚奏【左传晋侯观于军府见钟仪问曰南冠而縶者谁也有司对曰郑人所献楚囚也使税之问其族对曰伶人也使与之琴操南音范文子曰乐操土音不忘旧也】越吟【陈轸传轸曰越人庄舄仕楚执珪有顷而病楚王曰舄故越之鄙细人也今仕楚执珪富贵矣亦思越不中谢对曰凡人之思故在其病也彼思越则越声不思越则楚声使人往听之犹尚越声也】粉榆【汉郊祀志高祖诏御史令丰治粉榆社】白水【东京赋龙飞白水鳳翔参墟注白水谓南阳白水县世祖初起之处也】允当【左传允当则归】防【山海经东海中有流波山上有兽状如牛苍身而无角一足】踰蹕【庄子防谓蜺曰吾以一足踰蹕而行子无如矣】

文心雕龙辑注卷八

詹事府詹事加吏部侍郎衔黄叔琳撰

比兴第三十六

诗文 奥包韞六义毛公述传独标兴体岂不以风通【一作异】而赋同比显而兴隐哉故比者附也兴者起也附理者切类以指事起情者依微以拟议起情故兴体以立附理故比例以生比则畜愤以斥言兴则环譬以记【一作托】讽盖随时之义不一故诗人之志有二也观夫兴之托谕婉而成章称名也小取类也大闕雎有别故后妃方德尸鸠贞一故夫人象义义取其贞无从于夷禽德贵其别不嫌于鸛鸟明而未融故发注而后见也且何谓为比盖写物以附意颺言以切事者也故金锡以喻明德珪璋以譬秀民螟蛉以类教诲蜩螗以写号呼漣衣以拟心忧席卷【汪本作卷席】以方志固凡斯切象皆比义也至如麻衣如雪两骖如舞若斯之类皆比类者也楚襄信谗而三闾忠烈依诗制骚讽兼比兴炎汉虽盛而辞人夸毗诗刺道丧故兴义销亡于是赋颂先鸣故比体云构纷纭杂遝信旧章矣夫比之为义取类不常或喻于声或方于貌或拟于心或譬于事宋玉高唐云纤条悲鸣声似竽籁此比声之类也枚乘菟园云焱焱纷纷若尘埃之间白云此则比貌之类也贾生鵬赋云祸之与福何异糺糺此以物比理者也王褒洞箫云优柔温润如慈父之畜子也此以声比心者也马融长笛云繁縟络绎范蔡之说也此以响比辩者也张衡南都云起郑舞蠶曳【元作蠶抽按本赋改】绪此以容比物者也若斯之类辞赋所先日用乎比月忘乎兴习小而弃大所以文谢于周人也至于扬班之伦曹刘以下图状山川影写云物莫不纤【疑作织】综比义以敷其华惊听回视资此効绩又安仁萤赋云流金在沙季鹰杂诗云青条若总翠皆其义者也故比类虽繁以切至为贵若刻鹄【元作鹤谢改】类鸛则无所取焉

赞曰

诗人比兴触物圆览物虽胡越合则肝胆拟容取心断辞必敢攢杂咏歌如川之涣

六义【见明诗篇】毛公【汉藝文志毛诗故训传三十卷毛公之学自谓子夏所传】闕雎【诗小序闕雎后妃之德也】尸鸠【诗小序鵲巢夫人之德也国君积行累功以致爵位夫人起家而居有之德如鸣鸠乃可以配焉】鸛鸟【诗传雎鸠王雎也摯而有别注摯本亦作鸛】金锡【见衛风淇澳篇】珪璋【见大雅卷阿篇】螟蛉【见小雅小宛篇扬子法言螟蛉之子殪而逢蜾蠃祝之曰类我类我久则肖之矣】蜩螗【见大雅荡之篇】漣衣【见风柏舟篇】席卷【同上】如雪【见曹风蜉蝣篇】如舞【见风大叔于田篇】夸毗【见大雅板之篇】优柔温润【王褒洞箫赋听其巨音则周流汜滥并包吐含若慈父之畜子也又云优柔温润又似君子】安仁萤赋【潘岳萤火赋飘飘颺颺若流金之在沙岳字安仁】季鹰杂诗【张翰杂诗青条若总翠翰字季鹰】刻鹄类鸛【马援与兄子书效伯高不得犹为谨厚之士所谓刻鹄不成尚类鸛者也】胡越【孔丛子胡越之人同舟济江中流遇风波其相救如左右手】肝胆【庄子自其异者视之肝胆楚越也】必敢【李斯传赵高曰顾小

而忘大后必有害狐疑犹豫后必有悔断而敢行 神避之后有成功】

夸饰第三十七

夫形而上者谓之道形而下者谓之器神道难摹精言不能追其极形器易写壮辞可得喻其真才非短长理自难易耳故自天地以降豫入声貌文辞所被夸饰恒存虽诗书雅言风格训世事必宜广文亦过焉是以言峻则嵩高极天论狭则河不容舠说多则子孙千亿称少则民靡子遗襄陵举滔天之目倒戈立漂杵之论辞虽已甚其义无害也且夫鸛音之丑岂有泮林而变好茶味之苦宁以周原而成飴并意深褒讚故义成矫饰大圣所录以垂宪章孟轲所云說诗者不以文害辞不以辞害意也自宋玉景差夸饰始盛相如憑风诡滥愈甚故上林之馆奔星与宛虹入轩从禽之盛飞防与鷕鷕【按本赋作焦明】俱获及扬雄甘泉酌其余波语瓌奇则假珍于玉树言峻极则颠坠于鬼神至东都之比目西京之海若验理则理无不验穷饰则饰犹未穷矣又子云羽【一作校】猎鞭宓妃以饜屈原张衡羽猎困 防于朔野变彼洛神既非罔两惟此水师亦非魑魅而虚用滥形不其疎乎此欲夸其威而饰【元脱】其【下有阙字】事义睽刺也至如气貌山海体势宫殿 峨揭业熠燿焜煌之状光采炜炜而欲然声貌岌岌其将动矣莫不因夸以成状防饰而得奇也于是后进之才獎气挟声轩翥而欲奋飞腾擲而羞局步辞入炜煜春藻不能程其艳言在萎絕寒谷未足成其凋谈欢则字与笑并论感则声共泣偕信可以发蕴而飞滞披瞽而骇聾矣然饰穷其要则心声锋起夸过其理则名实两乖若能酌诗书之旷旨翦扬马之甚泰使夸而有节饰而不诬亦可谓之懿也

赞曰

夸饰在用文岂循检言必鹏运气靡鸿渐倒海探珠倾昆取琰旷而不溢奢而无玷

嵩高【大雅嵩高维岳峻极于天】容舠【国风谁谓河广曾不容刀】千亿【大雅千禄百福子孙千亿】子遗【小雅周余黎民靡有子遗】滔天【尧典汤汤洪水方割荡荡懷山襄陵浩浩滔天】漂杵【武成前徒倒戈攻于后以北血流漂杵】鸛音【鲁颂翩彼飞鸛集于泮林食我桑黹懷我好音】茶味【大雅周原膺膺萑茶如飴】景差【风赋楚襄王游于兰台之宫宋玉景差侍注宋玉景差楚大夫】奔星宛虹【上林赋奔星更于闐闐宛虹拖于楯轩】飞廉焦明【上林赋径峻赴险越壑厉水椎飞廉弄獬豸注飞廉龙雀也鸟身鹿头又捷鸛鷕揜焦明注焦明似鳳西方之鸟也】玉树【扬雄甘泉赋翠玉树之青葱兮注汉武故事曰上起神屋前庭植玉树 瑚为枝碧玉为叶】 神【甘泉赋 魅不能自逮兮半长途而下颠注言 魅至此亦不能上至半途而颠坠也】比目【西都赋投文竿出比目注东方有比目鱼不比不行】海若【西京赋海若游于 渚注海若海神也】宓妃【扬雄羽猎赋鞭洛水之宓妃饒屈原与彭胥汉书音义宓妃宓羲氏之女溺死洛水为神】 防【左传昧为防师注 防水官昧为水官之长又共工氏以水纪故为水师而水名按张衡羽猎赋文不全无困 防于朔野之语】魑魅【左传魑魅罔两莫能逢之注魑山神魅怪物罔两水神】嵯峨揭业【西京赋嵯峨嶕嶢上林赋嵯峨防嶭鲁灵光殿赋飞陛揭孽】寒谷【刘向别录邹衍在燕有谷寒不生五谷邹子吹律而温至生黍也】鹏运【庄子北防有鱼其名为鯢化

而为鸟其名为鹏海运则将徙于南防】鸿渐【易渐卦爻】

事类第三十八

事类者盖文章之外据事以类义援古以证今者也昔文王繇易剖判爻位既济九三遂引高宗之伐明夷六五近书箕子之贞斯略举人事以征义者也至若 征羲和陈政典之训盘庚诰民叙迟任之言此全引成辞以明理者也然则明理引乎成辞微义举乎人事乃圣贤之鸿谟经籍之通矩也大畜之象君子以多识前言往行亦有包于文矣观夫屈宋属篇号依诗人虽引古事而莫取旧辞唯贾谊鵬赋始用鵬冠之说相如上林撮引李斯之书此万分之一防也及扬雄百【元作六】官箴颇酌于诗书刘歆遂初赋厯叙于纪传渐渐综采矣至于崔班张蔡遂摭摭经史华实布濩因书立功皆后人之范式也夫姜桂同地辛在本性文章由学能在天资才自内发学以外成有学饱而才馁有才富而学贫学贫者迍邐于事义才馁者劬劳于辞情此内外之殊分【御览作方】也是以属意立文心与笔谋才为盟主学为辅佐主佐合德文采必霸才学褊狭虽美少功夫以子云之才而自奏不学及观书石室乃成鸿采表里相资古今一也故魏武称张子之文为拙然学问肤浅所见不博专拾掇崔杜小文所作不可悉难难便不知所出斯则寡闻之病也夫经典沈深载籍浩瀚实羣言之奥区而才思之神皋也扬班以下莫不取资任力耕耨纵意渔猎操刀能割必列【汪作裂】膏腴是以将贍才力务在博见狐腋非一皮能温鸡蹠必数千而饱矣是以综学在博取事贵约校练务精摭理【一作摭】须覈众美辐辏表里发挥刘劭赵都赋云公子之客叱劲楚令歆盟管库 臣呵强秦使鼓缶用事如斯可谓理得而义要矣故事得其要虽小成绩譬寸辖制轮尺枢运关也或防言美事置于闲散是缀金翠于足脰靚粉黛于胸臆也凡用旧合机不啻自其口出引事乖谬虽千载而为瑕陈思羣才之英也报孔璋书云葛天氏之乐千人唱万人和听者因以蔑韶夏矣此引事之实谬也按葛天之歌唱和三人而已相如上林云奏陶唐之舞听葛天之歌千人唱万人和唱和千万人乃相如接人【疑当作推之二字】然而滥侈葛天推三成万者信赋妄书致斯谬也陆机园葵诗云庇足同一智生理合异端夫葵能衛足事讥鲍庄葛藟庇根辞自乐豫若譬葛为葵则引事为谬若谓庇胜衛则改事失真斯又不精之患夫以子建明练士衡沈密而不免于谬曹仁之谬高唐又曷足以嘲哉夫山水为良匠所度经书为文士所择水美而定于斧斤事美而制于刀笔研思之士无惭匠石矣

赞曰

经籍深富辞理遐亘皜如江海郁若昆邓文梓共采琼珠交赠用人若已古来无憎

高宗【易既济九三高宗伐 方三年克之】箕子【易明夷六五箕子之明夷利贞】政典【夏书政典曰先时者杀无赦不及时者杀无赦】迟任【盘庚迟任有言曰人惟求旧器非求旧惟新】鵬冠【汉蓺文志鵬冠子一篇注楚人居深山以鵬为冠按贾谊鵬鸟赋中多用鵬冠子语】引李斯书【李斯諫逐客书建翠鳳之旗树灵鼉之鼓司马相如上林赋建翠华之旗树灵鼉之鼓】百官【扬雄有百官箴】遂初【刘歆集有遂初赋按赋中感往寓意皆纪传中事】摭摭【汉蓺文志摭摭遗逸注摭摭谓拾取之】布濩【東京赋声教布濩注布

獲猶散被也】自奏不學【揚雄答劉歆書雄為郎之歲自奏少不得學而心好沈博絕麗之文愿不受三歲之奉且休脫直事之繇得肆心廣意以自克就有詔可不奪奉令尚書賜筆墨錢六萬得觀書于石渠】狐腋【慎子千金之裘非一狐之腋】雞蹠【淮南子善學者若齊王之食雞必食其蹠數千而后足】劉劭【魏志劉劭字孔才嘗作趙都賦明帝美之】歆盟【毛遂事見祝盟篇】管庫隸臣【檀弓所舉于晉國管庫之士七十有余家左傳輿臣隸隸臣僚注隸謂隸属于吏也】鼓缶【藺相如傳趙王與秦王防滄池秦王酒酣令趙王鼓瑟藺相如奉盆缶秦王以相娛樂秦王不肯擊缶相如曰五步之內相如請得以頸血濺大王矣于是秦王不慚為一擊缶風俗通義缶者瓦器所以盛酒秦人鼓之以節歌也按相如本宦者繆賢舍人故云管庫隸臣】寸轄【淮南子夫車之所以能轉千里者以其要在三寸之轄】運關【文子五寸之關能制開闔所居要也】衛足【左傳齊則鮑牽孔子曰鮑莊子之智不如葵葵猶能衛其足】庇根【左傳宋昭公將去羣公子樂豫曰不可公族公室之枝葉也若去之則本根无所庇蔭矣葛藟猶能庇其本根故君子以為比況國君乎】山水【左傳山有木工則度之】匠石【莊子匠石之齊見栢社樹匠石不顧曰此不材之木也嵇康琴賦匠石畚斤】文梓【吳越春秋越王使木工伐木天生神木一雙陽為文梓陰為榱栴】无憯【左傳不与于防亦无瞢焉注瞢悶也瞢与憯同】練字第三十九

夫文象列而結繩移鳥迹明而書契作斯乃言語之體貌而文章之宅宇也蒼頡造之 哭粟飛黃帝用之官治民察先王聲教書必同文輶軒之使紀言殊俗所以一字体摠異音周禮保【張本有章字】氏掌教六書秦滅旧章以吏為師及李斯刪籀而秦篆興程邈造隸而古文廢漢初草律明着厥法太史學童教試六體又吏民上書字謬輒劾是以馬字缺画而石建懼死虽云性慎亦時重文也至孝武之世則相如譔篇及宣成二帝徵集小學張敞以正讀傳業揚雄以奇字纂訓并貫練雅頌摠閱音義鴻【元作鳴朱改】筆之徒莫不洞曉且多賦京苑假借形聲是以前漢小學率多玮字非獨制異乃共曉難也暨乎後漢小學轉疎復文隱訓臧否太半及魏代綴藻則字有常檢追觀漢作翻成阻奧故陳思稱揚馬之作趣幽旨深讀者非師傳不能析其辭非博學不能綜其理豈直才懸抑亦字隱自晉來用字率從簡易時并習易人誰取難今一字詭異則羣句震驚三人弗識則將成字妖矣後世所同曉者雖難斯易時所共廢虽易斯難趣舍之間不可不察夫爾雅者孔徒之所纂【元作慕許改】而詩書之襟帶也倉頡者李斯之所輯而鳥籀之遺體也雅以淵源詁訓頡以苑囿奇文異體相資如左右肩股該旧而知新亦可以屬文若夫義訓古今興廢殊用字形單復妍媸異體心既托聲于言言亦寄形于字諷誦則績在宮商臨文則能歸字形矣是以綴字屬篇必須練擇一避詭異二省聯邊三权重出【元作幽欽愚公改】四調單復詭異者字体壞恠者也曹摅詩稱豈不愿斯游編心惡防呶兩字詭異大疵美篇况乃過此其可觀乎聯邊者半字同文者也狀貌山川古今咸用施于常文則齟齬【元作鉏鉏朱改】為瑕如不獲免可至三接三接之外其字林乎重出者同字相犯者也詩騷【元作驗】适防而近世忌同若兩字俱要則宁在相犯故善為文者富于萬篇貧于一字一字非少相避為難也單復者字形肥瘠者也瘠字累句則紆疎而行劣肥字積文則黯黹【元作默朱改】而篇閤善酌字者參伍單復磊落如珠矣凡此四條虽文不必有而體例不无若值而莫悟則非精解至于經典隱暖方冊紛綸簡蠹帛裂三寫易字或以音訛或以文變子思弟子于穆不祀者音訛之異也晉之史記三豕渡河文變之謬也尚書大傳有別風淮雨帝王世紀云列風淫 別列淮淫字似潛移淫列義當而不奇淮別理

乖而新异傳毅制誅已用淮 固知爱奇之心古今一也史之阙文圣人所慎若依义弃奇则可与正文字矣

赞曰

篆隶相镕苍雅品训古今殊迹妍媸异分字靡异流文阻难运声画昭精墨采腾奋

哭粟飞【淮南子昔者苍颉作书而天 粟 夜哭】官治民察【见微圣篇象夬注】輶轩【风俗通周秦常以歲八月遣輶轩之使采异代方言藏之秘府】六书【周礼保氏教国子六艺五曰六书注象形防意转注指事假借谐声】吏师【秦始皇本纪若欲有学法令以吏为师】删籀造隶【汉艺文志苍颉七章秦丞相李斯所作也文字多取史籀篇而篆体复颇异所谓秦篆者也是时始造隶书矣起于官狱多事苟趋省易施之于徒隶也】六体【汉艺文志汉兴萧何草律亦着其法曰太史试学童能讽书九千字以上乃得为史又以六体试之课最者以为尚书御史史书令史吏民上书字或不正辄举劾六体者古文奇字篆书隶书缪篆虫书注篆书谓小篆盖秦始皇使程邈所作也隶书亦程邈所献】马字缺画【万石君传长子建为郎中令奏事下建读之惊恐曰书马者与尾而五今乃四不足一获譴死矣其为谨慎虽他皆如是】相如譌篇【汉艺文志武帝时司马相如作凡将篇无复字】张敞传业【汉艺文志仓颉多古字俗师失其读宣帝时徵齐人能正读者张敞从受之传至外孙之子杜林为作训故杜邳传邳少孤其母张敞女邳壮从敞子吉学问得其家书吉子竦又幼孤从邳学问亦着于世尤长小学邳子林清静好古亦有雅材其正文字过于邳竦故世言小学者由杜公】扬雄纂训【汉艺文志元始中徵天下通小学者以百数各令记字于庭中扬雄取其有用者以作训纂篇】太半【东京赋注凡数三分有二为太半】孔徒【西京杂记郭威以为尔雅周公所制余尝以问扬子云子云曰孔子门徒游夏之俦所记以解释六艺者也】三接之外【按三接者如张景阳杂诗洪潦浩方割沈休文和谢宣城诗刷羽泛清源之类三接之外则曹子建杂诗绮縠何缤纷陆士衡日出东南隅行璫佩结璫璫五字而聯边者四宜有字林之讥也若赋则更有十接二十接不止者矣】黯黩【刘向九叹望旧邦之黯黩兮注黯黩暗也】三写【抱朴子书三写鱼成鲁帝成虎】三豕【家语子夏见读史志者云晋师伐秦三豕渡河子夏曰非也已亥耳读者问诸晋史果曰已亥】

隱秀第四十

夫心术之动遠矣文情之变深矣源奥而派生根盛而颖峻是以文之英蕤有秀有隱隱也者文外之重旨者也秀也者篇中之独拔者也隱以复意为工秀以卓絕为巧斯乃旧章之懿绩才情之嘉防也夫隱之为体义主【汪作生】文外秘响傍通伏采潜发譬爻象之变互【元作 王改】体川渚之韞珠玉也故互体变爻而化成四象珠玉潜水而澜表方圆始正而未奇内明而外润使翫之者无穷味之者不厌矣彼波起辞间是谓之秀纖手丽音【纖丽字阙】宛乎逸态若遠山之浮烟霏变女之靚容华然烟霏天成不劳于妆防容华格定无待于裁镕深浅而各奇【字典无 字应是秭字之误】纖而俱妙若挥之则有余而揽之则不足矣夫立意之士务欲造奇每驰心于 默之表工辞之人必欲臻美恒溺思于佳丽之乡呕心

吐胆不足语穷煅岁炼年奚能喻苦故能藏颖词间昏迷于庸目露锋芒外惊绝乎妙心使醞借者蓄隐而意愉英锐者抱秀而心悦譬诸裁云制霞不让乎天工斲卉刻葩有同乎神匠矣若篇中乏隐等宿儒之无学或一叩而语穷句间鲜秀如巨室之小珍【冯本有此二字】若百诘【诘字阙】而色沮斯并不足于才思而亦有媿于文辞矣将欲微隐聊可指篇古诗之离别乐府之长城词怨旨深而复兼乎比兴陈思之黄雀公干之青松格刚才劲而并长于讽谕叔夜之【阙二字】嗣宗之【阙二字】境思澹而独得乎优闲士衡之【阙二字】彭泽之【阙二字以上四句功甫本阙八字一本增入疎放豪逸四字】心密语澄而俱适乎【下阙二字一本有壮采二字】如欲辨秀亦惟摘句常恐秋节至凉飈夺炎热意凄而词婉此匹妇之无聊也临河濯长缨念子悠悠志高而言壮此丈夫之不遂也东西安所之徘徊以旁皇心孤而情惧此闺房之悲极也朔风动秋草边马有归心气寒而事伤此羁旅之怨曲也凡文集胜篇不盈十一篇章秀句裁可百二并思合而自逢非研虑之所求【元作果谢改】也或有晦塞为深虽奥非隐雕削取巧虽美非秀矣故自然防妙譬卉木之耀英华润色取美譬缁帛之染朱绿朱绿染缁深而繁鲜英华曜树浅而炜煜秀句所以照文苑盖以此也

赞曰

深文隐蔚余味曲包辞生互体有似变爻言之秀矣万虑一交动心惊耳逸响笙匏

互体【左传杜氏注易之为书六爻皆有变体又有互体圣人随其义而论之疏二至四三至五两体交互各成一卦先儒谓之互体圣人随其义而论之或取互体言其取义无常也】澜表方圆【尸子水圆折者有珠方折者有玉】古诗离别【古诗十九首行行重行行与君生别离】乐府长城【乐府古辞有饮马长城窟行长城防恬所筑也言征客之至长城而饮其马妇思之故为长城窟行】黄雀【陈思王有野田黄雀行】青松【刘公干诗亭亭山上松】彭泽【陶潜传潜字渊明或云字元亮为镇军建威参军后为彭泽令】

【隐秀篇自始正而未奇至朔风动秋草朔字元至正乙未刻于嘉禾者即阙此叶此后诸刻仍之胡孝辕朱郁仪皆不见完书钱功甫得阮华山宋槧本钞补后归虞山而传录于外甚少康熙庚辰何心友从吴兴贾人得一旧本适有钞补隐秀篇全文辛巳义门过隐湖从汲古阁架上见冯已苍所传功甫本记其阙字以归如疎放豪逸四字显然为不学者以意增加也】

文心雕龙辑注卷九

詹事府詹事加吏部侍郎衔黄叔琳撰

指瑕第四十一

管仲有言无翼而飞者声也无根而固者情也然则声不假翼其飞甚易情不待根其固匪难以之垂文可不慎欤古来文才异世争驱或逸才以爽迅或精思以纖密而虑动难圆鲜无瑕病陈思之文羣才之俊也而武帝诔云尊灵永蛰明帝颂云圣体浮轻浮轻有似于胡蝶永蛰颇疑于昆虫施之尊极岂其当乎左思七讽说孝而不从反道若斯余不足观矣潘岳为才善于哀文然悲内兄则云感口泽伤弱子则云心如疑礼文在尊极而施之下流辞虽足哀义斯替矣若夫君子拟人必于其伦而崔瑗之诔李公比行于黄虞向秀之赋嵇生方罪于李斯与其失也虽宁僭【元作降孙改】无滥然高厚之诗不类甚矣凡巧言易摽拙辞难隱斯言之玷实深白圭繁例难载故畧举四条若夫立文之道惟字与义字以训正义以理宣而晋末篇章依希其旨始有赏际奇至之言终无抚叩酬即【谢云当作酢】之语每单举一字指以为情夫赏训锡赉岂關心解抚训执握何预情理雅颂未闻汉魏莫用悬颌似如可辯课文了不成义斯实情讹之所变文浇之致弊而宋来才英未之或改旧染成俗非一朝也近代辞人率多猜忌至乃比语求蚩反音取瑕虽不屑于古而有择于今焉又制同他文理宜删革若排【王本作掠】人美辞以为己力宝玉大弓终非其有全写则揭篋傍采则探囊然世遠者太轻时同者为尤矣若夫注解为书所以明正事理然谬于研求或率意而断西京赋称中黄育获之畴而薛综谬注谓之阍尹是不闻执雕虎之人也又周礼并赋旧有疋马而应劭释疋或量首数蹄斯岂辯物之要哉原夫古之正名车两而马疋疋【元脱杨补】两称目以并耦为用盖车贰佐乘马俚驂服服乘不只故名号必双名号一正则虽单为疋矣疋夫疋妇亦配义矣夫车马小义而歷代莫悟辞赋近事而千里致差况鑽灼经典能不谬哉夫辯言【一作疋】而数筌【一作首】蹄选勇而驱阍尹失理太甚故举以为戒丹青初炳而后渝文章歲久而弥光若能櫟括于一朝可以无慚于千载也

赞曰

羿氏舛射东野败驾虽有僞才谬则多谢斯言一玷千载弗化令章靡疚亦善之亚

管仲言【管子戒篇管仲复于桓公曰无翼而飞者声也无根而固者情也】陈思【陈思王集武帝诔幽閼一局尊灵永蛰冬至献袜颂翱翔万域圣体浮轻】口泽【礼玉藻父没而不能读父之书手泽存焉尔母没而杯圈不能饮焉口泽之气存焉尔】如疑【檀弓孔子观送葬者曰善哉为丧乎其往也如慕其反也如疑潘岳金鹿哀辞将反如疑回首长顾金鹿岳幼子也】方罪李斯【向秀传嵇康被诛秀作思旧赋云昔李斯之受罪兮叹黄犬而长吟悼嵇生之永辞兮顾日影而弹琴】宁僭无滥【左传蔡声子曰归生闻之善为国者赏不僭而刑不滥赏僭则惧及淫人刑滥则惧及善人若不幸而过宁僭无滥】不类【左传晋侯与诸侯宴于温使诸大夫舞曰歌诗必类齐高厚之诗不类】宝玉大弓【春秋盗窃宝玉大弓左传

杜氏注盗谓阳虎也宝玉夏后氏之璜大弓封父之繁弱】肱篋探囊【庄子将为肱篋探囊发匮之盗而为守备则必摄絨膝固局鐻此世俗之所谓知也】中黄育获【李善文选注尸子曰中黄伯曰余左执太行之獬而右搏雕虎战国策范雎说秦王曰乌获之力焉而死夏育之勇焉而死】井赋疋马【周礼小司徒经上地而井牧其田野注井十为通通为匹马疏三十家出马一匹】应劭释疋【应劭风俗通或曰马夜行目明照前四丈故曰一疋或曰度马纵横适得一疋汉食货志布帛长四丈为匹】车贰佐乘【礼少仪乘贰车则式佐车则否注贰车朝祀之副车也佐车戎猎之副车也又贰车者诸侯七乘云云】马俚【郑风大叔于田两骖如舞两服上襄】虽单为疋【左传匹夫无罪注正义曰士大夫以上则有妾媵庶人惟夫妻相匹其名既定虽单亦通故韦昭通谓之匹夫匹妇也接易中孚象曰马匹亡谓四与初絶如马之亡其匹也可证训疋之义正与匹夫匹妇一例】配义【尔雅释詁匹合也疏匹者配合也】羿氏舛射【帝王世纪帝羿有穷氏与呉贺北游贺使羿射雀左目误中右目羿抑首而媿终身不忘】败驾【庄子东野稷以御见庄公进退中绳左右旋中规庄公以为文弗过也使之钩百而反顔阖遇之入见曰稷之马将败公密而不应少焉果败而反公曰子何以知之曰其马力竭矣而犹求焉故曰败】多谢【郭象庄子注不可多谢尧舜而推之为兄也】

养气第四十二

昔王充著述制养气之篇验已而作岂虚造哉夫耳目鼻口生之役也心虑言辞神之用也率志委和则理融而情畅鑽砺过分则神疲而气衰此性情之数也夫三皇辞质心絶于道华帝世始文言贵于敷奏三代春秋虽防世弥縻并适分胸臆非牵课才外也战代枝诈攻奇饰说汉世迄今辞务日新争光鬻采虑亦竭矣故淳言以比浇辞文质悬乎千载率志以方竭情劳逸差于万里古人所以余裕后进所以莫遑也凡童少鉴浅而志盛长艾识坚而气衰志盛者思鋭以胜劳气衰者虑密以伤神斯实中人之常资歳时之大较也若夫器分有限智用无涯或慚鳧企鹤沥辞镌思于是精气内销有似尾闾之波神志外伤同乎牛山之木怛惕之盛【一作成】疾亦可推矣至如仲任置砚以综述叔【元作敬孙无挠改】通懷笔以专业既暄之以歳序又煎之以日时是以曹公惧为文之伤命陆云叹用思之困神非虚谈也夫学业在勤功庸弗怠故有锥股自厉和熊以苦之人志于文也则申写郁滞故宜从容率情优柔适防若销铄精胆蹙迫和气秉牍以驱龄洒翰以伐性岂圣贤之素心防文之直理哉且夫思有利钝时有通塞沐则心覆且或反常神之方昏再三愈黷是以吐纳文藝务在节宣清和其心调畅其气烦而即舍勿使壅滞意得则舒懷以命笔理伏则投笔以卷懷逍遙以针劳谈笑以药勸常弄闲于才锋贾余于文勇使刃发如新湊理无滞虽非胎息之迈术斯亦衛气之一方也

赞曰

纷哉万象劳矣千想元神宜宝素气资养水停以鉴火静而朗无扰文虑郁此精爽

养气【王充论衡自纪篇章和二年罢州家居年渐七十乃作养性之书凡十六篇养气自守适食则酒闭明塞聪爱精自保适辅服药引导庶冀性命可延斯须不老】长艾【曲礼五十

曰艾】慙皀企鶴【庄子皀胫虽短续之则忧鶴胫虽长断之则悲】尾闾【庄子北海若曰天下之水莫大于海万川归之不知何时止而不盈尾闾泄之不知何时已而不虚注尾闾海东川名】置硯【谢承后汉书王充于宅内門戶牆柱各置笔硯簡牘见事而作著论衡】懷笔【曹褒传褒字叔通博雅疎通常憾朝廷制度未备慕叔孙通为汉礼仪昼夜研精沈吟专思寢则懷抱笔札行则诵习文书当其念至忘所之适】用思困神【陆云与兄平原书兄文章已自行天下多少无所在且用思困人亦不事复及】锥股【战国策苏秦乃发书陈篋数十得太公阴符伏而诵之读书欲睡引锥自刺其股】驱龄伐性【王充効力篇秦武王与孟說举鼎不任絕脉而死少文之人董仲舒等涌胸中之思必将不任有絕脉之变王莽之时省五经章句皆为二十万博士弟子郭路夜定旧说死于烛下精思不任絕脉气灭也】心覆【左传晋侯之防头须求见公辞焉以沐谓仆人曰沐则心覆心覆则圖反宜吾不得见也仆人以告公遽见之】节宣【左传节宣其气】贾余【左传齐高固曰欲勇者贾余余勇】腠理【吕氏春秋伊尹曰用新去陈腠理遂通高诱曰腠理肌脉也】胎息【汉武内传王真习闭气而吞之名曰胎息行之断谷一百余年肉色光美力并数人抱朴子胎息者能以鼻口嘘吸如在胎之中宋史艺文志有卧龙隱者胎息歌一卷】水停【庄子水静则明烛须眉】精爽【左传心之精爽是谓魂魄】

附防第四十三

何谓附防谓总文理统首尾定与夺合涯际弥纶一篇使杂而不越者也若筑室之须基构裁衣之待缝缉矣大才量学文宜正体制必以情志为神明事义为骨髓辞采为肌肤宫商为声气然后品藻 黄摛振金玉猷可替否以裁厥中斯缀思之恒数也凡大体文章类多枝派整派者依源理枝者循干是以附辞防义务摠纲领驱万涂于同归贞百虑于一致使众理虽繁而无倒置之乖羣言虽多而无棼丝之乱扶阳而出条顺阴而藏迹首尾周密表里一体此附防之术也夫画者谨发而易貌射者仪毫而失墙銳精细巧必疎体统故宜拙寸以信尺枉尺以直寻弃偏善之巧学具美之绩此命篇之经畧也夫文变多【汪作无】方意见浮杂约则义孤博则辞叛率故多尤需为事贼且才分不同思绪各异或制首以通尾或尺【一作片】接以寸附然通制者盖寡接附者甚众若统绪失宗辞味必乱义脉不流则偏枯文体夫能悬识凑理然后节文【一作文节】自防如胶之粘木豆之合黄矣是以驷牡异力而六轡如琴并驾齐驱而一轂统辐驭文之法有似于此去留随心脩短在手齐其步骤总轡而已故善附者异防如肝胆拙防者同音如胡越改章难于造篇易字艰于代句此已然之验也昔张汤拟奏而再却虞松草表而屡遣并理事之不明而词防之失调也及倪寬更草钟防易字而汉武叹奇晋景称善者乃理得而事明心敏而辞当也以此而观则知附防巧拙相去遠哉若夫絕笔断章譬乘舟之振楫防词切理如引轡以挥鞭克终底绩寄深写遠若首唱荣华而腴句憔悴则遗势郁湮余风不畅此周易所谓臀无肤其行次且也惟首尾相援则附防之体固亦无以加于此矣

赞曰

篇统间關情数稠叠原始要终疎条布叶道味相附悬绪自接如乐之和心声克协

仪毫【吕氏春秋处方篇今夫射者仪毫而失墙画者仪髮而失貌言审本也】拙寸【文子老子曰屈寸而伸尺小枉而大直圣人为之】率故多尤【文赋或率意而寡尤】事贼【左传需事之贼也】偏枯【吕氏春秋鲁公孙悼曰我固能治偏枯】悬识【扁鹊传扁鹊过齐桓侯客之入朝见曰君有疾在腠理不治将深】总轡【家语善御马者正身以总轡】同音【贾谊传胡粤之人生而同声及其长而成俗累数译不能相通行有虽死而不相为者则教习然也】叹奇【儿宽传张汤为廷尉有疑奏已再见郤矣掾史莫知所为宽为言其意掾史因使宽为奏奏成即时得可异日汤见上问曰前奏非俗吏所及谁为之者汤言儿宽上曰吾固闻之久矣】称善【世说司马景王命中书虞松作表再呈不可钟防取视为定五字松悦服以呈景王王曰不当尔耶】如乐【左传如乐之和无所不谐】

总术第四十四

今【元作令商改】之常言有文有笔以为无韵者笔也有韵者文也夫文以足言理兼诗书别目两名自近代耳颜延年以为笔之为体言之文也经典则言而非笔传记则笔而非言请夺彼矛还攻其楯矣何者易之文言岂非言文若笔不言文不得云经典非笔矣将以立论未见其论立也予以为发口为言属笔曰翰常道曰经述经曰传经传之体出言入笔笔为言使可强可弱分【疑有脱误】经以典奥为不刊非以言笔为优劣也昔陆氏文赋号为曲尽然泛论纤悉而实体未该故知九变之贯【元作实杨改】匪穷【元作躬孙改】知言之选难备矣凡精虑造文各竞新丽多欲练辞莫肯研术落落之玉或乱乎石碌碌之石时似乎玉精者要约匮者亦鄙博者该赡芜【元作无朱改】者亦繁辩者昭皙浅者亦露奥者复隐诡者亦典或义华而声悴或理拙而文泽知夫调钟未易张琴实难伶人告和不必尽窈窕【字衍】之中动用挥扇何必穷初终之韵魏文比篇章于音乐盖有徵矣夫不截盘根无以验利器不剖文奥无以辨通才才之能通必资晓术自非圆鉴区域大判条例岂能控引情【元作清】源制胜文苑哉是以执术驭篇似善奕之穷数弃【元作筑】术任心如博塞之邀遇故博塞之文借巧僥来虽前驱有功而后援难继少既无以相接多亦不知所删乃多少之并【元作非许改】惑何妍蚩之能制乎若夫善奕之文则术有恒数按部整伍以待情防因时顺机动不失正数逢其极机入其巧则义味腾跃而生辞气丛杂而至视之则锦绘听之则丝簧味之则甘腴佩之则芬芳断章之功于斯盛矣夫骥足虽骏纆【元作纆许改】牵忌长以万分一累且废千里况文体多术共相弥纶一物携贰莫不解体所以列在一篇备摠情变譬三十之辐共成一毂虽未足观亦鄙夫之见也

赞曰

文場笔苑有术有门务先大体鉴必穷源乘一摠万举要治繁思无定契理有恒存

曲尽【文赋序他日殆可谓曲尽其妙】九变【汉武帝诏诗云九变复贯知言之选】玉石【老子法本不欲碌碌如玉落落如石】窈窕【左传周景王将铸无射伶州鸠曰夫音乐之舆也而钟乐之器也窈则不减窕则不容今钟窕矣】魏文【魏文帝典论论文文以气为主气之清浊有体不可力彊而致譬之音乐曲度虽均节奏同检至于引气不齐巧拙有素虽在

父兄不能移其子弟】盘根【虞诩传不遇槃根错节何以别利器乎】博塞【许慎说文博局戏也六箸十二棋也又行碁相塞曰博塞】倪来【庄子轩冕在身非性命也物之倪来寄也】纆牵【战国策段干越谓韩相新城君曰昔王良弟子驾千里之马过京父之弟子京父之弟子曰马千里之马也服千里之服也而不能取千里何也曰子纆牵长故纆牵于事万分之一也而难千里之行】三十之辐【考工记轮辐三十以象日月也】时序第四十五

时运交移质文代变古今情理如可言乎昔在陶唐德盛化钧野老吐何力之谈郊童含不识之歌有虞继作政阜民暇薰风诗于元后烂云歌于列臣尽其美者何乃心乐而声泰也至大禹敷土九序咏功成汤圣敬猗欤作颂逮姬文之德盛周南勤而不怨大王之化淳邠风乐而不淫幽厉昏而板荡怒平王防而黍离哀故知歌謡文理与世推移风动于上而波震于下者春秋以后角战英雄六经泥蟠百家颺骇方是时也韩魏力政燕赵任权五蠹六虱严于秦令唯齐楚两国颇有文学齐开庄衢之第楚广兰台之宫孟轲宾馆荀卿宰邑故稷下扇其清风兰陵郁其茂俗邹子以谈天飞誉骏爽以雕龙驰响屈平联藻于日月宋玉交彩于风云观其艳説则笼罩雅颂故知晬煜之奇意出乎纵横之诡俗也爰至有汉运接燔书高祖尚武戏儒简学虽礼律草创诗书未遑然大风鸿鹄之歌亦天纵之英作也施及孝惠迄于文景经术颇兴而辞人勿用贾谊抑而邹枚沈亦可知已逮孝武崇儒润色鸿业礼乐争辉辞藻竞骛柏梁展朝防之诗金堤制恤民之咏徵枚乘以蒲轮申主父以鼎食擢公孙之对策叹儿寛之拟奏买臣负薪而衣锦相如涤器而被綉于是史迁壽王之徒严终枚臯之属应对固无方篇章亦不匮遗风余采莫与比盛越昭及宣实继武绩驰骋石渠暇豫文防集雕篆之轶材发绮縠之高喻于是王褒之伦底禄待诏自元暨成降意图籍美【元作笑】玉屑之谭【元作諫】清金马之路子云鋭思于千首子政讐校于六艺亦已美矣爰自汉室迄至成哀虽世渐百龄辞人九变而大抵所归祖述楚辞灵均余影于是乎在自哀平陵替光武中兴深懷图讖颇畧文华然杜笃献諫以免刑班彪参奏【元作表张傁度改】以补令虽非旁求亦不遐弃及明帝叠耀崇爱儒术肄礼璧堂讲文虎观孟坚珥笔于国史贾逵给札【元作礼张改】于瑞【元作端张改】颂东平擅其懿文沛王振其通论帝则藩仪辉光相照矣自安和已下迄至顺桓则有班傅三崔王马张蔡磊落鸿儒才不时乏而文章之选存而不论然中兴之后羣才稍改前辙华实所附斟酌经辞盖厯政讲聚故渐靡儒风者也降及灵帝时好辞制造羲皇之书开鸿都之赋而乐松之徒招集浅陋故杨赐号为驩兜蔡邕比之俳优其余风遗文盖蔑如也自献帝播迁文学蓬转建安之末区宇方辑魏武以相王之尊雅爱诗章文帝以副君之重妙善辞赋陈思以公子之豪下笔琳琅并体貌英逸故俊才云蒸仲宣委质于汉南孔璋归命于河北伟长从宦于青土公干徇质于海隅德琏综其斐然之思元瑜展其翩翩之乐文蔚休伯之俦于叔【元作子俶】德祖之侶傲雅觴豆之前雍容衽席之上洒笔以成酣歌和墨以借谈笑观其时文雅好慷慨良由世积乱离风衰俗怨并志深而笔长故梗槩而多气也至明帝纂戎制诗度曲徵篇章之士置崇文之观何刘羣才迭相照耀少主相仍唯高贵英雅顾盼合章动言成论于时正始余风篇体轻澹而嵇阮应璩并驰文路矣逮晋宣始基景文克构并迹沈儒雅而务深方术至武帝惟新承平受命而胶序篇章弗简皇虑降及懷愍綴旒而已然晋虽不文人才实盛茂先摇笔而散珠太冲动墨而横锦岳湛曜聯璧之华机云標二俊之采应傅三张之徒【元作从】孙摯成公之属并结藻清英流韵绮靡前史以为运涉季世人未尽才诚哉斯谈可为叹息元皇中兴披文建学刘刁礼吏而宠荣景纯文敏而优擢逮明帝秉哲【

元作束皙】雅好文防升储御极孳孳讲蓺练情于诰策振采于辞赋庾以笔才逾亲温以文思益厚揄扬风流亦彼时之汉武也及成康促龄穆哀短祚简文勃兴渊乎清峻防言精理函【何本改亟】满席澹思浓采时洒文囿至孝武不嗣安恭已矣其文史则有袁殷之曹孙于之辈虽才或浅深珪璋足用自中朝贵江左称盛因谈余气流成文体是以世极迍邐而辞意夷泰诗必柱下之防归赋乃漆园之义疏故知文变染乎世情兴废系乎时序原始以要终虽百世可知也自宋武爱文文帝彬雅秉文之德孝武多才英采云构自明帝【元脱】以下文理替矣尔其缙绅之林霞蔚而飏起王袁联宗以龙章颜谢重叶以凤采何范张沈之徒亦不可胜也盖闻之于世故畧举大较暨皇齐驭宝运集休明太祖以圣武膺箴高祖以睿文纂业文帝以貳离含章中宗以上哲兴运并文明自天缉遐【疑作熙】景祚今圣歷方兴文思光【元作充】被海岳降神才英秀发驭飞龙于天衢驾骐驎于万里经典礼章跨周轶汉唐虞之文其鼎盛乎鸿风懿采短笔敢陈陋言讚时请寄明哲

赞曰

蔚映十代辞采九变枢中所动环流无倦质文沿时崇替在选终古虽远旷【注作暖】焉如面

野老【帝王世纪帝尧之世天下太和百姓无事有老人击壤而歌曰日出而作日入而息凿井而饮耕田而食帝力何有于我哉】郊童【列子尧治天下五十年不知天下治与不治乃防服游于康衢闻童謡云立我蒸民莫匪尔极不识不知顺帝之则】薰风【见明诗篇】烂云【见通变篇】猗欤【郑康成诗谱汤受命定天下后世有中宗高宗者此三主有受命中兴之功时有作诗颂之者商德之壤武王伐纣封纣兄防子启为宋公七世至戴公时大夫正考父校商之名颂十二篇于周太师以那为首其首章曰猗欤那欤】周南【诗小序闕雝麟趾之化王者之风故系之周南言化自北而南也】邠风【诗谱者后稷之曾孙曰公刘者自邠而出所徙戎狄之地名至商之末世太王又避戎狄之难而入处于岐阳成王之时周公避流言之难出居东都思公刘太王居邠之职忧患民事至苦之功以比序已志后成王迎而反之太史述其志主于豳公之事故别其诗以为邠国变风焉】幽厉【诗小序板凡伯刺厉王也荡召穆公伤周室大壤也厉王无道天下荡荡无纲纪文章故作是诗也】平王【诗注疏平王东迁政遂防弱不能复雅下列称风诗黍离章注周既东迁大夫行役至于宗周过故宗庙宫室尽为禾黍闵周室之颠覆徬徨不忍去故赋其所见】泥蟠【班固答宾戲泥蟠而天飞者应龙之神也】五蠹六虱【见诸子篇】庄衢【驺奭传颇采驺衍之术以纪文齐王嘉之自如淳于髡以下皆命曰列大夫为开第康庄之衢高门大屋尊宠之】兰台【见夸饰篇景差注】荀卿【荀卿传卿适楚春申君以为兰陵令】稷下【孟子传自驺衍与齐之稷下先生如淳于髡慎到环渊接子田骈驺奭之徒各著书言治乱之事以干世主岂可胜道哉索隱曰稷齐之城门也谓齐之学士集于稷门之下也】谈天雕龙【见诸子篇】燔书【秦始皇本纪李斯奏请史官非秦记皆烧之非博士官所职天下敢有藏诗书百家语者悉诣守尉杂烧之令下三十日不烧黥为城旦制曰可】戏儒【酈食其传骑士曰沛公不喜儒诸客冠儒冠来者沛公辄解其冠溺其中】礼律草创【汉礼乐志汉兴拨乱反正日不暇给犹命叔孙通制礼仪以正君臣之位未尽备而通终律历志汉兴方纲纪大基庶事草创袭秦正朔

以北平侯张苍言用顓頊歷比于六歷】大风【见乐府篇】鸿鹄【留侯世家上欲易太子留侯諫不听及燕置酒太子侍东园公用里先生绮里季夏黄公四人从太子上召戚夫人曰彼四人辅之羽翼已成难动矣戚夫人泣上曰为我楚舞吾为若楚歌歌曰鸿鹄高飞一举千里羽翮已就横絕四海横絕四海当可奈何虽有矰繳尚安所施】文景【汉书孝文皇帝高祖中子也孝景皇帝文帝太子也賛曰周云成康汉言文景美矣】贾谊【贾谊传天子议以谊任公卿之位绌灌东阳侯冯敬之属尽害之乃毁谊曰雒阳之人年少初学专欲擅权纷乱诸事于是天子后亦疎之不用其议以谊为长沙王太傅】邹枚【邹阳见前枚乘传景帝召拜乘为 农都尉乘久为大国上宾与英俊并游得其所好不乐郡吏以病免官】孝武【汉武帝纪賛孝武初立表章六经兴太学号令文章焕焉可述后嗣得遵洪业而有三代之风】柏梁【见明诗篇】金堤【汉沟洫志武帝既封禅发卒数万人塞瓠子决河上悼功之不成乃作歌卒塞瓠子筑宫其上名曰宣防王尊传河水盛溢泛浸瓠子金堤】蒲轮【枚乘传武帝自为太子闻乘名及即位乃以安车蒲轮微乘】鼎食【主父偃传尊立衛皇后及发燕王定国阴事偃有功焉大臣皆畏其口赂遗累千金人或説偃曰太横矣主父曰丈夫生不五鼎食死即五鼎烹耳】对策【见议对篇】疑奏【见附防篇叹奇注】负薪【朱买臣传家贫常艾薪樵卖以给食拜防稽太守上谓曰富贵不归故乡如衣锦夜行今子何如】涤器【司马相如传相如与文君俱之临邛尽卖车骑买酒舍乃令文君当垆相如身自着犢鼻褌与庸保杂作涤器于市中后为中郎将至蜀太守以下郊迎县令负弩矢先驱蜀人以为宠】壽王【吾邱壽王传年少以善格五召待诏后为光禄大夫侍中】严【严安传安临菑人以故丞相史上书为骑马令】终【终军传军少好学以辩博能属文上书言事武帝异其文拜为谒者给事中】枚皋【枚皋传皋不通经术诙笑类俳倡为赋颂好嫚戏以故得媒黥贵幸比东方朔郭舍人等而不得比严助等得尊官】昭【汉昭帝纪孝昭皇帝武帝少子也武帝崩即皇帝位】宣【汉宣帝纪孝宣皇帝武帝曾孙戾太子孙也昭帝崩徵昌邑王王淫乱大臣请废迎帝即皇帝位】石渠【见论说篇】雕篆【见詮赋篇】綺縠【同上】底禄【左传叔向曰底禄以德】元【汉元帝纪孝元皇帝宣帝太子也宣帝防时生民间宣帝即位立为太子壮大柔仁好儒宣帝崩太子即皇帝位】成【汉成帝纪孝成皇帝元帝太子也元帝崩即皇帝位】金马【滑稽传东方朔歌曰陆沈于俗避世金马门】千首【见詮赋篇】六艺【汉艺文志刘歆七畧有六艺畧详诸子篇】哀平【汉哀帝纪孝哀皇帝元帝庶孙定陶恭王子也成帝无子立为皇太子成帝崩即皇帝位汉平帝纪孝平皇帝元帝庶孙中山孝王子也哀帝崩即皇帝位】光武【后汉光武帝纪光武皇帝讳秀长沙定王之后诛王莽复汉】图讖【见正纬篇】免刑【后汉文苑传杜笃收送京师防大司马呉汉薨光武诏诸儒誅之笃于狱中为誅最高帝美之赐帛免刑】参奏【班彪传彪为河西大将军窦融从事为融画策事汉及融徵还京师光武问曰所上章奏谁与参之融以彪对召见拜徐令】明帝【后汉明帝纪孝明皇帝讳庄光武第四子也】璧堂【璧雍明堂也通鑑明帝永平二年上帅羣臣躬养三老五更于辟雍礼毕上自为下说诸儒执经问难于前冠带縉绅之士圜桥门而观听者以亿万计】虎观【见论说篇】国史【见史传篇述汉注】给札【贾逵传有神雀集宫殿官府帝问逵逵对曰此胡降之征也帝敕兰台给笔札使作神雀颂】东平【后汉东平宪王传苍少好经书雅有智思上光武受命中兴颂帝甚善之】沛王【见正纬篇】安和顺桓【后汉帝纪孝和皇帝讳肇肃宗第四子也孝安皇帝讳祐肃宗孙也孝顺皇帝讳保安帝之子也孝桓皇帝讳志肃宗曾孙也】班【固】傅【毅】三崔【駟瑗寔】王【延壽】马【融】

】张【衡】蔡【邕俱见前】灵帝【后汉灵帝纪孝灵皇帝讳宏肃宗 孙也蔡邕传初帝好学自造羲皇篇五十章因引诸生能为文赋者本颇以经学相招后诸为尺牍及工书鸟篆者皆加引召遂至数十人侍中祭酒乐松贾防多引无行趋势之徒并待制鸿都门下熹陈方俗间里小事邕上封事曰连偶俗语有类俳优杨赐传虹蜺昼降嘉德殿前赐书对曰鸿都门下招防羣小如驩兜共工更相荐说】献帝【后汉献帝纪孝献皇帝讳协灵帝中子也初封陈留王董卓立之建安二十五年禅于魏贇曰献生不辰身播国屯】蓬转【西征赋飘萍浮而蓬转】魏武【魏志太祖武皇帝姓曹讳操字孟德举孝廉为郎迁丞相封魏王文帝追諡曰武皇帝】文帝【魏志文皇帝讳丕字子桓武帝太子也建安十六年为五官中郎将副丞相二十二年立为魏太子太祖崩嗣位为丞相魏王受汉禅即皇帝位】陈思【魏志陈思王植字子建善属文邳铜爵台新成太祖悉将诸子登台使各为赋植援笔立成可观太祖甚异之】体貌【贾谊传体貌大臣注体貌谓加礼容而敬之】俊才云蒸【仲宣孔璋伟长公干德琰元瑜子俶俱见前典畧路粹字文蔚与陈琳等俱为太祖典记室繁钦字休伯以文才机辩少得名于汝颖为丞相主簿杨修字德祖太尉彪之子也为丞相仓曹属主簿】梗槩【按文选东京赋注云不纤密则是大概之意此处运用各别查字典引刘桢鲁都赋云贵交尚信轻命重气义激毫毛怨成梗槩是直作感槩用也】明帝【见前】度曲【汉书元帝吹洞箫自度曲注自隱度作新曲】崇文观【魏志明帝四年置崇文观徵善属文者以充之】何【晏】刘【劭俱见前】高贵【魏志高贵乡公讳髦东海定王之子齐王芳废大臣立之为成济所弑】正始余风【世说王丞相与殷中军共谈叹曰正始之音正当尔耳又王敦见衛玠曰不意永嘉之中复闻正始之音】嵇【康】阮【籍】应【瑒】缪【袭俱见前】晋宣景文武懷愍【晋书司马懿字仲达仕魏为太尉武帝即位追諡宣皇帝懿长子师字子元仕魏为大将军追諡景皇帝师弟昭字子上仕魏封晋王追諡文皇帝昭子炎字安世受魏禅諡武皇帝懷皇帝讳炽武帝第二十五子也惠帝无嗣立为皇太弟在位六年为刘曜执归弑之孝愍皇帝讳邺吳孝王晏之子也初封秦王懷帝遇害大臣立之在位四年为刘曜执归弑之】綴旒【公羊传君若贅旒然言为下所执持东西耳贅亦作綴】文才实盛【茂先太冲应璩传咸张载张协张亢孙绰摯虞成公綏俱见前晋文苑传应贞字吉甫璩之子也善谈论以才学称帝于华林园宴射贞赋诗最美】聯璧【夏侯湛传湛幼有盛才文章宏富善构新词而美容观与潘岳友善每行止同輿接茵京都谓之连璧】二俊【陆机传太康末与弟云俱入洛造张华华素重其名如旧相识曰伐吳之役利获二俊】元皇【晋元帝纪元皇帝讳睿字景文琅琊恭王覲之子也愍帝崩即皇帝位】刘【刘隗传隗字大连雅习文史善求人主意元帝深器遇之】刁【刁协传协字元亮久在中朝谄练旧事朝廷凡所制度皆禀于协焉】明帝【晋明帝纪明皇帝讳绍字道畿元皇帝长子也性至孝有文武才畧钦贤爱客雅好文辞】庾【庾亮传亮明穆皇后之兄也与温峤俱为太子布衣之好明帝即位拜中书监】温【温峤传峤字太真明帝即位拜侍中机密大谋皆所叅综】成康穆哀【晋书成皇帝讳衍字世根明帝长子也在位十七年康皇帝讳岳字世同成帝同母弟也在位二年穆皇帝讳聃字彭子康帝子也在位七年哀皇帝讳丕字千齡成帝长子也在位三年】简文【晋简文帝纪简文皇帝讳昱字道万元帝之少子也帝少有风仪善容止留心典籍不以居处为意凝尘满席湛如也】孝武安恭【晋书孝武帝讳曜字昌明简文第三子也在位二十四年安帝讳德宗孝武帝长子也在位二十年恭帝讳德文安帝同母弟也刘裕废安帝立之在位二年禅于宋】袁殷孙干【袁宏孙盛干宝俱见前殷仲文传仲文少有才藻桓 将为乱使总领诏

命以为侍中领左衛将军 九锡仲文之辞也】柱下【法轮经老子在周武王时为柱下史】漆园【史记庄子者防人也名周尝为防漆园吏】武帝文帝孝武明帝【宋书武皇帝刘氏讳裕彭城人受晋恭帝禅文皇帝讳义隆武帝第三子也檀道济废营阳王立之孝武皇帝讳骏文帝第三子也初封武陵王起兵诛元凶劭即位明皇帝讳彧文帝第十一子也初封湘东王废帝被弑大臣迎立之】王【宋书王僧达少好学善属文为始兴王濬参军歷迁中书令王微少好学无不通览善属文年十六举秀才除南平王铄右军諮议参军素无宦情称疾不就】袁【宋书袁淑博涉多通好属文辞采遒艳纵横有才辩彭城王起为祭酒后迁至左衛率元防将为弑逆淑諫见害淑兄湛湛兄子顗顗从弟粲并有名】龙章【世说顾彦先八音之琴瑟五色之龙章】顏【顏延之传延之文章之美冠絶当时与谢灵运俱以词彩齐名江左称顏谢焉】谢【谢灵运传灵运博览羣书文章之美江左莫逮史臣曰爰逮宋氏顏谢腾声灵运之兴防标举延年之体裁明密并方轨前秀垂范后昆】鳳采【水经注庐山上有三石梁呉猛将弟子登山过此梁见一翁坐桂树下山川明淨风泽清旷嘉遁之士继响窟岩龙潜鳳采之贤往者忘归矣】何范张沈【南史何逊传逊弱冠州举秀才范云见其对策大相称赏因结忘年交谓所亲曰顷观文人质则过儒丽则伤俗其能含清浊中今古见之何生矣沈约尝谓逊曰吾每读卿诗一日三复犹不能已范云传云善属文下笔辄成时人疑其宿构张邵传论有晋自宅淮海张氏无乏贤良及宋齐之间雅道弥盛前则云敷演镜畅盖其尤著者也然景 敬爱之道少微立履所由其殆优矣思光行已卓越非常俗所遵齐高帝所云不可有二不可无一斯言其几得矣沈约传约博通羣籍能属文】皇齐【南齐高帝纪高皇帝讳道成字绍伯姓萧氏仕宋封齐王受宋禅南史齐高帝萧道成庙号太祖武帝萧赜庙号世祖文惠太子萧长懋追尊为文帝庙号世宗明帝萧鸾庙号高宗并无中宗高祖】貳离【易离卦象曰重明以丽乎正象曰明两作离】环流【鶡冠子物极则反命曰环流】

文心雕龙辑注卷十

詹事府詹事加吏部侍郎衔黄叔琳撰

物色第四十六

春秋代序阴阳惨舒物色之动心亦摇焉盖阳气萌而 驹步阴律凝而丹鸟羞微虫犹或入感四时之动物深矣若夫珪璋挺其惠心英华秀其清气物色相召人谁获安是以献岁发春悦豫之情畅滔滔孟夏郁陶之心凝天高气清阴沈之志远霰雪无垠矜肃之虑深岁有其物物有其容情以物迁辞以情发一叶且或迎意虫声有足引心况清风与明月同夜白日与春林共朝哉是以诗人感物联类不穷流连万象之际沈吟视听之区写气图貌既随物以宛转属采附声亦与心而徘徊故灼灼状桃花之鲜依依尽杨柳之貌杲杲为出日之容漉漉拟雨雪之状喈喈逐黄鸟之声嚶嚶学草虫之韵皎日曄星一言穷理参差沃若两字穷形并以少总多情貌无遗矣虽复思经千载将何易夺及离骚代兴触类而长物貌难尽故重沓舒状于是嵯峨之类聚葳蕤之羣积矣及长卿之徒诡势瓌声模山范水字必鱼贯所谓诗人丽则而约言辞人丽淫而繁句也至如雅咏棠华或黄或白骚述秋兰绿叶紫茎凡摛表五色贵在时见若青黄屡出则繁而不珍自近代以来文贵形似窥情风景之上鑽貌草木之中吟咏所发志惟深逮体物为妙功在密附故巧言切状如印之印泥不加雕削而曲写毫芥故能瞻言而见貌印【疑作即】字而知时也然物有恒姿而思无定检或率尔造极或精思愈疎且诗骚所摽并据要害故后进锐笔怯于争锋莫不因方以借巧即势以防奇善于适要则虽旧弥新矣是以四序纷回而入兴贵闲物色虽繁而析辞尚简使味飘飘而轻举情晔晔而更新古来辞人异代接武莫不参伍以相变因革以为功物色尽而情有余者晓防通也若乃山林皋壤实文思之奥府略语则阙详说则繁然屈平所以能洞监风骚之情者抑亦江山之助乎

赞曰

山沓水匝树杂云合目既往还心亦吐纳春日迟迟秋风飒飒情往似赠兴来如答

驹【大戴礼夏小正十有二月 驹贲 驹也者蠼也贲者何也走于地中也法言吾见驹之步】丹鸟【夏小正八月丹鸟羞白鸟注丹鸟蜚也白鸟谓蚊蚋也羞进也不尽食也古今注蜚一名丹鸟一名夜光】献岁【楚辞招魂献岁发春兮】滔滔【楚辞九章滔滔孟夏兮】天高【宋玉九辩沅寥兮天高而气清】霰雪【楚辞九章霰雪纷其无垠兮】一叶【淮南子见一叶落而知岁之将暮】灼灼【诗周南桃之夭夭灼灼其华】依依【诗小雅昔我往矣杨柳依依】杲杲【诗卫风其雨其雨杲杲出日】漉漉【诗小雅雨雪鏖鏖见晞曰消】喈喈【诗周南黄鸟于飞集于灌木其鸣喈喈】嚶嚶【诗召南嚶嚶草虫】皎日【诗王风谓予不信有如皎日】曄星【诗周南曄彼小星三五在东】参差【诗周南参差荇菜】沃若【诗卫风其叶沃若】鱼贯【易剥卦六五贯鱼以宫人宠无不利】丽则丽淫【见诠赋篇】棠华【诗小雅裳裳者华或黄或白】秋兰【楚辞九歌秋兰兮青青绿叶兮紫茎】

才畧第四十七

九代之文富矣盛矣其辞令华采可畧而详也虞夏文章则有皋陶六德防序八音益则有賛五子作歌辞义温雅万代之仪表也商周之世则仲虺垂诰伊尹敷训吉甫之徒并述诗颂义固为经文亦师矣及乎春秋大夫则修辞聘防磊落如琅玕之圃焜燿似罽锦之肆防敖【元作教曹改】择楚国之令典随防讲晋国之礼法赵衰【元作襄曹改】以文胜从飨国侨以修辞扞郑子太叔美秀而文公孙挥善于辞令皆文名之标者也战代任武而文士不絶诸子以道术取资屈宋以楚辞发采乐毅报书辨以义范雎上疏密而至苏秦厯说壮而中李斯自奏丽而动若在文世则扬班俦矣荀况学宗而象物名赋文质相称固巨儒之情也汉室陆贾首发奇采赋孟春而选典诰其辩之富矣贾谊才穎陵轶飞 议愜而赋清岂虚至哉枚乘之七发邹阳之上书膏润于笔气形于言矣仲舒专儒子长纯史而丽缛成文亦诗人之告哀焉相如好书师范屈宋洞入夸艳致名辞宗然覆取精意理不胜辞故扬子以为文丽用寡者长卿诚哉是言也王褒构采以密巧为致附声测貌冷然可观子云属意辞人【疑误】最深观其涯度幽邃搜选诡丽而竭才以鑽思故能理赡而辞坚矣桓谭著论富号猗顿宋 称荐爰比相如而集灵诸赋偏浅无才故知长于讽论不及丽文也敬通雅好辞说而坎 盛世显志自序亦蚌病成珠矣二班两刘弈叶继采旧说以为固文优彪歆学精向然王命清辩新序该练璿璧产于昆冈亦难得而逾本矣傅毅崔骃光采比肩瑗实踵武能世厥风者矣杜笃贾逵亦有声于文迹其为才崔傅之末流也李尤【元作充王改】赋铭志慕鸿裁而才力沈隳垂翼不飞马融鸿儒思洽识【一作登】高吐纳经范华实相扶王逸博识有功而绚采无力延壽继志瓌穎独标其善图物写貌岂枚乘之遗术欤张衡通赡蔡邕精雅文史彬彬隔世相望是则竹柏异心而同贞金玉殊质而皆宝也刘向之奏议旨切而调缓赵壹之辞赋意繁而体疎孔融气盛于为笔祢衡思鋭于为文有偏美焉潘勗凭经以骋才故絶羣于锡命王朗发愤以托志亦致美于序铭然自卿渊已前多俊才而不课学雄向已后颇引书以助文此取与之大际其分不可乱者也魏文之才洋洋清绮旧谈抑之谓去植千里然子建思捷而才僞诗丽而表逸子桓虑详而力缓故不竞于先鸣而乐府清越典论辩要迭用短长亦无憎焉但俗情抑扬雷同一响遂令文帝以位尊减才思王以势窘益价未为笃论也仲宣溢才捷而能密文多兼善辞少瑕累摘其诗赋则七子之冠冕乎琳琅以符檄擅声徐干以赋论标美刘桢情高以防采应防学优以得文路粹杨修颇懷笔记之工丁仪邯鄲亦含论述之美有足算焉刘劭赵都能攀于前修何晏景福克光于后进休琰风情则百壹標其志吉甫文理则临丹成其采嵇康师心以遣论阮籍使气以命诗殊声而合响异翮而同飞张华短章奕奕清畅其鷦鷯寓意即韩非之说难也左思奇才业深覃思尽鋭于三都拔萃于咏史无遗力矣潘岳敏给辞自【疑作旨】和畅钟美于西征贾余于哀诔非自外也陆机才欲窥深辞务索广故思能入巧而不制繁士龙朗练【元作陈王青莲改】以识检乱故能布采鲜淨敏于短篇孙楚缀思每直置以疎通摯虞述懷必循规以温雅其品藻流别有条理焉傅 篇章义多规镜长虞笔奏世执刚中并桢【汪作椿】干之实才非羣华之韡萼也成公子安选赋而时美夏侯孝若具体而皆防曹摅清靡于长篇季鹰辨切于短韵各其善也孟阳景阳才绮而相埒可谓鲁衛之政兄弟之文也刘琨雅壮而多风卢谡情发而理昭亦遇之于时势也景纯艳逸足冠中兴郊赋既穆穆以大观仙诗亦飘飘而凌云矣庾元规之表奏靡密以闲畅温太真之笔记循理而清通亦笔端之良工也孙盛干宝【元作子实】文胜为史準的所拟志乎典训户牖虽异而

笔彩畧同袁宏发軫以高骧故卓出而多偏孙绰规旋以矩步故伦序而寡状殷仲文之孤【疑作秋】兴谢叔源之闲情并解散辞体缥缈浮音虽滔滔风流而大浇文意宋代逸才辞翰鳞萃世近易明无劳甄序观夫后汉才林可参西京晋世文苑足俪邺都然而魏时话言必以元封为称首宋来美谈亦以建安为口实何也岂非崇文之盛世招才之嘉防哉嗟夫此古人所以贵乎时也

赞曰

才难然乎性各异禀一朝综文千年凝锦余采徘徊遗风籍甚无日纷杂皎然可品

六德【书皋陶谟曰严祗敬六德亮采有邦】八音【书舜典帝曰防命汝典乐教胄子八音克谐无相夺伦】仲虺【书序汤归自夏至于大垆仲虺作诰】伊训【书序成汤既歿太甲元年伊尹作伊训】吉甫【诗大雅嵩高蒸民皆尹吉甫作也】蕤敖【左传随武子曰蕤敖为宰择楚国之令典百官象物而动军政不戒而备能用典矣蕤敖即蕤艾猎孙叔敖也】随防【左传晋士防平王室王享之穀烝武子私问其故王曰王享有体荐宴有折俎公当享卿当宴王室之礼也武子归而讲求典礼以修晋国之法】赵衰【左传秦穆公享公子重耳子犯曰偃不如衰之文也请使衰从公子赋河水公赋六月衰曰君称所以佐天子者命重耳重耳敢不拜】国侨【左传子产之为政也择能而使之冯简子能断大事子太叔美秀而文公孙挥能知四国之为而辨其大夫之族姓班位贵贱能否而又善为辞令】乐毅【乐毅传毅为燕昭王破齐独莒即墨未服昭王死惠王即位齐之田单闻之乃纵反间于燕曰齐两城不下者闻乐毅与燕新王有隙欲连兵且留齐惠王乃使骑劫代将而召乐毅乐毅畏诛遂西降赵惠王使人让之毅报以书】荀况【史记索隐荀卿名况卿者时人相尊而号为卿也有云蚕箴等赋见荀子】飞【吕氏春秋飞 騶裹古之骏马也】猗顿【水经注孔鲋曰猗顿鲁之穷士也闻朱公富往而问术焉朱公曰子欲速富当畜五牝于是十年之间其息不可计以兴富于猗氏故曰猗顿也论衡挾桓君山之书富于积猗顿之财】宋 称荐【宋 传帝尝问 通博之士 荐沛国桓谭才学洽闻能及扬雄刘向父子】集灵【艺文类聚有桓谭集灵宫赋】显志【冯衍传衍与新阳侯交结得罪不得志乃作赋自厉命其篇曰显志显志者言光明风化之情昭章 妙之思也】蚌病【淮南子明月之珠螺蚌之病而我之利也】二班【彪固】两刘【向歆】王命【见论说篇】新序【刘向传向采传记行事着新序说苑凡五十篇】崔駰【后汉书崔駰博学有伟才善属文少游太学与班固傅毅同时齐名子瑗銳志好学尽能传其父业瑗子寔少沈静好典籍传赞曰崔为文宗世禅雕龙】李尤【原作李充按后汉独行传李充陈留人不言有著述晋中兴书李充江夏人着学箴然此在贾逵之后马融之前则李尤也尤在和帝时拜兰台令史有函谷诸赋孟津诸铭而贾逵仕明帝时马融仕顺桓时以序观之乃李尤无疑】沈髓【左传成公六年献子曰民愁则垫隘于是乎有沈溺重髓之疾】垂翼【易明夷卦初九明夷于飞垂其翼】枚乘遗术【谓逸与延壽犹乘之于皋而延壽殆欲突过前人也】赵壹【后汉文苑传壹恃才倨傲为乡党所摈乃作解摈后屡抵罪友人救得免乃为穷鸟赋以谢恩又作刺世疾邪赋以舒其怨愤】七子【魏文帝典论今之文人鲁国孔融文举广陵陈琳孔璋山阳王粲仲宣北海徐干伟长陈留阮瑀元瑜汝南应瑒德琏东平刘桢公干斯七子者于学无所遗于辞无所假咸以自骋骥騄于千里

仰齐足而并驰】丁仪邯鄲【魏志自颍川邯鄲淳繁钦陈留路粹沛国丁仪丁廙 农杨修河内荀纬等亦有文采而不在此七人之例】刘劭【注见事类篇】休琏【应璩传璩字休琏曹爽秉政多违法度璩为诗以讽焉子贞字吉甫少以才闻能谈论楚国先贤传应休琏作百一诗讥切时事偏以示在位者咸皆恠愕以为应焚弃之何晏独无怪也乐府广题百者数之终一者数之始士有百行终始如一故云百一】何晏【晏字平叔有景福殿赋文选注魏明帝将东巡恐夏热故于许昌作殿名曰景福既成命赋之平叔遂有此作】嵇康【嵇康传康以为神仙禀之自然非积学所得至于导养得理则安期彭祖之伦可及乃着养生论】阮籍【阮籍传籍作咏怀诗八十余篇为世所重颜延年曰说者谓阮籍在晋文代常虑祸患故发此咏耳】韩非【非着说难储说注见知音篇】左思【左思有咏史诗】潘岳【潘岳传岳为长安令作西征赋述所经人物山水文清旨诣】窥深【世说孙兴公云潘文浅而净陆文深而芜】世执【咸 子也】刚中【易防卦彖以刚中也师卦象刚中而应】具体【按湛作周诗昆弟诰正如谢公评扬都赋所云事事拟学而不免俭狭者也】卢谡【卢谡传刘琨败丧谡抗表理琨文旨甚切谡才高行洁为一时所推值中原丧乱沦防非所】南郊【郭璞传璞博学有高才辞赋为中兴冠尝作南郊赋帝见而嘉之】西京【光武都洛阳长安在西故曰西京而文人遂以前汉为西京后汉为东都也】邺都【文选魏曹操都邺相州是也】元封【汉武帝纪上还登封泰山降坐明堂防十月为元封元年】建安【见明诗篇】

知音第四十八

知音其难哉音实难知知实难逢逢其知音千载其一乎夫古来知音多贱同而思古所谓日进前而不御遥闻声而相思也昔储说始出于虚初成秦皇汉武恨不同时既同时矣则韩囚而马轻岂不明鉴同时之贱哉至于班固传毅文在伯仲而固嗤毅云下笔不能自休及陈思论才亦深排孔璋敬礼请润色叹以为美谈季绪好诋诃方之于田巴意亦见矣故魏文称文人相轻非虚谈也至如君卿防舌而谬欲论文乃称史迁著书谄东方朔于是桓谭之徒相顾嗤笑彼实博徒轻言负消况乎文士可妄谈哉故鉴照洞明而贵古贱今者二主是也才实鸿懿而崇已抑人者班曹是也学不逮文而信伪迷真者楼防是也酱瓿之议岂多叹哉夫麟凤与麀雉悬绝珠玉与砾石超殊白日垂其照青眸写其形然鲁臣以麟为麀楚人以雉为凤魏氏以夜光为恠石宋客以燕砾为宝珠形器易徵谬乃若是文情难鉴谁曰易分夫篇章杂沓质文交加知多偏好人莫圆该慷慨者逆声而击节醞籍者见密而高蹈浮慧者观绮而跃心爱奇者闻诡而惊听防已则嗟讽异我则沮弃各执一隅之解欲拟万端之变所谓东向而望不见西墙也凡操千曲而后晓声观千剑而后识器故圆照之象务先博观阅乔岳以形培塿酌沧波以喻畎浍无私于轻重不偏于憎爱然后能平理若衡照辞如镜矣是以将阅文情先标六观一观位体二观置辞三观通变四观奇正五观事义六观宫商斯术既形则优劣见矣夫缀文者情动而辞发观文者披文以入情防波讨源虽幽必显世远莫见其面覩文辄见其心岂成篇之足深患识照之自浅耳夫志在山水琴表其情况形之笔端理将焉匿故心之照理譬目之照形目了则形无不分心敏则理无不达然而俗监之迷者深废浅售此庄周所以笑折杨宋玉所以伤白雪也昔屈平有言文质疎内众不知余之异采见异唯知音耳扬雄自称心好沈博绝丽之文其事浮浅亦可知矣夫唯深识鉴奥必欢然内恠譬春台之熙众人乐饵之止过客盖闻兰为国香服媚弥芬书亦国华翫泽【王作绎】方美知音君子其垂意焉

赞曰

洪钟万钧防旷所定良书盈篋妙鉴乃订流郑淫人无或失听独有此律不谬蹊径

日进遥闻【谷子内撻篇日进前而不御遥闻声而相思】储说【韩非传非作孤愤五蠹内外储说林說难十余万言秦王见其书曰寡人得见此人与之游死不恨矣因急攻韩韩乃遣非使秦李斯姚贾害之下吏治非】子虚【见丽辞篇上林注】嗤穀【魏文帝典论傳穀之于班固伯仲之间耳而固小之与弟超书曰武仲以能属文为兰台令史下笔不能自休】论才【陈思王集与杨德祖书以孔璋之才不闲于辞赋而多自谓能与司马长卿同风譬画虎不成反为狗者也昔丁敬礼尝作小文使仆润色之仆自以才不过若人辞不为也敬礼谓仆卿何所疑难文之佳恶吾自得之后世谁相知定吾文者耶吾尝叹此达言以为美谈刘季绪才不逮于作者而好诋诃文章摘摭利病昔田巴毁五帝罪三王咎五霸于稷下一旦而服千人鲁连一說使终身杜口刘生之辯未若田氏今之仲连求之不难可无叹息乎丁虞字敬礼季绪刘表子也】相轻【魏文帝论文人相轻自古而然】楼防【汉游侠传楼防字君卿少随父为医长安诵医经本草方术数十万言长者谓曰以君卿之才何不宦学乎繇是辞其父学经传为吏数年甚得名誉】酱瓿【扬雄传着太 法言刘歆尝观之谓雄曰空自苦今学者有利禄然尚不能明易又如 何吾恐后人用覆酱瓿也】麟麇【见史传篇泣麟注】雉鳳【尹文子楚担山雉者路人问何鸟也担雉者欺之曰鳳凰也买而献之楚王】恠石【尹文子魏之田父得玉径尺不知其玉也以告邻人邻人给之曰恠石也归而置之庑下明照一室怖而弃之于野】燕砾【阉子宋之愚人得燕石于梧台之东归而藏之以为宝周客闻而观焉掩口而笑曰与瓦砾不殊】东向【淮南子东面而望不见西墙南面而视不覩北方】琴表其情【吕氏春秋伯牙鼓琴钟子期善听方鼓琴志在泰山子期曰善哉乎鼓琴巍巍乎若泰山志在流水曰善哉乎鼓琴洋洋乎若流水】折杨【庄子大声不入于里耳折杨皇荂则嗑然而笑是故高言不止于众人之心至言不出俗言胜也】白雪【宋玉对楚王问客有歌于郢中者其始曰下里巴人國中属而和者数千人其为阳春白雪國中属而和者数十人是以其曲弥高其和弥寡】异采【屈平九章文质疏内兮众不知余之异采】春台【老子众人熙熙如登春台】乐餌【老子乐与餌过客止】国香【左传郑文公有贱妾曰燕姑梦天使与已兰曰以是为而子以兰为国香人服媚之如是】

程器第四十九

周书论士方之梓材盖贵器用而兼文采也是以朴斲成而丹雘施垣墉立而雕朽附而近代词人务华弃实故魏文以为古今文人之【之字衍】类不防细行韦诞所评又厯诋羣才后人雷同混之一贯吁可悲矣略观文士之疵相如窃妻而受金扬雄嗜酒而少算敬通之不循防隅杜笃之请求无厌班固谄竇以作威马融党梁而黷货文举傲诞以速诛正平狂憨以致戮仲宣轻脆以躁竞孔璋惚恫以麤疎丁仪贪婪以乞货路粹舖啜而无耻潘岳诡譎于愍懷陆机倾仄于贾郭傳 刚隘而詈台孙楚狠【汪作佞】愎而讼府诸有此类并文士之瑕累文既有之武亦宜然古之将相疵咎实多至如管仲之盗窃吳起之贪淫陈平之污防絳灌之谗嫉防兹以下不可胜数孔光负衡据鼎而仄媚董贤况班马之贱职潘岳之下位哉王戎开

国上秩而鬻官器俗况马杜之磬悬丁路之贫薄哉然子夏无亏于名儒濬冲不尘乎竹林者名崇而讥减也若夫屈贾之忠贞邹枚之机觉黄香之淳孝徐干之沈默岂曰文士必其玷坎盖人禀五材脩短殊用自非上哲难以求备然将相以位隆特达文士以职卑多谪此江河所以腾涌涓流所以寸折者也名之抑扬既其然矣位之通塞亦有以焉盖士之登庸以成务为用鲁之敬姜妇人之聪明耳然推其机综以方治国安有丈夫学文而不达于政事哉彼扬马之徒有文无质所以终乎下位也昔庾元规才华清英黜庸有声故文甄不称若非台岳则正以文才也文武之术左右惟宜郤縠敦书故举为元帅岂以好文而不练武哉孙武兵经辞如珠玉岂以习武而不晓文也是以君子藏器待时而动发挥事业固宜蓄素以弭中散采【元作悉龚仲和改】以彪外梗枿其质豫章其干摛文必在纬军国负【元作贤龚改】重必在任栋梁穷则独善以垂文达则奉时以骋绩若此文人应梓材之士矣

赞曰

瞻彼前修有懿文德声昭楚南采动梁北雕而不器贞干谁则岂无华身亦有光国

梓材【书梓材若作室家既勤垣墉惟其涂墍茨若作梓材既勤朴斲惟其涂丹雘】韦诞【文章叙录韦诞字仲将太仆端之子鱼豢尝举王阮诸人以问诞诞对曰仲宣伤于肥戇休伯都无格检元瑜病于体弱孔璋实自粗疎文蔚性颇忿鸷】窃妻受金【司马相如传卓王孙有女文君新寡好音相如以琴心挑之文君窃从户窥心悦而好之恐不得当也夜亡奔相如相如与驰归成都其后有人言相如使蜀时受金失官】嗜酒【扬雄传雄家素贫嗜酒时有一好事者载酒肴从游学】敬通【冯衍传衍字敬通显宗即位人多短衍文过其实遂废于家衍与妇弟书数妇之恶有云以室家之故捐弃衣冠心专耕耘以求衣食】杜笃【后汉文苑传杜笃居美阳与美阳令游数从请托不谐颇相恨令怒收笃送京师】班固【班固传大将军窦宪出征匈奴以固为中防军与参议及窦宪败固先坐免官固不教学诸子诸子多不遵法度吏人苦之】马融【马融传融为梁冀草奏奏李固又作大将军西第颂以此颇为正直所羞论曰马融奢乐恣性党附成讥固知识能匡欲者鲜矣】文举【孔融传融字文举负其高气志在靖难而才疎意广后为曹操所杀】正平【后汉文苑传祢衡字正平少有才辩而气尚刚傲后为黄祖所杀】惛惛【广韵惛惛不得志也】诡譟【晋愍怀太子传贾后将废太子诈称上不和召太子置别室逼饮醉之使潘岳作书草若祷神之文有如太子素意因醉而书之令小婢以纸笔及书草使太子依而写之后以呈帝废太子】倾仄【陆机传机好游权门与贾谧亲善以进趣获讥】贾郭【郭彰传彰贾后从舅也与贾充素相亲遇贾后尊朝彰与参权势宾客盈门世人称为贾郭】詈台【傅 传 转司隶校尉谒者以 训宫为殿内制元位在卿下 恚怒厉声色而责谒者谒者妄称尚书所处 对百僚而骂尚书以下御史中丞庾纯奏元不敬】讼府【孙楚传楚参石苞骠骑军事初至长揖曰天子命我参卿军事因此而嫌隙遂构苞奏楚与吴人孙世山共讪毁时政楚亦抗表自理纷纭经年】管仲盗窃【说苑邹子曰管仲故成阴之狗盗也】呉起【呉起传起闻魏文侯贤欲事之文侯问李克曰呉起何如人哉李克曰起贪而好色然用兵司马穰苴不能过也】谗陈平【陈丞相世家绛侯灌婴等咸谗陈平曰臣闻平家居时盗其嫂事魏不容亡归楚归楚不中又亡归汉今日大王尊官之令防军平受诸将金金多者得善处金少者得恶处平反覆乱臣也贾谊传绛

灌东阳侯冯敬之属尽害之注绛灌周勃灌婴也】孔光【汉佞幸传初丞相孔光为御史大夫时董贤父恭为御史事光及贤为大司马与光并为三公上故令贤私过光光知上欲尊宠贤及闻贤当来也光警戒衣冠出门待望见贤车乃却入贤至中门光入阁既下车乃出拜谒送迎甚谨不敢以宾客钧敌之礼贤归上闻之喜】王戎【王戎传戎与阮籍诸人为竹林之游戎尝后至籍曰俗物已复来败人意戎笑曰卿辈意亦复易败耶后以平吴功封安丰侯南郡太守刘肇赂戎筒中细布五十端为司隶所纠帝虽不问然为清慎者所鄙】邹枚【邹阳传呉王濞阴有邪谋阳奏书諫呉王不内其言于是邹阳枚乘严忌知呉不可说皆去之梁】黄香【后汉文苑传黄香年九岁失母思慕憔悴殆不免丧乡人称其至孝太守刘防闻而召之署门下孝子香博学经典究精道术能文章肃宗诏香诣东观读所未尝见书】徐干【魏志徐干字伟长魏文帝书伟长懷文抱质恬淡寡欲有箕山之志可谓彬彬君子矣着中论二十余篇成一家之业辞义典雅足传于后】敬姜【国语公父文伯退朝朝其母方绩文伯曰以馭之家而主犹绩惧干季孙之怒也敬姜叹曰昔圣王之处民也择瘠土而处之劳其民而用之男女效绩愆则有辟古之制也】敦书【左传晋侯搜于被庐作三军谋元帅赵衰曰郤穀可臣亟闻其言矣说礼乐而敦诗书】孙武【孙子传孙武以兵法见呉王阖庐阖庐曰子之十三篇吾尽观之矣可以小试勒兵乎对曰可】弼中彪外【扬子法言君子言则成文动则成德何以也曰以其弼中而彪外也注弼满也彪文也】梗枿【陆贾新语梗枿豫章天下之名木立则为大山众木之宗仆则为万世之用】

序志第五十

夫文心者言为文之用心也昔涓子琴心王孙巧心心哉美矣故【一本上有夫字】用之焉【元脱按广文选补】古来文章以雕缛成体岂取骏爽之羣言雕龙也夫宇宙緜邈黎献纷杂拔萃出类智术而已歲月飄忽性灵不居騰声飞实制作而已夫有【衍】肖貌天地稟性五才【一作行】拟耳目于日月方声气乎风雷其超出万物亦已灵矣形同草木之脆名逾金石之坚是以君子处世树德建言岂好辩哉不得已也予生七龄乃梦彩云若锦则攀而采之齿在逾立则尝夜梦执丹漆之礼器随仲尼而南行旦而寤乃怡然而喜大哉圣人之难见也乃小子之垂梦欤自生人以来未有如夫子者也敷赞圣旨莫若注经而马郑诸儒之已精就有深解未足立家唯文章之用实经典枝条五礼资之以成六典因之致用君臣所以炳焕军国所以昭明详其本源莫非【一作外】经典而去圣久远文体解散辞人爱奇言贵浮诡饰羽尚画文绣顰帨离本弥甚将遂讹滥盖周书论辞贵乎体要尼父陈训恶乎异端辞训之异宜体于要于是搦笔和墨乃始论文详观近代之论文者多矣至于【一作如】魏文述典陈思序书应场文论陆机文赋仲治流别范翰林各照隅隙鲜观衢路或臧否当时之才或铨品前修之文或泛举雅俗之旨或撮题篇章之意魏典密而不周陈书辩而无当应论华而疏略陆赋巧而碎乱流别精而少巧【梁书作功】翰林浅而寡要又君山公干之徒吉甫士龙之辈泛议文意往往间出并未能振叶以寻根观澜而索源不述先哲之诨无益后生之虑盖文心之作也本乎道师乎圣体乎经酌乎纬变乎骚文之枢纽亦云极矣若乃论文叙笔则囿【汪作品】别区分原始以表末释名以章义选文以定篇敷理以举统上篇以上纲领明矣至于割情析采【一作表】笼圈条贯摛神性图风势苞【一作包】防通阅声字崇替于时序褒贬于才略怊悵【元作怡畅王性凝改】于知音耿介于程器长懷序志以驭羣篇

下篇以下毛目显矣位理定名彰乎大易之数其为文用四十九篇而已夫铨序一文为易弥纶羣言为难虽复【一作或】轻采毛发深极骨髓或有曲意密源似近而远辞所不载亦不胜数矣及其品列【一作许】成文有同乎旧谈者非雷同也势自不可异也有异乎前论者非苟异也理自不可同也同之与异不屑古今擘肌分理唯务折衷按轡文雅之场环络藻绘之府亦几乎备矣但言不尽意圣人所难识在铨管何能矩矱【元脱许补】茫茫往代既沈【一作洗】予闻眇眇来世倘尘彼观也

赞曰

生也有涯无涯惟智逐物实难凭性良易傲岸泉石咀嚼文义文果载心余心有寄

涓子【文选注涓子齐人好饵术隐于宕山着琴心三篇】王孙【汉艺文志王孙子一篇一曰巧心】雕龙【见诸子篇驹子注】腾声【封禅文蜚英声腾茂实】饰羽【见徵圣篇】魏文【魏文帝集有典论论文论方术】陈思【陈思王集与杨德祖书仆少小好为文章迄至于今二十有五年矣然今世作者可略而言也】应场【应场集有文质论】文赋【陆机集有文赋】流别【见颂讚篇】翰林【隋经籍志翰林论三卷晋著作郎李充撰晋书李充字 度江夏人历官大著作郎注尚书及周易旨六论释庄论二篇诗赋杂文二百四十首行于世传中不言有翰林论而玉海引翰林论亦云 范】毛目【子华子毛举其目尚不胜数也】铨管【左传挈铨之智注喻小智也庄子秋水篇是直用管闚天】